

**De aure humana tractatus, in quo integra auris fabrica, multis novis inventis & iconismis illustrata, describitur, omniumque ejus partium usus indagantur : quibus interposita est muscularum uvulae, atque pharyngis nova descriptio, et delineatio / Ant. Mar. Valsalva.**

### **Contributors**

Valsalva, Antonio Maria, 1666-1723.

### **Publication/Creation**

Trajecti ad Rhenum [Utrecht] : Apud Guilielmum vande Water, 1717.

### **Persistent URL**

<https://wellcomecollection.org/works/pashcbkg>


### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>




56064/2/B



Digitized by the Internet Archive  
in 2019 with funding from  
Wellcome Library

<https://archive.org/details/b30510995>



43248 Joan. Shipton  
Chirurg. Londin.

ANT. MAR. VALSALVA  
IMOLENSIS.

Phil. & Med. D. in Bononiensi Universitate ad Incisionem &  
Oftensionem Anatomicam Professoris Conducti, necnon  
Nosocomii Incurabilium Chirurgi.

D E

AURE HUMANA  
TRACTATUS,

IN Q U O

Integra AURIS FABRICA, multis Novis  
Inventis & Iconismis illustrata, describitur,  
omniumque ejus Partium Usus indagantur.

QUIBUS INTERPOSITA EST

MUSCULORUM UVULÆ, atque PHARYNGIS  
NOVA DESCRIPTIO, ET DELINEATIO.



TRAJECTI ad RHENUM,

Apud GUILIELMUM VANDE WATER, Academice  
Typographum, MDCCLXVII.

V. D. Paulus Carminatus Cler. Reg. Reg. S. Pauli in  
Metropolitana Bononiæ Pænitentiar. pro Eminentissimo,  
& Reverendissimo D. D. Jacobo Card. Boncompagno  
Archiepiscopo, & Principe Ec.

De Mandato Reverendissimi Patris Inquisitoris Vidi, &  
admitti posse censuit.


12. Jun. 1704. D. Antonius Baruchi Clericus Regularis S. Pauli  
ac Sanctissimæ Inquisitionis Bonon. Consultor.

Stante Praefata Censura.

Imprimatur.

F. Thomas Antonius Manganoni Ord. Præd. Vic. Generalis  
S. Officii Bononiæ.





ILLUSTRISSIMIS, ATQUE AMPLISSIMIS  
BONONIENSIS SENATUS  
**QUINQUAGINTA VIRIS**

Optimis Patriæ Parentibus,

*Celeberrimi hujus Archigymnasii Moderatoribus  
Sapientissimis.*

Antonius Maria Valsalva Felicitatem, & Gloriam.



um Omnes, quotquot in Alma  
hac Bononiensi Academia Ve-  
stris Jussibus, atque Auspiciis  
Facultates profitentur, si quid  
circa injunctam sibi Materiam  
in publicum edunt; id Claris-  
simo Vestro Nomi inscri-  
bere communi quodam officio obstringantur; tum

ego peculiari de causa id debo, ILLUSTRISSIMI,  
atque AMPLISSIMI PATRES. Me siquidem, exterum hominem, honorifico Senatuscon-  
sulto ad Novum Incisionis, & Ostensionis Ana-  
tomicæ Munus, me, inquam, primum, condu-  
xistis; tum Muneri meo aptissimis Ædibus in Pu-  
blico Archigymnasio constructis, atque assigna-  
tis; verborum humanitate; favore vultuum; il-  
la potissimum, æternum mihi memoranda, Pa-  
tientia Vestra, qua ostendentem me audire, atque  
spectare consuevistis, tot veluti illustribus Orna-  
mentis, peculiariter condecorastis. Accedit, quod  
cum aliquando morte Præstantissimi Viri, Medi-  
cum quoddam in hac Civitate conspicuum Munus  
vacaret; ad quod quidem ne quis nisi Civis, aut  
Vir Fama, & Virtute celebris admittatur, lege  
cautum est; me tamen ille, qui præerat, Viro-  
rum Gravissimorum Coetus admitti posse, censuit;  
cunctis enim Suffragiis me, qui prima conditione  
carerem, secunda ornari, declaravit. Quod ho-  
nestissimum de me judicium sicuti meo ingenio,  
aut merito; quæ sentio quam sint exigua; nullo  
modo referre possim; ita Urbis Vestræ; imò Ve-  
strummet ipsorum (nam Coetum illum multi ex  
Vobis ornabant) erga me profusæ Benignitati &  
retuli, & unice refero. Quæ cum ita sint, hunc

meum

meum de Aure Humana Tractatum , quem inter  
Beneficia Vestra nascentem jam tunc Vobis de-  
stinaveram , singulari de causa Nobilissimo Vestro  
Nomini inscribere obstringor , atque adeò inscri-  
bere audeo. Illud interim , ILLUSTRISSIMI , at-  
que AMPLISSIMI PATRES , ab Humanitate  
Vestra exspecto , ut Libellum hunc , quem humil-  
limè Vobis nuncupo , qua majori potestis animi ,  
vultusque hilaritate dignemini. Qua sanè ego ex-  
pectatione non excidam ; si qua fronte , quove a-  
nimo tot Beneficia contulisti , eodem signum hoc ,  
quale id cunque est , grati animi excipiatis. Ad  
Publicam Felicitatem , ad meum Decus , ad Am-  
plissimi vestri Ordinis Gloriam valete.

ANTO-

ANTONIUS MARIA VALSALVA

# LECTORI S.



urem Humanam, de qua modò hunc Tractatum edo, ut à primis ferè studiorum annis ad anatomicam perlustrationem inter cæteras Partes eligerem, duæ potissimum causæ induxerunt; Altera, quod si vulgatas ipsius Historias sive inter se, sive cum Aure ipsâ conferrem, in multis non convenire, perspicerem, Altera verò, quod si Partium Auris exiguitatem, & summam illius, cui includuntur, Ossis duritiem animadverterem; an tale Organum adhuc penitus perlustratum esset, vehementer dubitarem: Prima enim animo sciendi cupido istiusmodi perlustrationis necessitatem faciebat; Secunda incredibilem quandam gratiam huic operi per ipsam difficultatem addebat; Utraque simul subindicabat, multa adhuc in Aure facilè latere, quæ aut illustrari, aut augeri, aut etiam inveniri labore, & diligentia possent. Protinus ergo arduum opus aggressus sum. Et principiò quidem cùm intellexisse, Partium simul omnium nexum, & coordinationem, si quid aliud in Aure, illustrationem exposcere; hanc verò obtineri non posse, nisi talis Auris Anatome præpararetur, quæ omnes simul ipsius Partes in naturali situ exhiberet; difficilem illicò provinciam suscepi, illam scilicet Anatomen elaborandi; non ut eo usque mos fuerat, in varia, & complura segmina Aurem dividendo; sed integrum totam quanta est relinquendo, nullâ fermè vel minima Parte à proprio situ dimota: quæ quidem Præparatio quantum laboris, quantum temporis; præcipue verò quantum studii, & exercitationis expostulet; nemo, nisi experiatur, intelliget. Simul ergo quotcunque Aures undecunque obtainere poteram, anatomico examini subjicere, & singula, quæ aut clariùs, aut accuratiùs, aut noviter omnino observabam, in adversaria referre incepi.

Et jam multos annos quicquid à Medicâ Praxi, à Morbosorum Cadaverum Dissectionibus, à cæteris denique studiis vacabat

## P R Æ F A T I O.

bat, id totum huic labori impenderam ; cùm Amplissimi Bononiensis Senatus Beneficientiâ ad Publicum Incisionis, & Ostensionis Anatomicæ Munus in Celeberrimâ istâ Academiâ conductus sum. Quare ut me Splendidissimo illi Ordini gratum, & non minùs collato Muneri attentum quamprimum approbarem; quæcunque in Aure observaveram, illico vulgandi; summatim nempe, & absque ullâ connexione, prout ferè in adversariis jacebant, consilium cepi. Sed non priùs operi manum admovi; quām senserim, nullam fermè Auris Partem esse, circa quam aliqua adnotanda non haberem; atque adeò longè satius, & majoris etiam perspicuitatis opus futurum esse; si ordinatum, atque completum de Aure Tractatum conscriberem. Itaque meam illam Novam Auris Præparationem aliquâ adhuc ex parte mancam, nec satis perpolitam, ad illud, quod potui, complementum priùs perducere; rursusque totam Auris Anatomen, præcipue quod ad meas Additiones, aut Inventâ spectabat, pluries, & pluries à capite ad calcem percurrere volui: qua in re præstandâ tot Aures aperui; ut si enumerarem; jactationi potiùs simile, quām Veritati videri posset.

Et hæc quidem mea de rebus sæpè spectatis, iterum, atque iterum dubitandi obstinatio, necnon Ægrorum quâ Physicam, quâ Chirurgicam opem, sive coram, sive per litteras exposcentium assiduæ interturbationes, complementum Operis ad usque tempus remoratæ sunt. Utrique tamen huic remoræ plurimum debeo; nam utrinque complura erui, unde Auris non solum Historiam; sed & Usus augerem. Imò nisi quædam Novæ in Ægris habitæ Observationes quodammodo coëgissent; fortasse de Uſibus Auris nec verbum quidem fecissem. Aliàs enim animum Historiæ soliditati assuetum, & Experienciacæ potissimum immorantem piget magis dicam, an pudet per inanes, quales quidem utplurimum solent esse, speculationes, quasi ludicrâ exercitatio ne volitare. Et hinc quidem factum est, ut mea circa Auris Usus cogitata, tametsi Observationi, quantum fieri potest, innixa, novisque, & ni multum fallor, utilibus notitiis conspersa; ab ipsius tamen Auris Historiâ, ceu res diversi omnino momenti separaverim.

Itaque Tractatus hic meus ex dupli Parte constabit. Prima Humanæ Auris Descriptionem tribus Capitibus complectetur.  
Altera

## P R A E F A T I O.

Altera verò in totidem Capita distributa, conjecturas meas circa ejusdem Partium Usus exponet. Nihilominus, quasi Tractatus nequaquam in duas Partes divisus esset; series Numerorum, quibus quodcumque Caput ab alio discriminabitur, à primo Capite usque ad ultimum nunquam interrupta ducetur; scilicet ne Citationes, quæ adeò brevitatem amant, æquo longiores evaderent, si in unâquaque non solum Capitis, sed & Partis Numerus indicandus foret. Scire enim juvat, quòd cum mihi placuerit & ob rationem nuper expositam, & de Descriptionis filo interturbato, obscurior hæc fieret, Historiam ab Usibus separare; placuit tamen illis etiam consulere, qui cum Partis alicujus Descriptionem legerint; ejusdem Usus; aut cum Usus viderint; simul Descriptionem habere, aliquando, ut fit, exoptabunt; ideòque in Primâ Tractatus Parte ubicunque Res aliqua describetur; ibidem in Paginarum margine indicabitur locus, in quo ejusdem Usus quærendus est; & similiter in Secundâ Parte, ubicunque alicujus Rei Usus exponetur; ibi, quò loci ejusdem Historia quærenda sit, indigitabitur; Capite nempe non solum adnotato; sed & Numero ejus Paragraphi, in quo continebitur. Etenim in hunc finem singula Capita in plures Paragraphos distribuimus, rursus verò cum istorum aliquos paulò longiusculos materiæ ratio expostulaverit; ne qui unam rem quærit, totos perlegere semper debeat; per breves rerum tractatarum summulas, juxta enim locum, in quo tractantur, ubicunque per marginem Paginarum dispositas, sufficienter prospectum est.

Et hæ quidem sive Usuum, sive Historiæ Citationes, item breves istæ summulæ ex abundanti, ut modò innuebam, adiectæ sunt; sed Tabularum, Figurarumque Citationes, in margine juxta rerum mentionem, quarum Figuræ sunt, pariter dispositæ, ex necessitate adjungi debuere; Nam Partes, quæ in hoc Tractatu describuntur, ut plurimum tales sunt, ut per nullam, vel exactissimam Descriptionem intelligi sat̄ possint; atque adeò necessariò Delineationem Descriptioni unitam expostulant, ut scilicet, quæ per solum auditum aut segniūs, aut nullatenus intelligi possent, pretinus, adjuvante visu, capiantur. In hunc ego finem quidquid ex Humanâ Aure utile fuit, ut potuit delineari, decem luculentissimis Tabulis ad vivum exhibui, co-

## P R Æ F A T I O.

piosisque additis Explicationibus illustravi: in quibus Tabulis conficiendis, nulli, non dico tantum sumptui, sed labori, & studio pepercit; sæpè rejectis illis, quas minus rem attingere videbam, Delineationibus, & novis in illarum locum usque instauratis: cui supra, quam credi potest, diuturno labori extremam manum imponere desperarem; nisi mea illa Nova Auris Præparatio in omnibus ferè; at præcipue in veris rerum sitibus delineandis insigni adjumento fuisset. Sed modò satìs de labore hoc meo; maximè cùm de eodem rursus verba facere in Figurarum Explicatione contingat.

Interim quid demum post tot labores, & curas, quid, inquam, novi, rari protulerim, Aliquis hic loci interrogabit. Cui interrogationi ne hic deberem singulatim respondere, prospexi tum passim per ipsum Tractatum, & subinde etiam per appositas in margine summulas, quæ nova attulerim, indicando; tum eadem ferè omnia in Indicem, sive Summarium ad calcem Tractatus colligendo & in hunc ipsum finem, & ut ejus ope in promptu sit, quæcunque aut nova, aut rara in hoc Libello videri possunt, quandocunque placet, comperire. Hic ergo generatim solummodo respondebo. Primò id, quod supra innuebam. Nullam ferè Partem in Aure occurrere, in qua aliquid non invenerim, aut auxerim, aut saltēm illustraverim; Ad hec inter duas & quadraginta Figuras, quas exhibeo; si unam, vel alteram in Tabulâ III. excipias; nullam esse, quæ similiter aut nova non sit, aut auctior, aut saltēm luculentior; si cum jam vulgatis comparetur. Nollem interim; cùm aliquot Nova invenisse me, dico; Aliquem fortasse expectare magna quædam, & quæ omnium oculos impleant, Inventa. Etenim in Minimis, iisque Minimis, quæ à tot Nobilissimis Anatomicis tantâ diligen- tiâ lustrata sunt, non nisi minima inveniri possunt. Attamen non omnia, ut ego spero, minima videbuntur; & eorum, quæ minima erunt, complura utilia; omnia verò jucunda invenientur; nam ut verbis Senecæ utar; *Minimarum quoque rerum, si insolite prodierint, spectaculum dulce est.*

Illud multò minus vellem; quòd nempe Aliquis in pejorem partem traheret meam hanc, quæ certè à damnabili causâ non provenit, apertissimam libertatem, qua ipse de rebus meis ab-

\* \*

sque

## P R A E F A T I O

sque ullâ dissimulatione dico; Hoc est clarius: Illud accuratius: Istud verò novum omnino est. Ut enim norunt, qui me norunt; à nullâ re magis, quām à jactatione, & elato animo longè absūtum: nullusque, ut puto, est, qui Clarissimos illos Auctores, qui ante me Aurem examinarunt, pluris faciat, quām ipse ego; qui nempe proprio labore expertus sum, quid sit Aurem perlustrare. Imò tantū apud me potest talium Virorum Veneratio; ut quamvis Veritate cogente (quam quidem unam præ ipsis veneror) eorum Anatomen, aut Cogitata defecisse, alicubi ostendam; nullum tamen ibidem nominem, nisi implicitè, & generatim. Ubicunque autem Veritas emergere per se ipsam potest; neque obscurè, & generatim illorum defectus indico; ita ut sæpius eligam potius, aliquot eorum rationes, quæ contra Opiniones meas faciant, prætermittere, & Lectori facile solvendas relinquere; quām easdem adducendo, & solvendo, Illorum lapsus indigitare. Sed hæc præstiti non ob solam tantorum Hominum Venerationem; verùm quoque ob communis humanitatis conscientiam cuius imbecillitati quemadmodum omnes obnoxij sumus; ità omnes indulgere debemus. Illud verò totum dedi Clarissimorum Virorum obsequio; quod imposita ab ipsis nomina religiosè servavi: & cùm pauca quædam immutare coactus sum; eorum, quandocunque licuit, in imponendis nominibus mori, & genio obsecundavi, ità ut aliquando nomina, quorum sonus fortasse non ità gratus videri potest; potius adhibuerim; quām à vulgatis eorum vocabulis penitus recesserim.

Quæ cum ità sint, meumque erga Majores obsequium non unâ ratione elucecat; illud facile, ut puto, à meis Lectoribus obtinebo, ut si forte inter tot res, quarum sive inventionem, sive augmentum mihi tribuo; una vel altera aliquando, ut fit, deprehendatur, quæ apud illos, qui ante me scripserint, reverà (reverà in quam) occurrat, non id scienter, aut malignè factum existiment; sed potius elapsum per communem illam cunctis hominibus infelicitatem; qui nempe nec omnium Libros legere possunt, nec lectos meminisse. Sed à prudente, & docto Lectori hæc ultrò condonantur sic, ut longiori oratione petere opus non sit.

Nec similiter talem Lectorem præmonere necessum est, quid cum

## P R A E F A T I O.


cum Sanioribus Philosophis accipiam; cum Naturam, & similia nominabo. Illud verò oportet, ut moneam; Quòd cum pafsim ad rerum quantitatem exprimendam lineæ nomen adhibeam; per tale vocabulum duodecimam partem ejus mensuræ innuo; quam Tabulâ IX. sub Asterisci notâ proponam. Ego enim inter cætera hoc etiam curavi, ut nempe in Tractatu hoc meo ferè omnium præcipuarum Auris Partium exactæ dimensiones reperiri possent; adeoque qua majori licuit diligentia, & curâ ex pluribus Auribus easdem dimensiones primò defunpsi, distinctèque notavi, deinde omnibus simul collatis, illas, quæ ut plurimum occurrere visæ sunt, in meam Historiam retuli. Sed ne, quæso, interim Aliquis sit, qui harum dimensionum colligendarum laborem præcipitanter contemnat. Nam tum ipse, quantum hic utilis fit Auditus Phænomena explicanti, ubi de Usibus Auris, ex parte ostendam: tum quisquis Organum hoc, quod ego describo, ad Sonum spectare, animadverterit; quanti longitudinum, & cæterarum ejusdem dimensionum exacta Notitia inter reliquas ipsius Historiæ Pârtes facienda sit, protinus, intelliget. Hæc, & similes animadversiones facient, ne prolixior videar in quibusdam sedulò describendis; ne quid forte in Usuum Expositione supervacaneum existimetur; ne demum Figura aliqua, aut Figuræ alicujus pars inutilis censeatur; ut quidem ab incautis primâ facie judicari possit.

Denique tametsi ego, ut Scripta hæc perspicua evaderent; hic illic per opportunam prolixitudinem, ubique verò per styli remissionem operam dederim; nullus tamen dubito, quin alicubi obscurus videri debeam. Ut enim mittam illud genus obscuritatis, quod & commune, & inevitabile est in hujuscemodi Historijs conscribendis; nempe quòd ad Partis alicujus descriptionem absolvendam, nonnulla memorare quandoque oportet, quæ necdum ipsa descripta sint; hoc certè Historiæ meæ peculiare est, ut plurimum, quæ in illa exponuntur, Partium qualiscunque descriptio obscura semper videatur, quia, ut supra indicatum fuit, Res tales nāquam possunt sufficenter describi; tum quia cædem, non ut complures aliæ Partes, quæ in Theatris Anatomicis sæpè, & luculenter sub omnium oculos ponuntur, non inquam, facile possunt Legentium imaginationi succurrere,

## P R Æ F A T I O.

currere, & suas descriptiones sic adjuvare. Verum si Partium Auris jam notarum descriptio non obscura esse non potest: quid de tot rerum omnino Novarum descriptionibus expectandum est. Nec verò ipsorum Usuum expositio omnino perspicua esse potest; utpote quæ earundem Rerum Novarum, atque adeò non ita promptè in Lectorum mentem redeuntium structuræ, & coordinationi non raro innixa sunt. Pollicor tamen, nullibi tantam occursuram esse obscuritatem, ut illam attentus, & non omnino rudis Lector superare non valeat, adiutus præcipue rerum Delineationibus, quas nempe, ut superius quoque dictum est, in eundem finem perpetuò in contiguo Paginarum margine indicabimus.

Quem verò fructum attentionis suæ promittere sibi Lector possit; ex ijs, quæ passim per hanc Præfationem indicata sunt, ex parte jam videt, & ex Indice magis adhuc videbit; sic ut liceat mihi ab illâ re singillatim recensendâ hic loci abstinere. Ut verò summatim dicam; spero fore, ut neque Anatomicos, neque Chirurgos, neque Medicos neque Philosophos omnino pœniteat Libellum hunc perlegisse; sed neque etiam Mathematicos; nam quantum ipsos de illâ Facultate, quæ circa Visionis proprietates versatur, conscripturos, Oculi Anatomen novissime decet; tantum eosdem in illâ, quæ circa Sonos, Auditumque consistit, Facultate edisserendâ, Auris Anatomen callere convenit: rursus quantum Lentes, Camera Optica, & similia secundum Oculi structuram elaborata Instrumenta ipsis, dum Opticam exponunt, adiumento sunt; tantum Instrumenta juxta exactam Auris, aut ejus Partium fabricam constructa, eosdem Auditus Proprietates contemplantes; facile juvabunt. Atque utinam tantum mihi otii concessum fuisset, quantum ad talia Instrumenta construenda, experiendaque requirebatur; ut credo, me ipsis adiutum, & plura, & meliora, in meis circa Auris Usus Disquisitionibus propositurum fuisset. Verum Præfatio, me quasi non sentiente, multò supra, quam voluisse, excrevit; nec te amplius, o Lector, morari convenit Vale.



D E  
A U R E H U M A N A  
T R A C T A T U S  
P A R S P R I M A  
Continens Auris Descriptionem.

*Auriculæ, & Meatus Auditorii, sive Exterio-  
ris Auris Cavitatis Descriptio.*

C A P U T I.

**D**E Aure Humanâ acturus, eandem in Tres Cavitates, scilicet in Exteriore, Medium, & Interiore dividendo. Exterior Auriculam, Meatumque Auditorium; Media Typanum; Interior verò Labyrinthum comprehendit: De quibus singulis, atque in ipsis contentis Partibus eodem fermè ordine scribam, quo scrutantium diligentiae successivè se produnt.

II. Exterior igitur Auris Cavitas Auriculam, & Meatum Auditorium complectitur. Auricula Pars illa est omnium oculis obvia, quæ in Capite extra Os Temporum prominet. Nonnullis, eisque tortuosis Eminentiis,

A

tiis,

*Auricula, &  
primò ejus Emi-  
nentia, & Fovea.  
Earundem De-  
lineationem.  
Vide Tabulâ I.  
Figura I.*

Usam vero  
Capite IV. Nu-  
mero II.

tijs, ac Foveis & elevatur, & deprimitur. Eminentia-  
rum extima, quæ Helix est, à Conchâ exsurgit, quam  
in duas Cavitates videtur distinguere; hinc contorti  
aggeris in modum majorem Auriculæ portionem, &  
præcipuè versùs superiora circumambit; ac ad postica,  
superato illius dimidio, quasi complanata paulatim ob-  
literatur, & in illam infimam, mollemque Appendi-  
culam abit, Lobum Auriculæ dictam; cui nimirùm  
Fœminæ ornamenta committunt. Descriptæ Eminent-  
iæ interiora versùs altera Eminentia opponitur, quæ  
Anthelix est. Hæc bipartito mediante Foveolâ prin-  
cipio, in Auriculæ anteriori, & quasi superiori parte  
incipit; indè unita, deorsum curvo progressu vergens,  
sensim gracilescit, quo usque aliam Eminentiam, vel-  
uti distinctam, & supra Auriculæ Lobum locatam con-  
stituat, quam Antitragum dicunt, & hoc quidem ob-  
alteram Eminentiam, quam fermè è directo respicit,  
Tragum, seu Hircum nonnullis vocitatum. Foveæ de-  
scriptis Eminentiis interjectæ sunt, quæ diversas sorti-  
untur denominations; Illam enim, quæ inter Heli-  
cem, & Anthelicem excurrit, nonnulli Innominatam;  
quæ verò inter principia Anthelicis excavatur, Sca-  
pham vocant; quæ demum ab Anthelice, Helicis por-  
tione, Trago, & Antitrago ambitur, omnium maxi-  
ma, Concha nominatur: in duas quodammodo distin-  
cta Cavitates, Superiorem nimirùm, & Inferiorem. Sed  
in harum Cavitatum, atque Eminentiarum nominibus  
variatis ludunt, nec sibi ipsis ubique constant Ana-  
tomici.

*Auricula Cutis  
& Glandula Se-  
bacea noviter  
invenita.*

III. Auricula Eminentiis, ac Foveis sic configura-  
ta, vestitur Cute, quæ hic præter communem sui tex-  
turam plurima nanciscitur foramina, præcipuè in Con-  
châ,

châ, Scaphâ, & Innominatâ Cavitate, necnon in parte posteriore Conchæ usque ad Capillitium. Hæc ubi hiant, sæpè Cutis veluti in minima tubercula assurgit: & si fiat expressio; materia sub formâ vermiculorum erumpit; quæ naturaliter exiens, postmodùm exsiccata, in furfuraceas distincta particulas in indicatis locis colligitur. Hujusmodi materia à subiectis Glandulis separatur, quarum natura; si earum excreta attendantur, eadem est cum illis, quæ in Spinâ, Alisque Nasi, nec non in aliis Faciei Partibus, præcipuè verò sub Palpebris, occurunt. Tales Glandulas usque adhuc in Auriculâ à nemine observatas, ut ab aliis discriminem, quæ in hac primâ Auris Cavitate considerantur, attentâ secreti humoris cum Sebo similitudine, Glandulas Sebaceas dicam. Similes Glandulas adesse in capillata Capitis parte, necnon in quibusdam aliis Corporis regionibus, præter expositas, est conjecturæ locus. In capillatâ Capitis parte præbet dubitandi ansam illa unctuositas, quæ sæpè in eodem percipitur, insimul cum furfuribus illis, qui inter pectendum è Capite decidunt. In aliis locis idem potest coniici ex unctuositate quædam, quæ in indusiis, præsertim in aliquibus Subjectis, circa Collum, & Scapulas solet manifestari. Cuti Membrana substernitur Adiposa, quæ hic tale nomen mereri non videtur; cùm vix aliquam exhibeat pinguedinis speciem præter illam paucam, quæ ad Auriculæ Lobum, & partem Helicis inferiorem occurrit.

IV. Cuta, & Membranâ Adiposâ ab Auriculâ remotis, Cartilago Indagantium scrutinio objicitur. Ab hujus consistentiâ Eminentiae, & Foveæ jam descriptæ effinguntur; si Auriculæ Lobus excipiatur, & pars Helicis inferior, quæ à simplici Communium Integumen-

De Harum Usu  
Vid. Cap. IV.  
Num. IV.

Glandula ejus-  
dem naturæ sub  
Palpebris.

Glandula ejus-  
dem naturæ for-  
tassis in plurib[us]  
aliis locis.

Membrana Adi-  
posa Auriculae.

Auricula Cartila-  
lago.

Delin. Vid.  
Tab. I. Fig. II.

Usum Vid.  
Cap. IV. Num.  
II.

## Auris Descriptio.

CAP. I.

torum duplicatione construuntur. Eadem Cartilago ad Auriculæ medietatem inferiora versùs, quà Helicis extremum producit, ab Anthelice disjuncta spectatur. De cuius Cartilaginis alijs disjunctionibus, ubi eadem Meatus Auditorii principio continuatur, alia superessent notanda; quæ ad ejusdem Meatus Historiam consultò omittuntur. Rursus hæc Cartilago ultra superiùs enarratas Eminentias quendam obtinet Processum, usque adhuc ab Anatomicis prætermissum, & solum oculis obuium post diligentem Cutis separationem; nobis tamen ob Ligamenti inferiùs describendi insertionem non omissendum. Hujusmodi Processus exiguus, & acutus est, & in parte anteriori Cartilaginis collocatur, ubi Helix immediatè supra principium Meatus Auditorii Conchæ cavitatem claudit.

Noviter inventa  
Glandulae Tragi.

Delin. Vid.  
Tab. I. Fig. I.

V. Super hac Cartilagine ad Tragum versùs Faciem quædam Glandulæ deteguntur, de quibus hucusque nulli meminerunt. Hæ parvi ciceris extensionem solent habere, aliquandò duæ, aliquandò tres; at sæpè unica tantùm existit: quod cùm est, tunc aucta magnitudo numeri compensat defectum. Earundem inquisitio debet exactè institui; quia cum Parotide ad Tragum extensâ, quandoque confunduntur; sed tamen hoc oculus, atque diligens Anatome pulchrè distinguít; quia illæ differunt ab istâ ob compositionem, quam sibi vindicant, ex toto similem Inguinalibus, & Axillaribus, necnon aliis Glandulis, per quas Lymphatica ingredientia, & egredientia pervadunt. Porro illas Glandulas nomine Glandularum Tragi accipio.

Auriculae Musculi.

VI. Ultra Partes haec tenus in Auriculâ consideratas, accedunt Musculi; quorum aliqui, cùm uno tantum extremo Auriculæ adnexi, reliquo suo corpore extra

Usum Vid. Cap. IV. Num. III.

extra ipsam jaceant; Externi; alii verò, cùm utrumque extreum intrà Auriculam obtineant; Interni à me nuncupantur. Externorum unus Superior; tres Postiores à situ dicuntur: quorum omnium Inventio debetur Casserio. Istis nos unicum Anteriorem addimus. *Musculus Superior Auriculae.* Musculus Superior, qui à fibrarum carnearum quasi simplici plano construitur, circa Musculi Temporalis medietatem sparsis fibris exoritur; hinc descendendo, & simul latam suam expansionem aliquantùm constringendo, multis fibris tendineis sparsim in partem superiorem Conchæ, nec non Scaphæ à tergo infigitur. Musculi Postiores Auriculæ quandoque quatuor; quandoque duo; sed ut plurimum tres adnotantur: & quando solum duo se manifestant; tunc unus ex illis duplicato tendine versùs Concham deferri solet. Horum Musculorum in numero varietatem non solum in diversis; verùm etiam in eodem Subjecto quandoque vidi. Tres itaque Musculi frequentius (non verò simplex fibrarum carnearum massa, ut Quidam tradiderunt ex Recentioribus) in Auriculæ posteriora inseruntur. Hi successivè unus infra aliud; origine tamen quasi unitâ; ob Osse Temporali supra Processum Mamillarem excurrentes, demum versùs Auriculam delati; triplici distincto tendine ad partem posteriorem Conchæ perveniunt; ad quam Medius pertingit è directo ei loco, ubi Helix à Conchâ elevatur; reliqui duo parum distantes ad ejusdem latera disponuntur. At sicut hi Musculi variant, ut scripsi, in numero; variant etiam non itâ raro in modo incedendi. Frequenter enim Lateralium Musculorum fibræ Medii fibras super scandunt: aliquoties parallelo ordine pergunt: & tendines aliquando paulò inferius; aliquando paulò superius.

riùs Conchæ alligantur. Ex quibus differentiis subortæ sunt Auctorum discrepantiæ in horum Musculorum numero, & positu, ut ex eorundem Scriptis liquet: quod non evenisset, si pluries in diversis Corporibus ijdem Musculi quæsiti essent. Nam ex multiplici observationis usu impetratur, quid in Naturâ sit perpetuum, quid usitatus, quid indifferens, & quid rarus. Musculus denique Anterior noster à Membranâ Temporalem Musculum vestiente, immediatè supra exortum Processus Zygomatici ab Osse Temporum, enatus, rectâ versùs Auriculam tendit; quam antequàm attingat; in duas dividitur partes, quarum altera in partem anteriorem Superioris Conchæ Cavatis; altera verò paulò superiùs in partem anteriorem Cavitatis Scaphæ infigitur. Musculis Externis aliquando accedunt Fibræ Carneæ à Musculo Quadrato Colli ad partem Auriculæ inferiorem delatæ.

*Musculus Auricula Interni nō viter inventi.*

*Delin. Vid.*

*Tab. I. Fig. IV.*

VII. Externorum Musculorum examen Descriptio excipit Internorum; qui videlicet utrumque extremum intrâ Auriculam habent, & quos hactenus non indicarunt Anatomici. Hi sunt numero bini: & licet parvi sint; attamen omnium oculis fient conspicui, maximè si in Cadaveribus eorum, qui non fuerint macie confecti, illorum instituatur indago. Unus ex ipsis Trago; alter verò Antitrago donatur: unde primum Musculum Tragi, & secundum Musculum Antitragi dicam.

*Musculus Tragi.* Musculus Tragi fibris carneis externam Tragi faciem occupat, ambitu ferè circulari circumscriptus. Mus-

*Musculus Antitragi.* culus Antitragi basim habens ad partem posteriorem Antitragi, & Pyramidis in formam assurgens, in marginem Conchæ inseritur, ubi Anthelix definit. Iстis

*Fibra Transversa in gibbo Auricula.* Musculis in Auriculâ associantur Fibræ Carneæ, quæ à gib-

gibbo Conchæ circa ejusdem dimidium recedunt, & in Anthelicem transversè extenduntur, ubi hæc marginem Conchæ elargit. Hæ verò sensibiliores sunt in parte mediâ, quâm in superiori; adeò ut in istis aliquando ex toto abscondantur.

VIII. Auricula, ut continuatam cum Meatu Auditorio Cavitatem componat, debitum que situm conservet; Ossi Temporum firmiter alligatur. Quippe præter connexiones, quas obtinet per Musculos suos Externos; membranaceos habet nexos eandem circumplexentes, quorum ministerio eidem Ossi unita existit. Hi validiores, & distinctiores sunt in parte Auriculæ anteriori, quâm in reliquis. In illâ enim, licet adhuc ab aliis memoratum non fuerit; facilè obvium est Ligamentum quoddam, per quod Acutus ille Processus in Auriculæ Cartilagine indicatus, necnon pars superior Cartilaginis Meatum Auditorium componentis Ossi Temporali annectitur, quò loci Zygomaticus Processus ab isto erumpit.

IX. Exteriorem Auris Cavitatem Meatus Auditorius complet. Hic Canalis quidam est à coarctatione Conchæ incipiens, & usque ad Tympani Membranam per Os Temporum transversè progrediens, ità tamen, ut à situ verticali secundùm altitudinem versùs Faciem declinet. Ejus cavitas Cylindro Ellyptico assimilari potest; qui tamen non rectâ, sed serpentino incessu procedat. Ipse enim principio parùm ascendit; indè circa dimidium sectione circulari curvatur deorsum; iterumque ascedit; demùm, maximè suâ parte inferiori, ad Tympani descendit Membranam, à quâ obliquâ sectione clauditur sic, ut faciat cum hac obtusum angulum, parte superiori, & posteriori; acutum verò anteriori, & in-

*Delin. Vid.  
Tab. I. Fig. III.*

*Ligamentum  
Auricula Ngu-  
rum.*

*Meatus Auditio-  
rius.  
Delin. Vid.  
Tab. III. Fig. I.*

*Incessus Meatus  
Auditorii accu-  
ratius descriptus.*

*Usum Vid.  
Cap. IV. Num.  
V.*

*Verum Meatus  
Auditorii Incef-  
sum observandi  
Novus medus.*

& inferiori. Sed ut hujus cava*ta*is configuratio clare percipiatur; ad quam dilucidè explicandam verba minùs sufficere, intelligo; nullus aptior modus est; quàm si cerà, vel alio liquato corpore eandem repleas: ità enim ablatis posteà partibus illam circumscribentibus, remanet in concretâ materiâ cavitatis distincta figura, qualem quidem supra descripti, & quæ ab eâ, quam hactenus vulgati Iconismi demonstrarunt, non parum discrepat. Canalis istius longitudo, in ipsius quidem medio desumpta, novem lineas, altitudo quatuor, latitudo verò tres æquat: quæ tamen latitudo in ipsius principio major est.

*Meatus Audi-  
torii Pars Cartila-  
ginea.*

*Delin. Vid.*

*Tab.I.Fig.II.&  
Tab.IV.Litt.f.f.*

X. Componunt Auditorii Meatus parietes Pars Cartilaginea, & Pars Ossis Temporum. Pars Cartilaginea à coarctatâ Conchæ Cartilagine formatur, quæ versùs Faciem reflexa, & intrinsecùs elongata, si à Trago metiamur, plusquàm dimidiā Meatus longitudinem in parte inferiori, & anteriori constituit; nam partem superiorem, & posteriorem huic correspondēt supplet cum ipsâ Conchâ Pars Ossea ejusdem Meatus, de qua inferiùs. Hæc Cartilago variis in locis est interrupta per Incisuras à membranosis expansionibus tam versùs interiora, quam exteriora Meatus clausas: quarum Incisurarum mentionem primùm vidi apud D. Du Verney. Istæ autem, ut ego observo, nec figuram, nec numerum certum sortitæ sunt; sæpiùs tamen duæ observantur, prior quarum paulò superiùs; altera verò paulò inferiùs solet locari, & minorem, quàm præcedens, habere longitudinem. Interdum hæc duæ Incisuræ quasi concurrunt, angulum describentes acutum. Aliquando defectum unius, vel ejusdem brevem productionem compensant nonnulla Foramina, eandem Cartilaginem

*Meatus Audi-  
torii Incisuræ ac-  
curatiūs descrip-  
tæ.*

*De harum Uſu  
Vid.*

*Cap.IV.Num.V.*

pe-

penetrantia, & à Membranis pariter clausa. Parti Cartilagineæ, ut indicabam, accedit Pars Ossea, sinus videlicet in Osse Temporum excavatus, qui Parti Cartilagineæ è directo collocatur, unum continuatum Canalem cum hac efformans. Ille suâ extensione; si partem anteriorem, & inferiorem spectes; quasi dimidiam totius Meatus longitudinem; si verò partem posteriorem, & superiorem; integrum quasi ejusdem longitudinem æquat.

XI. Totus Meatus internè cingitur Cute, quæ postquam Auriculæ indumentum præsttit; Meatum Auditorium ingreditur; & cum ad ejusdem medietatem pervenit; in Membranam gracilescit tensam; at simul humore quodam aqueo madidam: quem ipsa sibi excernere, secundum ea, quæ alibi de consimilibus Membranis indicabimus, ab Aliquo fortè credi potest. Et tali quidem Membranâ quod reliquum est Meatus investitur; imò ab eâdem ulteriùs extensâ Membranæ Tympani exterior facies, uti scribemus, producitur. Porro Cutis à principio Meatus Auditorii usque circiter ad dimidium parvis ornatur pilis; plurimis verò est per via foraminibus, per quæ Cerumen egreditur.

XII. Membrana Adiposa Cuti subiecta ingreditur & ipsa Meatum; licet solùm usque ad hujus mediatem elongetur: & ab ingressu statim abit in Fibras Carnes reticulari ordine dispositas. In hujus Reticularis Corporis, hucusque non animadversi, areis firmantur Glandulæ, quarum primam delineationem debemus D. Du Verney. Hæ figuram obtinent variam: major tamen harum pars vel ad ovalem, vel ad sphæricam accedit. Colore tinguntur flavo ab humore in earum folliculis contento, qui ob assiduam Fibrarum Carnearum

*Meatus Auditorii Tars Ossea.*

*Usum Vid. Cap. IV. Num. VI.*

*Cutis Meatus Auditorii accutus descripta.*

*Usum Vid. Cap. IV. Num. VI.*

*Glandularum Meatus Auditorii Novum Corpus Reticulare.*

*Delin. Vid. Tab. III. Fig. II. & III.*

*Glandula Meatus Auditorii.*

nearum Reticularium pressionem, per Cutis correspondia foramina in Meatus Auditorii cavitatem transmittitur. An singulæ hæ Glandulæ peculiares habeant Excretoriōs Tubulos correspondentes foraminibus Cutis; an immediatè uniantur eisdem, absque ullo interposito Vase Excretorio; sunt qui determinant: mihi verò adhuc non constat. Secreta autem per hasce Glandulas materia sapore amaricante (ut notum est) necnon visciditate donatur; si quidem ea consideretur, quæ in Meatu Auditorio jam collecta est. Hæc materia aliquando ità copiosè circa Tympani Membranam aggeritur, & in solidum corpus induratur; ut secundùm illas, quas habet D. Du Verney, & meas quoque Observationes Surditatem inducat. Quæ Surditatis species, et si frequenter sit obvia; attamen raro, quia non cognita, curatur; quamvis diligent manuum auxilio desiderata possit restitui sanitas: quod annum ante, propriis manibus præstiti D. Bertocchio, Doctoris Medici Patre, septuagenario majore, qui per duodecim annos surditate laboraverat ab eâdem materiâ prope Tympani Membranam induratâ.

*Meatus Auditorii in Foetu, & recente nativitate constitutio.*

XIII. Pro Meatus Auditorii Coronide, sciendum est, in Foetu, atque etiam in Infante recenter nato Meatus parietes, maximè circa Concham, ad invicem ità accedere; ut Meatus principium ferè ex toto claudatur: & tunc hujus parietes à substanciali crassâ, & subalbidâ tecti conspicuntur, quæ ulterius ad Tympani Membranam extensa, aliam ibidem Membranam videtur componere, sensim progrediente tempore exsiccandam, & in minimas distinctam particulas cum Ceruminis materiâ ab eodem Meatu egressuram. Quòd si talis Membrana non decidat; imò firmior evadat;

Sur-

*Cerumen.*

*Surditas à copia indurati Ceruminis.*

*Talis Surditatis à duodecim annis affligenitis Curatio.*

*Usum Vid. Cap. IV. Num. VII.*

*Quaedam Surditatis à nativitate specie, nihil.*

Surditatis à nativitate species inducitur : quam quidem <sup>minores curabilis,</sup>  
difficulter ; sed tamen si in rebus Chirurgicis, & Ana-  
tomicis præcipue, fueris versatus ; sanare poteris.

XIV. Cavitas Auris Exterior, quam usque adhuc <sup>Delin. Vid. Tab.</sup>  
descripsimus, Vasis Sanguineis vehentibus, & reve- <sup>II.</sup>  
hentibus ditatur. Obtinet Arterias à Carotidum Ex-  
terno Ramo, qui dum lateraliter per partem Auriculæ  
anteriorem, versus Tempora ascendit, aliasque supe-  
riores Capitis Partes; Ramulum primò per posteriora  
Auriculæ; deindè alios per ejusdem anteriora spargit:  
qui omnes non solum Auriculæ; sed & Meatus Audi-  
torio prospiciunt. Venæ omnibus hisce Arteriis asso- <sup>Eorundem Vene.</sup>  
ciantur: si tamen excipias Ramum, qui versus Tem-  
pora ascendit; hic enim sinè socio Venæ Trunko fre-  
quenter invenitur. Porrò Venæ istæ ad Jugularem  
Externam omnes mittuntur. Præter hanc Venam Ju-  
gularem, ab Auriculæ posticâ parte revehit sanguinem  
etiam Vena, adhuc ab aliis non descripta; quam ego  
Occipitalem appellabo; cùm alios, & quidem valde  
plures Ramos ab Occipitis partibus accipiat; Ramos-  
que omnes ad Occiput in Truncum recolligat. Venæ <sup>Quibus Rami ad-</sup>  
autem istius Truncus post Mamillarem Processum, pau-  
lò tamen interius, per peculiare Novum Foramen in-  
trà Cranium ingreditur, & defert sanguinem, dexter <sup>Delin. Vid. Tab.</sup>  
quidem Truncus in Sinum Lateralem dextrum; sini- <sup>VII. Fig. II.</sup>  
ster verò in sinistrum Sinum Lateralem Duræ Matri-  
e loci, ubi ipsi Sinus versus Cranii Basim se reflecten-  
tes, jam jam istam tangere incipiunt.

XV. Nervi dupli origine distincti, per Exterio-  
rem hanc Auris Cavitatem distribuuntur. Primò enim <sup>Nervi Auricu-</sup>  
Auditorii Nervorum Paris Portio Dura, ab Aquædu- <sup>la, & Meatus</sup>  
ctu Fallopiano egressa, hinc divisa, & subdivisa in <sup>Auditorii.</sup>

Ramulos, horum unum ad partem Auriculæ anteriores, Meatumque Auditorium, & Capitis superiora mittit; reliquos verò quasi per omnes Faciei partes diffundit sic, ut omnino nullus Portionis Duræ sensibilis Ramus per Auriculæ posteriora ascendet: quod Recentiorum Aliqui; & erroneè quidem, secundùm multiplices inspectiones meas, recensuerant, & delineaverant. Secundò ad Auriculam alii Nervi accedunt; quippe inter primam, & secundam Colli Vertebram Nervus egreditur, qui (non sinè occulto fortassis Naturæ consilio) primùm ad duos digitos transversos, & ultra descendens; indè verò ad superiora reflexus, postquam ab ipso fermè reflexionis suæ angulo ad Musculos, qui in Collo sunt, & ad Mandibulam Inferiorem; atque Parotidem Ramos dimisit; reliquo Ramo versùs Auriculam incedit: & ubi prope hanc alterâ Propagine Parotidi prospexit; post ipsam Auriculam ad superiora Capitis procedens, Ramum denique mittit ad tergum Antitragi; qui postmodùm per totam posteriorem Auriculam ascendit. Porrò hic Ramus ille est, qui à quibusdam Practicis ad sedandam Odontalgiam aduritur: cuius Rami, atque adeò ustionis certiorem locum, cùm à nonnullis Auctoribus non ita clarè indicatum viderim; & à pluribus interim in Operatione, igne ipsum minimè tangi, conspiciam; opportunum duxi brevibus hic eundem ostendere. Debet igitur Chirurgus tergo Antitragi, & quidem per transversum Auriculæ, ignitum ferramentum applicare: quod quatuor lineas longum sit; hoc enim intrà spatiū certè includitur Nervus. Cæterùm ferramento crassities exigua sufficit: neque oportet altius urere, quam usque ad cartilaginem.

*Nervi post Auriculam in Odon-talgia adurendis  
cessior locus.*

XVI. Præter recensitas Arteriarum, Venarum, Nervorumque Propagines, probabiliter hic quoque Lymphatica aderunt. Quæ licet haetenus non patuerint propter Partem in horum indagine Observatorum inquisitioni difficilem se præbentem; nihilominus si inductioni detur locus; ulteriusque animadvertisatur, circa Tragum, ut scripsi, Glandulas reperiri, in quibus stabili Naturæ consuetudine alibi Lymphatica ludunt; In Exteriori Auris Cavitate Lymphatica aedesse, conjicitur. cuius speciei & unam majusculam in Parotide etiam Humanâ (nam in Vitulinâ tantum, similem Glandulam detexerat Steno) sub ipso Auriculæ Lobo multoties observavi; etiam in Auriculâ, Meatuque Auditorio aedesse Lymphatica, vero simile videri potest.

## C A P U T II.

*Tympani, sive Mediæ Auris Cavitatis Descriptio.*

**A**bsolutâ Exterioris Cavitatis Descriptione, ad Medium Auris Cavitatem jam pergo, quæ præcedenti immediatè succedit. Quod ex eâdem primùm occurrit, pellucida quædam Membrana est, Membrana Tympani. quæ vel ipsos Medicinæ Patres non latuit, Tympani Delin. Vid. Tab. III. Fig. III. Tab. X. Fig. I. II. Membrana usitatiùs dicta, eo quia Tympani Cavitatem superimpositam claudat. Hæc in fine Meatus Auditorii extenditur, eundem obliquè claudens, efficiendo angulum obtusum circa superiora, & posteriora; acutum verò circa anteriora, & inferiora parietum ejusdem Meatus, ut in hujus Descriptione animadvertebam. Nec quamvis valde distenta sit, planum ideo rectum constituit, sed in medio versùs interiora conicè gibbum, eò videlicet, uti scribetur, à Mallei Manubrio tracta. Hujus Membranæ Ellyptica peripheria in paris

figuræ (nisi quòd ex unâ parte interrumpitur) osseo annulo validè firmatur; nam cùm in Fœtu iste anulus intrinsecus sulco excavetur, & ab hoc Membranæ peripheria excipiatur, hæc superadditâ progressu temporis osseâ substantia, sulcoque coarctato, inseparabiliter eidem anulo connexa evadit. Ex duplice, diversâ que expansione membranaceâ Tympani Membrana componitur (quæ Compositio in Humano Fœtu patescit) nam Dura Mater Tympani Cavitatem ingressa per commissuram, quæ inter Os Temporale, & Petrosum occurrit, & expansa per eandem Cavitatem, quò usque pertingat ad indicatum osseum sulcum; huic committitur, & per totum anuli intermedium spatiū extenditur, internam producens Tympani Membranæ faciem: cui altera membranea expansio à Cute Meatum Auditorium investiente proveniens, itidem in osseo firmata sulco, unitur, externam ejusdem Membranæ faciem constituens. A qua, usque adhuc ignotâ, Compositione, ex Duræ Matris scilicet, & Cutis membraneis expansionibus considerabilis Membranæ Tympani firmitas, & robur dependet.

*Utrum in Membranâ Tympani  
Foramen aliquod per quod pos-  
sint Fluida à Tympano in Mea-  
tum auditorum transire.*

II. Etsi verò scripserim modò, Tympani Cavitatem per Tympani Membranam claudi; dubitari tamen possit, utrum hæc aliquo sit pervia Foramine, per quod & naturaliter, & in morbosis constitutionibus fluida corpora possint in Meatum Auditorium ab eâ Cavitate pertransire. Sic dubitandi causam præbet Tabaci fumus, quem ore prolectum multi per Meatum Auditorium, ut fertur, transmittunt: item sanies Abscessuum in interioribus Capitis disruptorum, necnon sanguis in Craniī percussionibus per eundem Meatum, absque ullâ rupturæ Membranæ Tympani suspicione, multoties extil-

stillans. Ego quidem non pauca, ut hujusmodi transitus viam attingerem, peregi tentamina; sed in hoc observationis usus adhuc nihil certi me docuit. Nihilominus aliquid subobscure visus sum obtinuisse, quod, ut puto, cum D. Rivini Observatione convenit. Quippe iste de hoc Membranæ Tympani Foramine alia præfatus, quæ nondum ad me pervenerunt; hæc verba addit apud D. Munniks: *Hiatum hunc si cui intueri lubet; ei Styliformem Processum cum eâ Ossis Petrosi portione prudenter auferre necessum est: tunc enim Tympani Membrana prorsus illæsa conspicitur, porcinam setam immediatè sub Chordá non difficulter admittens.* Ab hac, inquam, Rivini Observatione non multùm abludunt, quæ aliquoties mihi occurserunt. Nam olim cùm nihil adhuc de Rivini Observatione scirem; exiguum quoddam, & sincerum foramen inveni in Tympani Membranæ peripheriâ, ubi Mallei Processus Minor eandem aliquantum versùs Meatum Auditorium elevat. Illud quidem verum est, me pluries posteà in hujus Foraminis confirmationem inquirendo, quid simile rursus videre non potuisse. Nam licet fæpè & ego eòdem, fortè ad Rivini morem, setam porcinam adegerim sic, ut ab unâ extra alteram Membranæ faciem penetraverim; anceps tamen semper fui; num verum Foramen adfuerit: num verò adacta manu seta sibi viam vi fecerit. Veruntamen hoc certum est, Tympani Membranam minùs esse tensam, ubi Rivinus, & ego Foramen vidimus; & quòd in Cadaveribus aliquando per Membranam guttas aqueas eodem loco emanare, animadverti; etsi factâ postmodùm injectione per Tubam Eustachianam in Tympani Cavitatem, & vi impulso liquore, nullus liquor ad Meatum Auditorium pervaserit. Cæterùm ut in hujus transitus obscuritate mul-

*Circa idem Foramen  
men Observatio.*

*Circa idem Fora-  
men alia Obser-  
vationes.*

*Alia Observatio  
circa idem Foramen.*

mūltifariam experirer, an mihi clariora constare possent; à naturali statu ad morbosas constitutiones transire volui. In Cadavere ergo Viri, cui à Capitis percussione primò sanguis, & postmodùm purulenta materia copiosè per sinistram Aurem exstilla verat; cujus tamen exitus tertiā hebdomadā ante mortem cessavit; inveni Tympani Membranam qua parte Meatum Auditorium respicit, tenui quadam subcroceâ quasi pelliculâ obductam, quæ facilè ex materiâ puris ultimò excurrentis relictâ concreverat, ut clariùs ex illis, quæ addemus posteà, cognoscetur. Hac ablatâ, Tympani Membranam consideravi, in qua nulla adfuit lësionis nota. In loco indicato de more setâ porcinâ transitum perquisivi, & sanè primâ, vel alterâ conquisitione non diffi- culter eadem seta ingressa est. Denique cùm aliquan-

*Alia itidem Ob-  
servatio circa i-  
dem Foramen.*

*Ulcerum Auris  
felices Curationes.*

dò advocarer ab Ornatissimo hujus Urbis Patricio ad Ulceris, quod in Aure gerebat, curationem (quam quidem, & alias aliquot similes; ut id obiter referam; post instillati Balsami Peruviani usum, absque ullâ remanente Auditus lësione, confeci) cùmque illi pus continenter ab Aure exiret, cum quo grumes factus sanguis interdum commiscebatur; ego, ut si fortè aliquatenus appareret lësio, oculis scrutarer; Meatum Auditorium Soli objeci, ejusdemque principium diduxi. Vidi itaque Tympani Membranam ichore madentem parte superiore, certoque loco: ex quo pariter loco fluidum morbosum simul cum aëre prorumpens vidi, quando cumque æger clausis Naribus, & Ore, uti jubebam ego, aërem intrò vi comprimebat. Porrò designatus locus ille idem erat, per quem indicatum adesse transitum, suspicio est.

*Cavitas Tympani.*

III, Membranæ Tympani Tympani Cavitas super-  
in-

incumbit, quæ insimul cum illâ Medium Auris Cavitatem componit. Tympani ergo Cavitas in Osse Temporali, & Petroso exsculpta, irregularē licet fortiter sit configurationem; attamen videtur ad Sphæricum in supernâ, & infernâ parte inæqualiter complanatum accedere. Ejus interioris superficiei maxima pars à cavernulis, eminentiis, atque foraminibus interrumpitur. Altitudinem obtinet in aliquibus locis majorem; & in aliis minorem: minorem ibi, quò Cochlearæ apex descendit; majorem Ovali Fenestræ è directo. Minor altitudo duas lineas quasi æquat; major tres lineaſ vix superat. Longitudo, & latitudo vix ab invicem differunt; nam quatuor lineis utramque metimur; si quidem longitudini Sinuositas Mastoidea dematur. At si hæc illi meritò uniatur; multò erit longior: & latitudo ob additam longitudini Sinuositatem inæqualis ipsi jam erit. Hujusmodi Sinuositas Antrum quoddam est, cum aliis Mamillaris Processus minoribus sinuositatibus communicans, quod reverà tanquam appendix ad complendam Tympani Cavitatem concurrit; nam per spatiū satīs notabile cum hujus superiori parte communicat; ut observanti patebit. In quibus verò Animalibus talem Sinuositatem deesse, observavi; ipsa Tympani Cavitas longè amplior est. Ex quo colligitur, Sinuositatem Mastoideam à Tympani Cavitate non distingui; sed ipsi uniri; eamque ampliorem reddere.

IV. Quod in Tympani Cavitate Membranæ Tympani immediatè succedit, sunt quatuor Ossicula; Malleus, Incus, Os Orbiculare dictum, & Stapes. Malleus, & Incus primò Anatomicis innotuere, Inventore Carpo, aut potius Achillino. Malleus pro maiori sui parte Membranæ Tympani per longum validè

*Sinuositas Mastoidea pars est Cavitatis Tympani.*

*Usum Vid. Capite V. Num. X.*

*Quatuor Ossicula.*  
*Delin. Vid. Tab. III. Fig. XI. Tab. X. Fig. I.*

*Usum. Vid. Cap. V. Num. II.*  
*Malleus.*

Delin. Vid. Tab.  
III. Fig. IV. &  
VII.

adhæret sic, ut ejus centrum intrò trahat. Est Os valde tenue, vix tres lineas longitudine excedens: superiori parte, qua cum Incude articulatur, est crassius; & hæc Caput Mallei dicitur; alterâ verò, qua unitur Membranæ Tympani, tenuius; hanc verò Manubrium nominant. Caput, quod in Sinuositatis Mastoideæ principio, absque ullo tamen cum eadem nexu, reconditur; ex alterâ parte hemisphæricam; ex alterâ verò superficiem obtinet inæqualem; ut hujus beneficio, indicata cum Incude articulatio componatur. Manubrium à tribus acutis Processibus constituitur, primo Majore, secundo Minore, & tertio Minimo. Major cum Tympani Membranâ colligatur, & à Manubrii principio usque ad centrum Membranæ Tympani producitur: hic duas lineas longus est. Minor è principio præcedentis exsurgit, & Tympani Membranæ quodammodo infigitur, eandem versus Meatum Auditorium aliquantum elevando. Minimus lateraliter post Minorem conspicitur, ubi hemisphærica Capitis superficies desinit, paralellum servans cum Tympani Membranâ positum.

*Musculi Mallei.*

Delin. Vid. Tab.  
III. Fig. V.

*Musculus Proces-  
sus Majoris Mal-  
lei.*

Usum. Vid. Cap.  
V. Num. VI. &  
XI.

*Ipsius Musculi  
Canalis.*

Delin. Vid. Tab.  
III. Fig. XIV.

*Ab hoc Canali non  
erit Musculus;*

V. Mallei Ossiculum tribus instructum est Musculus: quorum singulos; ut inevitabilem aliàs aut confusionem, aut circumloquutionem declinem; ab eo cui inseruntur, Processu nominabo. Sic unus errit Musculus Processus Majoris, alter Minoris, & tertius Minimi. Musculus ergo Majoris Processus; cujus inventionis laus meritò Eustachio tribuitur; inter Mallei Musculos profectò maximus est. Continetur iste in Canali quodam Osseo super Partem Osseam Tubæ Eustachianæ lateraliter excurrente. Porrò non provenit ab hoc Canali; sed suas extremas fibras in Tubam Eustachi-

chianam inserit; cujus nempe describendæ Cartilagini per totam ejus longitudinem, in anteriori quidem latere, firmiter adhæret. Quæ Musculi in Tubam Eustachianam insertio, et si multum, ut suo loco ostendemus, Auditui conferat; usque adhuc tamen ignota extitit. A Tubâ itaque Eustachianâ hic Musculus per eum Canalem ascendens, emergit ab ipso in Tympani Cavitatem; hinc obliquè deorsum suo tendine aliquantum inflexus, infigitur in Majorem Processum Mallei, inter Minorem &, & Minimum; sed paulò infra; sic ut Tympani Membranam, illi Processui adhærentem, versùs Tympani interiora tendat: quæ porrò hoc absenso Musculo, in recenti quidem Aure, relaxatur.

*sed à Tubâ Eusta-  
chianâ.*

*Delin. Vid. Tab.  
X. Fig. I.*

*Usum. Vid. Cap.  
V. Num. XI.*

VI. Musculus Processus Minoris à Membranâ investiente partem superiorem Auditorii Meatus, per aliquem tractum exortus, supra Tympani Membranam fertur, & cum Incudis Processu crassiore parallellè incedens, in Minorem Mallei Processum infigitur. Iste Musculus, cùm paucis constet fibris, & insuper totus sub Incudis Corpore, & Meatu Auditorio condatur; non sìne peculiari modo detegi potest. Postquam enim aperta est Tympani Cavitas; separari debet Incus à Malleo: & statim Musculi insertio apparebit; cujus integer progressus ut obtineatur; Tympani, & Auditorii Meatus Membrana blandè è viciniâ amovenda est: quod quidem facillimè præstatur ob anulum osseum ibidem, commodùm sanè, interruptum. Modum hujus Musculi indagandi exponere necessarium duxi, cùm multi ex Recentioribus eundem Musculum omnifariam fileant, quasi nunquam hunc docuisset Casserius, & eundem negantes non obiurgasset in suo Erudito de Auro Tractatu D. Schelhammerus; imò quasi nunquam

*Musculus iste  
Tympani Mem-  
branam tendit sic,  
ut illo absenso,  
hac relaxetur.*

*Musculus Proces-  
sus Minoris Mal-  
lei.*

*Delin. Vid. Tab.  
III. Fig. V. U-  
sum Vid. Cap. V.  
Num. II.*

*Hinc Musculum  
detegendi Modus.*

hic Musculus sensibiliter in Aure extitiss et. Qui error fortasse originem traxit aut à difficultate ipsum inveniendi; aut ab eo, quòd in gracilioribus Subjectis; imò passim in frequentioribus Cadaveribus; eorum nempe qui longiusculum post morbum decesse; hujus Musculi fibræ carneæ non ita obviæ fiant: quæ tamen in lacertosis; item in illis, qui violentâ morte defuncti sunt; ut potè in quibus à prægresso morbo non contabuerunt; satis, superque apparere solent.

VII. Musculus Processus Minimi à pariete Tympani Faciem spectante, incipiens, & per hunc progre-  
Minimi Processus  
Mallei Musculus.  
 Delin. Vid. Tab. diens, inflectitur deinde, & Tympani Chordam sub-  
 III. Fig. V. &  
 Tab. X Fig. I. termeans, in Mallei partem Præcedentis insertioni qua-  
 Usu Vid. Cap. si oppositam, nempe in Processum Minimum infer-  
 V. Num. II. tum se venit. Et sic Malleus ex utrâque parte ope hu-  
 jus, & præcedentis Musculi firmatus, consistit; non  
 sic tamen, ut immobilis sit; verùm ut in ipsorum in-  
 fertis extremitatibus hypomochlium in propriis moti-  
 bus habeat. Sed de his alibi. Hujus autem Musculi  
 fibræ carneæ, ad Præcedentis similitudinem, non sem-  
 per manifestò occurruunt; sed & ipsæ pro Subiectorum  
 varietate modò magis; modò minùs apparent; modò  
 ex toto abscondi videntur adeò, ut olim fuerim dubi-  
 us in determinandâ musculari horum corporum naturâ.  
 Quam tamen nunc nunc affirmare non dubito; cùm eorum fi-  
 bras quotiescumque in idoneis Subjectis quæsivi; ferè  
 semper ad evidentiam carneas apparuisse animadverte-  
Hinc, & præce-  
dentem Muscu-  
lum Aliqui idèò  
fortè non admit-  
tent; quia illos in  
minùs aptis Cada-  
veribus perquisi-  
vere.  
 rim. Ad hæc enim, & similia determinanda non quo-  
 rumcunque emaciatorum Cadaverum inspectio sufficit;  
 sed integriora Subjecta potissimum spectanda sunt.  
 Quod idèò inculco; quia nolle, ut præcipites ali-  
 qui Judices hæc similia statim falsa judicarent, eò quòd  
 non

non Ignobiles Anatomicos legerint, eadem videre non potuisse. Quæ improba sanè judicandi ratio tantum turbarum, atque adeò damni Rei Anatomicæ intulit, & in dies infert; ut mearum (quando in hæc incidi) partium esse, existimem eandem seriò redarguere. Sic igitur habendum est. Res Minimas non omnes omnium, aliàs etiam Peritorum, oculos incurrere: & illarum aliquas uni Anatomico neutquam apparere; quæ interim satis facile ab aliis ostendi possint; qui nempe, ob diuturnam præcipuè exercitationem, quænam Subiecta illis rebus ostendendis sint aptiora, didicerint.

Sic Vesicularem Glandularum Substantiam à Celeberrimo Præceptore meo Malpighio longo labore detectam; & tenuissimos illos Ductus, quos à corpore Testis in Epididymidem semen transferre, Solertissimus Regnerus de Graaf observavit, non desunt, qui videre se posse, negent; & tamen illis, qui in talium Partium Anatome diu, & multifariam sunt versati, ea omnia sufficienter ostendere promptum est. Quarè in his, & similibus Anatomicorum dissensionibus attendendum est non utrum Aliquis in Re Anatomicâ utcunque se exercuerit; sed in qua Parte, quanto tempore, quave indagandi ratione potissimum laboravit: quod cum præstitum fuerit; tunc porrò judicandum. Et haec tenus quidem de illâ re.

VIII. Malleo superiùs descripto alterum Ossiculum, quod Incudem vocant; annexum est. Hoc in tres partes dividitur; nempe in Corpus, & in duo Crura, si-  
ve Processus. Corpus longitudinem habet unius lineæ cum dimidio: major ipsius latitudo lineam æquat; cras-  
fities vix lineæ dimidium superat. Idem Corpus in parte Processibus oppositâ exiguis eminentiis, & cavi-  
tatis est interruptum, à quibus, parvorum ligamen-

*Principes dissentientium Anatomicorum Judices redarguntur.*

*Vesicularis Glandularum Substantia, necnon Seminiferorum Ductum à Teste in Epididymidem transitus (quid alii scripserint) revera posse ostendi:*

*Usum Vid. Cap. V. Num. II.*

*Delin. Vid. Tab. III. Fig. VI. & VII. & Tab. X. Fig. I.*

torum interventu, habetur immobilis articulatio cum Malleo. Ex Processibus unus est tenuior: & longior, qui per lineæ spatium, & ultra ab Incudis Corpore recedens, parallele; sed altiori situ; cum Mallei Manubrio extenditur; extremitate tamen recurvâ versus Stapedem deflectens. Alter crassior, & brevior est, & suâ extremitate parieti Sinuositatis Mastoideæ; in qua insimul cum Incudis Corpore, & Mallei Capite, pauculo altius tamen repositis, occultatur; per breve, & tenue quoddam ligamentum connectitur; non sic tamen, ut Incus immobilis indè evadat; verùm ut in eo ipso, cui sic connectitur, pariete hypomochlium in suis motibus habeat. Sed de his quidem alio loco.

*Os Orbiculare dicition.*

*Delin. Vid. Tab. III. Fig. VI. VII. & Tab. X. &c.*

*Os istud non est Orbiculare; sed Ovale.*

*Stapes.*

*Delin. Vid. Tab. III. Fig. VIII. IX. XI. Tab. X. &c.*

*Usum Vid. Cap. V. Num. II.*

*Quidquid alii scripserint; Basis Stapedis nou est minimis foraminibus pervia.*

IX. In Longioris Processus Incudis extremitate, primo docente Francisco Sylvio, Ossiculum omnium minimum observabile est, à formâ Orbiculare ineptè dictum; cùm potius Ovalem configurationem depresso obtineat. Vix grani milii dimidium æquat. Incudis Processui indicato, atque Stapedis Capitulo interpolatur; eisdem; sed potissimum primo adhærens.

X. Ultimum Ossiculorum, si situm spectemus, Stapes est: quod meritò quidem sic appellatur; cùm verè similem equestri Stapedi fortitum sit configurationem. Constat enim ex Basi, binisque Lateribus in Capitulum coeuntibus: omnibus ex substantiâ satìs tenui compositis. Basis Stapedis figurâ ad Ellypticam accedit; quamvis ex unâ parte margo leviter deficiat. Gibbum habet versus Labyrinthi Vestibulum; concavum verò quà spectat ipsius Stapedis Processus, sive Latera: nec minimis est pervia foraminibus, ut quidam edocuit; sed solùm plura, & minima offert spatiola, in quibus os itâ attenuatur; ut per ipsa oppositum lumen

men transluceat. Longitudinem habet Basis lineæ unius; latitudinem verò dimidiæ. Ex utroque longitudinis ipsius extremo duo Stapedis Latera elongantur, quæ nonnulli Crura vocant. Hæc qua parte se invicem respiciunt, sulcata; aliquantum rectâ incedunt; hinc ad instar arcus inflexa, uniuntur, Capitulum constituentia parvam versùs Os Orbiculare dictum obtinens cavitatem, qua idem Os excipitur ad constitutendam cum Stapede articulationem. Ab hisce Lateribus unà cum Basi spatium in medio relinquuntur: quod aliqui ex recentioribus Anatomicis à Membranâ claudi, pronunciant. Mihi autem istud intermedium Stapedis spatium aliquandò Membranâ clausum; aliquandò tantummodò semiclausum; sæpius verò apertum occurrit. Nec novum sanè est, in membranaceis istiusmodi productionibus quasi ludere, & variam esse Naturam; Quippe non solùm in Ossium cavitatibus Sinus, & Reticula modò aperta; modò verò à Membranis clausa conspicuntur; verùm etiam à Pleurâ, & Peritonæo filamenta, & telas membranaceas modò huc, modò illic incertâ lege ad contenta Viscera proficiunt; easdemque aliàs abesse, nullus nescit Anatomicus. Ità membranaceæ expansiones, quæ irregulariter, quandoque solent protendi per Tympani Cavitatem; ad Stapedem ipsum fortuitò extenduntur, hujusque aliquandò intermedium spatium, quod sæpius quidem, ut indicabam, apertum est; fortuitò pariter; non certâ, aut peculiariter notabili lege occludunt. Tota Stapedis altitudo vix unam, & dimidiā lineam æquat: major verò Laterum ab invicem distantia adnotatæ Basis longitudini vix cedit. Stapedis Capitulum collocatur, medio Osse Orbiculari dicto, supra extremam partem

*Quidquid Aliqui  
diceant; interme-  
diem Stapedis  
spatium, nullâ  
plerumque Mem-  
branâ occluditur.*

indicati Processus Incudis: Crura verò cum Basi oblique sursum, positu scilicet medio inter verticalam, & horizontalem, ad Fenestram Ovalē feruntur. In hanc Fenestram Basis Stapedis intruditur, quam exactè claudit, eique tenuis Membranæ interventu circumquaque adhæret, non ità tamen strictè, quin sursum; deorsumve, ut opus est, per eandem Fenestram

*Membranam per quam Basis Stapedis Fenestra Ovali annectitur, illam non omnino immobiliter annectere, probatur per Observationem Surditatis ab ejusdem Membrana effificatione.*

*Eadem Membrana videtur ex illâ determinata parte firmior esse.*

Rationem Vid.  
Cap. V. Num.  
III.

davere Surditatis causam in eo sitam inveni, nempe quòd indicata Membrana in substantiam osseam indu-rata, unum continuatum os constituebat cum Basi Stapedis, & Margine Fenestræ Ovalis: adeòque efficie-bat, ne amplius sursum, deorsumve eadem Basis mo-veri posset. Circa verò hanc Membranam, per quam Basis Stapedis cum Fenestrâ Ovali connectitur; ad-huc adverto, quòd ipsa non eadēm unde quaque pol-let firmitudine; sed videtur ex illâ parte firmior esse, qua Musculus Stapedis Capitulo insigitur, ut sápē ego, dum Stapedem à Fenestrâ in recenti Aure distra-herem, majorem ibidem sentiendo resistentiam, ob-servavi: quæ res tametsi fortè nullius momenti primâ facie videri possit; rationem tamen, cur ità sit, suo loco indicabimus. Porrò Stapedis Inventorem se dicit Columbus; quamvis non pauci malint Iohannem Philippum ab Ingrassia. Eustachius tamen asserit, se eundem publicè demonstrasse, antequām illi scripsis-sent. Utcunque res se habuerit; par semper est, illos à Litterato Orbe haberi Inventores, de quibus tutò constat (sive hoc factum sit scripto, sive voce) pri-mam ignotæ rei notitiam ab eisdem, distinctis notis emanasse.

*Stapedis Muscu-lus.*

XI. Stapes peculiarem obtinet Musculum, quem ab Indefesso Auris Anatomico Casserio in Equo detectum, alii

alii in Homine negarunt; alii verò, & quidem merito, admiserunt. Hujus Musculi carneum corpus in curvo Canali Osseo, lateraliter circa medium Falloppiani Aquæductus partem insculpto, continetur; tendineum verò à Canali erumpens, obliquè sursum in Stapedis Capitulum tendit; in quod infixum terminatur. Porrò inter descriptos Ossiculorum Musculos, hic stapedis Musculus, & Musculus Processus Majoris Mallei adeò, nisi omnino negligenter, aut alieno loco quærantur; conspicui sunt; ut Anatomicos, qui Alterum negaverint, extitisse, mirer. Non est tamen; quòd duo reliqui Mallei Musculi non sint æquè inter musculos admittendi. Cujus rei rationem cùm satis quidem superius ostenderimus; eandem hìc loci non repetemus. Illud tantummodo addimus, quòd si Aliquis, non obstante eâ ratione, duos illos Musculos ità immerito negare persistat; videat saltèm, ne in descriptis locis omnino neget, duo illa Corpora reperiri; sive Ligamenta, sive fibras carneas, sive quid aliud appellare maluerit.

XII. Ossicula hucusque descripta, etsi nullâ vestiantur Membranâ; Vasa tamen Sanguinea à describendis Ramis deducta, per superficiem reptantia habent: quæ probabiliter etiam eorundem interiora ingrediuntur. Substantiam obtinent multùm compactam, ut potè cavernulis, saltèm sensibilibus, destitutam. Nec ipse Stapes; ut ut respectu habitu ad partium extensionem, omnium levissimus sit; substantiam obtinet cavernosam, sive porosam, ut apud quosdam ratum est; sed hujus minor gravitas; à tenuitate Ossis eundem componentis dependet, quod nempe ex unicâ quasi lamellâ videtur constitui. Hæc Ossicula in Infante eâdem gaudent magnitudine, ac in Adulto: sed in il-

*Quatuor Ossicula omni Peristio carent; & tamen per eorum superficiem Vasa Sanguinea reptant.*

*Substantia Ossicula in eis cavernulis caret; ne ipso quidem Stapede (quidquid alii scripserint) excepto: cuius sane levitas non à porosis; sed ab Ossis tenuitate dependet.*

*Ossicula eâdem magnitudine sunt in Infante, atque in Adulto.*

Causam Vid.  
Cap. VI. Num.  
IX.

lo substantia eorum est minus densa; quia plurimis abundat cavernulis; quæ temporis progressu supercrescente in eisdem osseâ substantiâ replentur.

XIII. Cùm superiùs scripserim, à Basi Stapedis Fenestram Ovalem claudi, sciendum est, quòd in Tympani supernis partibus duo sunt Foramina, quorum

Fenestra Ovalis.

Delin. Vid. Tab.  
VIII. Fig. IV. &c  
v.

Usum. Vid. Cap.  
V. Num. II.

Fenestra Rotunda.

Delin. Vid. Tab.  
VIII. Fig. IV. &  
Tab. X. Fig. II.

Usum Vid. Cap.  
VI. Num. VI.  
VII.

unum Ovalis Fenestra; Rotunda alterum vocatur. Ovalis Fenestra illa est, quæ à Basi Stapedis clauditur,

eidem configuratione respondens: situmque obtinet

Tympani Membranæ parallelum. Per hanc habetur aditus ad Labyrinthi Vestibulum; ipsa enim in hujus

partem inferiorem se aperit. Fenestra Rotunda incertam habet figuram; ut plurimum tamen ad circularem

accedentem. Hæc inferiùs paulò, quàm Ovalis, versusque Occiput collocatur, eo situ, ut respectu plani

Membranæ Tympani non parallela; sed verticalis sit: istius enim Margini è directo sita est. Sicuti verò

prima Fenestra cum Vestibulo; ità cum Cochleâ secunda communicat; sed & hæc clausa est. Clauditur

autem tenuis Membranulæ beneficio: quæ quidem non in ipso primo Fenestræ Margine; sed paulò interiùs, per illius spatium extenditur.

XIV. Præter duo recensita Foramina, Omnibus jam nota; animadverti ego Nova quedam in Tympano Foramina, quorum notitia eo libentiùs, ut puto, accipietur; quia si non aliud; jam certè planior per ipsam fiet Problematis illius; à nemine adhuc sufficienter dilucidati, optatissima studiosioribus Medicis solutio: Quænam scilicet via fit, per quam sanguis, aut ichor possit (ut in casibus præternaturalibus fieri, videmus) à Cranii Cavitate in Cavitatem Aurium transmeare. Etenim hæc Foramina cum Cranii Cavitate sta-

Foramina cum  
Cranii Cavitate  
communicantia no-  
viter in Tympano  
inventa.

tim

tim communicant. Sunt hæc versùs superiora Sinuositatis Mastoideæ ; nempe in illo ejusdem pariete, quo ipsa à Cranii Cavitate distinguitur , è directo supra eum locum , ubi Malleus cum Incude articulatur ; tametsi unâ , vel alterâ vice etiam supra ipsam Tympani , ut communis accipiunt , Cavitatem unum illorum , vel duo colloca- ri , viderim. Numero irregularia sunt ; nam aliquando unum , aliquando duo , & quandoque tria inveniuntur. Mo- dò ad invicem proximiora sunt ; modò etiam magis dissita : necnon disparem inter se , incertamque obti- nent configurationem , & latitudinem. Exigua licet ut plurimum sint ; aliquandò tamen mediocre ; imò & maximum specillum admittunt. Accedit quandoque , ut ista Foramina per simplicem inspectionem mihi non paterent ; sed injectione per Tubam Eustachianam in- stitutâ , liquorem exeuntem vidi in Cranii Cavitatem per hæc Foramina , licet ita parva ; ut cessante fluidi per eadem excursu , vix essent visibilia. Quamvis ve- rò interdum (nihil enim dissimulare me sinit studium Veritatis) quamvis , inquam , interdum , neque per eam injectionem mihi se obtulerint hæc Foramina ; at- tamen tunc reverà defuisse , non affirmarem ; cùm alias eadem ut plurimum invenisse me , sciam ; atque insu- per facillimum sit , hæc Foramina cùm adeò exigua sunt , in demortuis præsertim , obstrui ; necnon ipsum injectum liquorem aut quid crassiusculi , viscosique ex Tubâ Eustachianâ arreptum in ipsa intrudendo , aut aliquam accidentalem quasi valvulam super eadem re- flectendo , expeditum aliàs transitum sibi præpedire. Quinimmò quando etiam possem affirmare , illa Fora- mina semel ; vel bis defuisse ; non indè tamen statim consequitur , eadem à Naturâ peculiariter non inten-

Usum Vid. Cap.  
V. Num. VII.  
&c.

di. Siquidem ipsa Viscera, quæ nemo sanus à Naturâ intendi, negaverit; ipsa, inquam, Viscera aliquando abesse, non est res adeò nova, atque invisa; cùm mihi ipsi & in cane, cui Lien, & in homine, cui sinister Ren deerat, idem bis observare contigerit. Nec verò, ut fortasse Aliquis existimaverit; idcirò hæc ità solicite admoneo; quia reverè ego censem, Foramina ista ad magnum aliquod peculiare Auris commodum à Naturâ intendi; sed admoneo; ne quis ex hoc, quòd interdum ista non appareant; illicò (ut nonnullorum hominum sunt ingenia) in aliud contrarium currat, eademque, ceu omnino Auri inutilia, statim ab ejus Anatome, inconsiderata rejiciat. Alias enim & ipse quondam tenus dubito; an hæc Foramina peculiariter à Naturâ intendantur; cùm varium eousque conspiciam eorundem situm, numerum, figuram, diametrum; non quidem in diversis tantummodo; sed in uno etiam eodemque Subjecto. Cæterū sive fiant ex accidenti, sive peculiariter à Naturâ intendantur; illud sanè firmo stat tali: Foramina hæc ut plurimum saltè adesse; adeòque posse ad Utus aliquot & in hoc ipso, & in Quinto Capite explicandos, sufficienter inservire; maxime verò ad illud Problema solvendum: Quænam scilicet via sit, per quam ichor, sanguis, vel aliud simile Fluidum in Cranii Cavitate effusum, in Aures transmett aliquando. Jam enim patet, quòd si ullum ex talibus Fluidis in illa, quæ inter Cranium, & Duram Matrem sunt, Interstitia effusum, ad Foramina ista perveniat, aut super ipsa discurrat; descendere per eadem poterit in Tympani Cavitatem: ex qua posteà vel per Tympani Membranam (si quidem per hanc transitum admittamus) vel certè per

*Observationes de  
Lienis in cane, &  
de Renis sinistri in  
homine defectu.*

*Nova hæc Forami-  
na via sunt, per  
quam in quibusdam  
casibus præ-  
ternaturalibus  
Fluida à Cranii  
Cavitate in Au-  
rem pertransirent.*

per Eustachianam Tubam, vel per utramque foras eliminatum, nobis conspicuum fiet. Porro non solum accidit, ut Fluida in modo indicata Interstitia, immediatè, utputa à Duræ Matris Sanguineis Vasis effusa, per hæc Foramina in Tympanum, & deinde foras descendant; sed idem accidit etiam Fluidis, quæ inter Duram, & Piam Matrem, necnon in Ventriculos effunduntur; ab ipsis etenim locis sive per ignotas adhuc naturales vias, sive per vias sibi morbosè aperatas, sèpè in Interstitia, quæ inter Cranium, & Duram Matrem sunt, eadem derivari, contingit. Inter eas, quæ circa has res mihi occurrerunt, Observations; duæ modò in promptu sunt; altera, in qua purulenta materia; altera verò, in qua sanguis ab interiore Cerebro per Nova Foramina in Tympanum, & hinc foras defluxit: quas quidem, & maximè primam, in hunc potissimum finem recensebimus; ne quis fortasse modò expositam illius Problematis Solutionem, ceu supervacaneam, vel etiam erroneam reprobaret: occupatus nempe ipse ab illâ non admittendâ Opinione: Quòd falsum omnino sit id, quod, supponitur in soluto Problemate: Quòd videlicet talia, quæ per Aures excernuntur, reverà à Cranii Cavitate promanent. Fuit enim, qui ante inventa hæc Foramina Problema solvere conatus est, negando, talia ab ipsâ Cavitate Cranii promanare. Prima esto Observatio illius Cadaveris, de quo etiam supra Num. II. meminimus, Viri nempe, cui à Capitis percussione copiosus primò sanguis; deinde purulenta materia per sinistram Aurem ex intervallis excernebatur: quæ porro excretio quoties fiebat, Æger à Capitis oppressione, Mentisque alienatione, quæ illi ab ictu successerat, notabiliter levabatur: cùm

*Nam (quidquid  
Aliqui existima-  
verint) non est ve-  
ritati consentane-  
um, quòd talia  
Fluida à Cranii  
Cavitate non ema-  
nent.*

*In hoc ipsum Ob-  
servatio.*

verò ex toto suppressa est; aphonos est factus, insigni accidente virium languore, atque Marasmo, quibus tandem perijt. Hujus itaque Cerebrum (in cuius Ventriculis, quemadmodùm inter Duram, & Piam Matrem, Serum limpidum copiosè stagnabat) parte anteriore Sphacelo correptum erat, croceoque infectum colore: quo colore etiam Dura Mater tingebatur non solum quà vitiatam Cerebri partem vestiebat; sed usquequà ad Nova Foramina, eorumque viciniam, in sinistrâ quidem parte, exporrigebatur: Porrò inspecta, quæ eisdem Foraminibus supponebatur, sinistri Tympani Cavitas eodem croceo colore undequaque infecta apparuit; imò eadem tintura extendebatur usque ad faciem anteriorem Membranæ Tympani, ut loco indicato scriptum fuit. Altera Observatio habita est in quodam Viro à repentinâ Affectione Apoplecticâ cum resolutione sinistræ potissimum medietatis Corporis, intrâ non multas horas occiso; cui jam mortuo de ore (quò nempe per Eustachianam Tubam descendit) sanguis profluxeret. Inveni autem in utroque anteriore Cerebri Ventriculo sanguinem effusum; paucissimum quidem in sinistro; sed multò & multo copiosiorem in dextro: imò cùm sinister Ventriculus aliàs sanus esset; dextri Ventriculi pars inferior maximo hiatu, & cavitate disrupta erat. At verò Aurem, quæ ex eodem dextro latere locabatur, pariter sanguine refertam inveni. Porrò & in hoc secundo casu & in primo Nova Foramina adeò ampla, adeò capacia occurrere; ut ipsis inspectis, nulla superesset dubitatio, num Fluida indicata per eadem in Tympani Cavitatem dimissa essent. Sed modò satìs de his Foraminibus.

aqueo Humore irrigantur, à Membranâ eosdem vestiente probabiliter profecto; cùm hæc sit; uti scriptum fuit, Duræ Matris elongatio. Dura verò Mater saltem quando intrà Cranium est, humorem aqueum effundit: quod guttæ aquæ certâ ratione ab eâdem compressâ erumpentes, palam facere videntur; præsertim cùm Cerebrum serosâ colluvie scatet; ut per repetita pluries experimenta compertum mihi est. Unde non improbabile videbitur; cùm aliunde in Tympani Cavitate Glandulosa Corpora non constent; quod à Membranâ illam Cavitatem vestiente indicatus Humor emanet, Aliquis tamen derivare etiam posset eundem Humorem per descripta Nova Foramina ab ipsâ Cranii Cavitate, nempe ab Interstitiis saltèm, quæ sunt inter Duram Matrem, & Cranium. Hæc enim Interstitia (sive in ipsa quoque excretum suum humorem Dura Mater possit deponere; sive humor aliunde proveniat) hæc, inquam, liquore aliquo madere, tum experientia videtur indicare; tum periculum, quod alias esset; ne Dura Mater assiduè ad Cranium allisa, ex eâ parte siccescere; aut etiam ipsi Cranio undequaque adhærere, non sinè suorum Munerum perturbatione, congeretur.

XVI. Demittitur à Tympani Cavitate supra Palati extrema quidam Canalis; cuius necessariam existentiam primus intellexit Aristoteles; descriptionem verò tradidit nunquam satìs laudanda in Anatomicis Eustachii Solertia. Quem interim Canalem ubi ego volam indigitare; attentâ ejus, ut par est, configuratione, necnon Inventoris Cognomine, Tubam Eustachianam; quando usque adhuc apto nomine caremus; appellabo. Tuba itaque Eustachiana proficiscitur à Tympani

*more quodam irrigatur, à Membranâ, quâ vestitur, fortasse proveniente.*

*Usum Vid. Cap. V. Num. VII.*

*A Dura Matris strucrâ humor, quo ipsa madet, videtur provenire.*

*Humor, quo Tympanum irrigatur, credi etiam potest, ab Interstitiis, quæ inter Cranium, & Duram Matrem sunt, promanare.*

*Tuba Eustachianæ.*

*Delin. Vid. Tab. III. Fig. III. & XIV. Tab. IV. Litt. K. K. K.K. & Tab. X. Fig. I. II.*

*Usum. Vid. Cap. V. Num. IX. X. Item Cap. VI. Num. VI. VII.*

ni parte inferiore, ab eo latere Membranæ Tympani, quod versus Faciem est; sic tamen, ut ejus Orificium, sive Principium eidem Membranæ è directo quasi collocetur: hinc obliquè deorsum fertur, quousque Pterygoidis Processus Internæ Alæ, anteriori sui labro contigua, ad latera internorum Nasi Foraminum, supra Uvulæ Basim terminetur. Ejus Cavitatis figura assimilari potest duobus contrapositis inæqualis altitudinis Conis, compressiorem Ellipsim pro basi habentibus, & antequam in apices desinat, coeuntibus. Porro Cavitatis altitudo Calvariæ Basi fermè verticalis est. Cavitas altitudinem non ubique æqualem habet; nam principio quidem duas lineas alta est; sed inde sensim ita decrescit; ut antequam ad finem suæ Partis Osseæ perveniat; vix unam excedat lineam; quam quidem altitudinem per exiguum spatum æqualiter servat: hinc Osseâ Parte superatâ, gradatim altitudine augescit; adeòt ad Finem Tubæ deveniens, quatuor lineas alta sit. Cavitatis altitudo ita se habet. Latitudo autem, in Parte quidem Osseâ, unius semper lineæ est: quanta verò sit in reliquâ parte, non est ita facile explicatu. Nam si ultimum Orificium, seu Tubæ Finem excipias, necnon totam superiorem partem; per quam nempe semper apertam, semper aliquis transitus, ut ut angustior, per Tubam apertus remanet, utique tota hæc reliqua pars lateribus connivere invenitur. Sed sicuti in demortuis conniventem inveniri, certum est; ita quomodo in vivis se habeat, ambiguum: est enim facile inferiùs dilatabilis, ut ex scribendis magis patet. Illud tantummodo, quod modò innuebamus, pro certo adnotari potest; videlicet hanc reliquam Tubæ partem multò præ Osseâ ejusdem Parte, supernè angustio-

gustiorem esse, ita ut eo in loco quasi arctiore fulco excavata videatur: quo quidem loco ex Cartilagine componitur.

XVII. Constat enim Tuba ex Parte Osseâ, Membranaceâ, Cartilagineâ, atque Carneâ. Pars Ossea continuatio Ossis est, in quo Tympani Cavitas continetur. Illa eousque elongatur, ut tertiam, & ultra longitudinis Tubæ partem conficiat. Hæc eadem cum Tympani Cavitate vestitur Membranâ, quæ extensa totam Tubam internè cingit: diversam tamen sensibiliter acquirit indolem, ubi hanc Osseam Tubæ Partem superavit. Hic namque, ob subjectam glandulosam substantiam crassiuscula evadit, & pluribus foraminibus pervia conspicitur, per quæ mucosa materia egreditur, ab iisdem subjectis Glandulis separata. Porro hæc glandulosa substantia crassior fit, & foramina copiosiora, & majora evadunt versus Tubæ Finem: quò loci eadem Membrana internæ Narium Membranæ continuatur. Restat, ut scribam de Parte Cartilagineâ, & de Carneâ. Pars Cartilaginea partem reliquæ Tubæ superiorem, necnon ambas laterales componit: lateralem quidem posteriorem pro majori; lateralem verò anteriorem pro minori tantummodo parte. Ipsa autem Pars Cartilaginea ad extremum Tubæ Orificium, sive Finem, præcipue verò ad posteriora eiusdem Orificii dilatata, & crassefacta, non parvam Laborum ipsius partem constituit. Pars denique Carnea, sive Muscularis reliquæ Tubæ partem lateralem anteriorem tegit. Sed oportet jam, ut de hujus Substantiæ Carneæ progressu, atque insertione distinctius scribam.

XVIII. Cùm superiùs ambigebam, an in vivis la-  
teris Novus Tuba En-  
tachiane Muscu-  
lus.

Delin. Vid. Tab. III. Fig. XII. & XIV. Tab. IV. Liti. m. m. item Tab. X. Fig. I. II.  
 Usum Vid. Cap. V. Num. XI. item Cap. VI. Num. VI. VII.  
 tera Eustachianæ Tubæ conniveant; id quidem solummodò quò ad statum Tubæ assiduum, sive ordinarium ambigebam. Musculum enim Tuba Eustachiana fortita est, à quo, ubi opus sit, eadem potest dilatari. Quod Assertum sicut in Anatomicis Scholis novum est, ità mihi, quem diutina conquisitio, & improbus labor id docuere; inter ea, de quibus certiores sumus, videatur reponendum. Porrò hic Novus Tubæ Musculus ità se habet. Procedunt fibræ carneæ ex latere anteriore Tubæ Eustachianæ, à Parte ejusdem Membranaceâ, necnon à contiguo extremo margine Partis Cartilagineæ, per totum quidem illud spatium, quod inter Tubæ Finem, & ejusdem Osseam Partem intercedit. Hinc obliquè descendendo, simul collectæ, efformant tendinem per partem inferiorem Internæ Alæ Processus Pterygoidis excurrentem. Postquam verò hunc tendinem efformarunt, & per indicatam Pterygoidis partem excurrerunt; ità tendineæ descendantes, rursus explicantur, & diffunduntur circa inferiorem marginem Foraminum Nasi Internorum, in quorum Membranâ desinunt: quarum fibrarum tendinearum aliquot quandoque cum tendineis fibris Musculi comparis, nempe alterius lateris uniuntur. Itaque ex hujus Musculi Descriptione; si quidem extremorum insertiones attendantur; perspicuum est, hunc aliud præstare non posse; quam duas, quibus annexitur, Partes dilatare, Tubam nempe Eustachianam, & Foraminum Nasi Internorum extremitatem. Quod totum ad evidentiam etiam ipsis oculis potest percipi; nam si Musculus iste leviter digitis trahatur; tunc Nasi Interna Foramina, Tubaque Eustachiana dilatantur.

**XIX.** Quoniam verò (ut ostensurus sum, ubi Partium

tium Usus exponam) non potest Tuba Eustachiana Usum suum exquisitè præstare, absque Uvulæ certis motibus, & dispositione; ne posteà ubi illuc pervernero, aliquid desideretur; oportet, ut modò Historiæ Tubæ Eustachianæ Musculorum Uvulæ Historiam subnectam; maximè cùm hæc ab eâ, quam nobis exhibent Anatomicorum Descriptiones, & Iconismi, profectò longissimè absit. Sunt ergo tria Musculorum Paria, quæ Uvulę famulantur. Primum Par, pro *Musculorum Uva-  
la Nova Descrip-  
tio.*  
Pterygostaphylino Interno acceptum; aptius verò Salpingostaphylinum appellandum, non oritur sanè ab Alâ Internâ Processus Pterygoidis; sed à Parte inferiori Osseâ Tubæ Eustachianæ: hinc sub Parte Membra-  
*Musculi Salpingo-  
staphylini, qui à  
Pterygoide Proces-  
su falso deducun-  
tur.*  
naceâ inferiori ejusdem Tubæ obliquè ad Uvulę Basim descendit: ibidemque fibræ unius Musculi fibris comparis Musculi quasi continuantur. Secundum Par mihi est Glossostaphylinum. A lateribus Linguæ in parte ejusdem inferiore paucis fibris erumpit: quibus aliquantum restrictis, ad latera versùs Uvulæ medium infigitur. Hic Musculus licet exiguus sit, attamen distinctos præstat motus: qui clarè manifestantur; si aperto ore vivi hominis, Uvulæ motus diligenter consideremus: quod etiam de aliis Musculis ad eandem Uvulam spectantibus, si lubet, possumus experiri. Ter-  
*Glossostaphylini.*  
tium Par Pharyngostaphylinum appello. Hoc latam, & amplam habet originem à parte inferiori Pharyngis, ubi isti incipit in Oesophagum restringi; & per ejusdem Pharyngis partem anteriorem lateralem assurgens, cùm ad ipsum superiora pervenit; fibras suas instar arcus inflectit, quæ sub Tonsillis excurrentes, parti inferiori, & lateralí Uvulæ se annectunt. Hoc Musculorum Par; si detrahatur Membrana, Pharyngis, & Uvulæ faciem vesti-

ens; evidentem præbet suarum fibrarum directionem. Ex his Musculorum Paribus Uvulae tributis, Primum jam à longo tempore utcunque notum est; Reliqua autem duo, præsertim quod attinet ad fibrarum positum, & insertionem, nunc nova manifestantur; etsi levis non sit eorundem Usus; eorumque indicium ante oculos sit, quotiescunque in apertum Os versùs Linguae radicem introspicimus; Duo enim arcus, quos indè versùs Uvulam assurgere videmus, à subiectis hisce Musculis fiunt; primus quidem à Secundo Pari; alter verò à Tertio.

XX. Nunc quando credi possum Musculorum Uvulae Historiam absolvisse; adeòque jam ad Medium Auris Cavitatem complendam properare; Pharyngis Historiam instituere anteà cogor: quæ quantum primò alterius Digressionis speciem videtur præse ferre; tantum cum præcedente connexa; imò ejusdem continua-  
 tio censenda est. Neque enim Motuum Uvulae, ejusque Musculorum; atque adeò earum rerum, quæ ad Tubæ Eustachianæ Usus explicandos necessariæ mihi futuræ sunt, sufficiens notitia obtineri potest absque no-  
 titiâ Orificiorum, Motuum, & Musculorum Pharyn-  
 gis; Neque Uvula, ut creditur, ità à Pharynge di-  
 stincta est; imò pars est ipsius Pharyngis, ab isto nul-  
 lâ ratione dividenda. Quod si passim Auctorum De-  
 scriptiones, & Tabulæ sejunctam tradunt; id totum Anatomico Cultro imputandum venit, qui adeò ni-  
 mis sedulus sœpè est, ut novas sibi faciat vias, sibi qui-  
 dem parum; naturæ verò, nullatenus notas. Atque u-  
 tinam Majores (quibus tamen plurimum deberi fateor)  
 in istiusmodi Partibus dividendis minùs solliciti; in per-  
 scrutandis autem magis oculati extitissent; sanè ego nul-

*Uvula est rovera  
Pars Pharyngis.*

nulla habens, quæ notarem, & nulla, quæ adderem; neutquam primæ Historiæ meæ filum interrumpere coactus essem; sed Lectorem & quò ad Uvulæ & quò ad Pharyngis Historiam ad eosdem alegare potuisse.

Pharynx itaque superior Oesophagi pars est, quæ à Cricoidè Cartilagine usque ad Capitis imum, quasi ad infundibuli similitudinem laxata, assurgit; adeoque, velut ipse Oesophagus, obtinet tum Membranam internam; subiectasque isti Glandulas; nisi quod aliquot harum magis conspicuas hic illic ostendat; tum Fibras Carneas; quæ tamen in ipso Pharynge in distinctos Musculos disponuntur; ut ex horum Descriptione modo patebit. Pharynx tria obtinet Orificia, præsertim si in hujus compositionem Uvulam, ut par est, admittamus; Unum nempe maximum Oris cavitati correspondens (quod erit Orificium ad Os) Alterum majus, viam nempe ad Interna Narium Foramina aperiens

*Nova Pharyngis  
Descriptio.*

(quod erit Orificium ad Nares) Ultimum minus, ubi scilicet Pharynx in Oesophagum abit (quod erit Orificium ad Oesophagum) Quæ porrò Orificia cum modo debeant restringi; modo debeant dilatari; idcirco Pharynx peculiaribus instruitur Musculis: quos juxta diversam eorundem insertionem, diverso ab invicem nomine recensebimus. Primum Par, quod dici solet Cephalopharyngæum; eò quod ab imo Capitis provenire perperam putetur; illud est, quod ego inter Musculos Uvulæ sub nomine Pharyngostaphylini describo: quodque si Aliquis Staphylopharyngæum dicere hic velit; non repugnabo. Hoc enim Par non minore ratione inter Pharyngem moventes colloco; quam inter moventes Uvulam reposuerim; cum revera non minus Pharyngem, quam Uvulam valeat movere, eò quia

*Pharynx tria obtinet Orificia, unum ad Os; alterum ad Nares; ultimum ad Oesophagum.*

*Delin. Vid. Tab. V. Fig. II.*

*Pharyngis Musculi.*

*Staphylopharyngæi, qui ab imo Capitis provenire perperam dicuntur.*

*Delin. & Usus ubi sint querenda, Vid. supra, ubi de Pharyngostaphylinis.*

ejus Musculi utrumque extremum mobile habent: quales quidem Musculi in aliis aliquot nostri Corporis Partibus etiam occurunt (quamvis illorum plures à multis Doctoribus unius tantum Partis Musculi statuantur) immò quales inter Nasi Interna Foramina, & Tubas superiùs descripsimus; qualesque aliquot reperiri inter Uvulae jam descriptos Musculos, & inter Pharyngis mox describendos, semel pro semper hìc admonemus. Cùm

*Glossopharyngei,  
qui falso creduntur  
ad Processibus Ossis  
Sphenoidis prove-  
nire.*

*Delin. Tab. V.  
Fig. II. Tab. VI.  
Litt. CC.*

*Usum Vid. Num.  
sequenti.*

*Stylopharyngei.*

*Delin. Vid. Tab.  
V. Fig. II. &  
Tab. VI. Lit. E.  
E.*

*Usum Vid. Num.  
seq.*

*Hyopharyngei,  
Par omnino No-  
vian.*

*Delin. Vid. Tab.  
V. Fig. II. & Tab.  
VI. Litt. F. F. F.  
F.*

*Usum Vid. Num.  
seq.*

Primi itaque hujus Paris Descriptionem supra dederim; pergo ad Secundum Par, quod falso, ex pari cum Primo causâ, Sphenopharyngæum vocatum, Glossopharyngæum appello. Istud à lateribus Linguae in parte hujus inferiori erumpit prope Musculum Glossostaphylinum, cum fibris cuius confusam habet originem: hinc per partem superiorem Pharyngis quasi circulari incessu fertur sic, ut fibræ unius Musculi cum fibris alterius; interpositâ tamen lineolâ quadam tendinosâ, concurrant. Tertium Par Stylopharyngæum (utì quidem notum est) à Processu Styliformi procedit: hinc obliquè descendit; & Musculi Hyopharyngæi fibras intersecando, ad latera Pharyngis desinit. Quartum Par, quod omnino Novum, Hyopharyngæum dico. Duplicem habet insertionem in Osse Hyoide: unam longiorem; & alteram breviorem. Longior connectitur Appendicibus Cartilagineis, lateraliter ad Basim ejusdem Ossis degentibus; brevior verò Processibus ejusdem Cornutis. Ab his porro terminis fibræ, aliquantulum obliquè recedentes, versùs superiora Pharyngis inclinant, & in hujus medium latâ expansione desinunt, quò loci cum oppositis concurrentes, rectam lineam tendinosam componunt. A' Musculorum istius Paris violentâ distensione; quando videlicet nimis copiosa,

&

& non benè mansa cibariorum quantitas in Pharyngem protruditur; potest Luxationis species succedere in Appendicibus Cartilagineis ejusdem Ossis Hyoidis: quod ego in Muliere Bononiensi à deglutitione crassioris boli bovillæ carnis non benè mansæ observavi. Putabat Mulier, multisque imposuerat, se divexari à bolo in Faucibus hærente, quem ut indè deturbaret; varia Manuum, & Medicamentorum auxilia tentavit; sed incassum. Iamque elapsum triduum erat absque eò, quòd ullum cibum, vel potum assumere potuisset; cùm denique à me opem quæsivit. Ego verò omnibus perpensis, cùm in aliquâ ex Appendicibus Cartilagineis Ossis Hyoidis Luxationem suspicarer; Partem, ut Anatomica indicabat Cognitio; ità digitis contrectavi: & illicò per unam, vel alteram contrectationem, omnia in pristinam sanitatem redacta sunt sic, ut immediatè absque ullo deglutiendi incommodo juscum sumere, & cibum Mulier, modò desperata, potuerit.

Quintum Par Musculorum Pharyngis Thyropharyngeum nuncupamus; Hoc enim ab utroque antico latere Thyroidis, per totam hujus altitudinem, duas acutas productiones formando, recedit (licet quòd ad aliquot fibras etiam ab anteriore laterali parte Cricoidis acutâ itidem inferiori productione proveniat) & suis fibris obliquè ascendendo in partem posteriorem Pharyngis ad ejus medium in rectam lineam tendinosam, ad præcedentes similitudinem extrema mittit. Ex qua descriptione liquet, fibras istas, non unicum, sed duos componere Musculos; quod olim adnotavit Caiserius; et si illum pauci ex Successoribus secuti sint. Ultimus, qui restat Musculus mihi dicitur Cricopharyngeus. Locatur iste in principio Oesophagi: illeque

*Observatio, nec  
non Curatio De-  
glutitionis Impedi-  
tie à Luxatione  
Appendicis Carti-  
lageariorum Ossis*

*Musculi Thyropha-  
ryngae.*

Delin. Vid. Tab.  
V. Fig. II. &  
Tab. VI. Litt. G.  
G. G. G. g. g.  
Usum. Vid.  
Num. seq.

*Hi non sint, ut  
vulgè creditur, u-  
nus Musculus, sed  
verè sunt duo.*

*Musculus Crico-  
pharyngae.*

Delin. Vid. Tab.  
V. Fig. II. & Tab.  
VI. Lit. H. H.  
est

Usum. Vid.  
Num. seq.

est, qui magis ad Sphincteris naturam accedit; nam ejus fibræ; quæ sub inferiori Paris Thyropharyngæi productione ab eadem cum ista Cricoidis parte recedunt; ejus, inquam, fibræ transversè tendunt, & Oesophagi principium cingunt. Dum Pharyngis Musculos, ita divido; atque describo; fieri posse, sentio, ut Aliquis in hac divisione liberalior videar; Aliquis verò fortè & parcior: quorum neutrīs pertinaciter repugnabo; verum ut pro arbitrio, horum Musculorum numerum minuant; aut, si placet, augeant, ultrò concedam. De hoc enim ego minimè solitus sum, qui censeo, tunc nobis cujusve Partis Musculos satè esse perspectos; cum tantummodo Fibrarum ejus insertiō nem utramque, & tendentiam noverimus; sive illas posteā in plures, sive in pauciores Musculos, ut cuique videtur commodius partiri contingat. Mihi itaque sufficit Musculares Fibras in Uvulâ, & Pharynge, ut à me communicatum est, ita quò ad ambas suas inserções, & quò ad tendentiam ut plurimum se habere: ut plurimum sanè; nam aliquando variam; interdum etiam ex parte deficientem hic deprehendi Naturam. Ut enim unicum tantummodo Musculum attingam; Musculum Hyopharyngæum vidi ad Linguam quandoque fibrarum fasciculum producere; quandoque verò neque alteram illam productionem suam ad Appendices Cartilagineas lateraliter ad Basim ossis Hyoidis degentes mittere. Verum enim verò non in foliis Musculis Pharyngis ludit Natura: quæ porrò non ita strictis, & perpetuis legibus; ut nonnulli facere videntur; quo ad fibrarum carnearum quasdam productiones & terminations est alliganda. Ne enim multum à Pharynge recedam; non ita pridem, dum circa hunc cultrum exer-

exercerem; viði sub Lingua Geniohyoidæum Internum unam ex suis extremis partibus ad Mandibulam Inferiorem circa ultimum Molarem Dentem elongare: & in ipsa Lingua Chondroglossum Musculum à Neoterico descriptum, non semper, sed quandoque tantum invenio. Mitto cætera, & dum in his adhuc sumus; jam quales descripti Musculi Pharyngi, & Uvulae præstent motus, ex singulorum insertionibus, & fibrarum tendentia deducum eo.

*Musculas Chondroglossus, à Neoterico recensitus, solum aliquando inveniri potest.*

XVI. Quando itaque cibaria deglutituri versus Pharyngem propellimus; Musculi Stylopharyngæi istum ad latera sursum trahendo, breviorem; at simul latiorum Cavitati Oris è directo efficiunt, ut melius transmissa cibaria excipere possit. Quæ porrò dum excipiunt, & ope indicandorum Musculorum per Orificium ad Oesophagum est protrusurus; ne protrusa illa, per Orificium ad Os in Os redeant, aut in Nares per Orificium ad Nares ascendant; tunc ambo hæc ultima Orificia à Musculis suis clauduntur. Nam Glossostaphylini, Glossopharyngæi, necnon Pharyngostaphylini circa Orificium ad Os contracti, ipsum, Lingua præsertim coadiuvante, occludunt. Idem verò Pharyngostaphylini unâ eademque operâ Uvulae corpus hinc, & hinc trahendo, in valvulam veluti extendunt, & extensem simul aliquantulum retrò trahunt (quod in viventibus quandoque; in mortuis verò; cum eos utrinque Musculos trahimus; observare licet) Quod corpus ita extensem dum ingredientia cibaria impingendo, sursum retrudunt; non possunt non Orificium ad Nares claudere; maximè cum eodem tempore satis angustius hoc sit ob eandem Uvulam retrò tractam tum per Pharyngostaphylinos, uti mox indicatum est, tum

*Ufus, quem praestant in Deglutitione Uvula, & Pharyngis Musculi superioribus Numeris descripti, & Tab. IV. V. & VI. delineati.*

*Ufus Uvulae in Deglutitione.*

per Salpingostaphylinos, sanè ad Uvulam sursum retrò trahendam factos. Interim relaxatis Musculis Stylopharyngæis, atque Hyopharyngæo, necnon Thropharyngæo Pari operante, deorsum obliquè constricto Pharynge; cibaria quæ per duo illa clausa Orificia egressi non possunt; juvante etiam propriâ gravitate per Orificium ad Oesophagum coguntur descendere: in quem fibræ superati Cricopharyngæi, se restituent, ultimò protrudunt. Hæ siquidem fibræ alias vim quodammodo, &c munus Sphincteris obtinent; ut impediant, ne cibaria à Pharynge in Oesophagum descendant; nisi postquam indicatorum Musculorum contratio accesserit; ope cuius expresso ex Tonsillis, & ex Glandulis, quæ per Pharyngem sparguntur, liquoris; hoc debitè illa imbuantur. Hæc obiter quò ad actionem, quam descripti Musculi in Deglutitione exercent. Cum verò Aliquot ex ipsis efficiendo, ut Uvula magis, minusve supra Laryngis aperturam propendeat; utque magis, minusve Orificium ad Os, item illud, quòd ad Nares est, restringatur; per hanc ibi inductam varietatem, etiam Vocis tonum non leviter sanè variare possint; Aliquot verò ad Auditum quoque (quod caput rei est, & in cuius gratiam cætera oportuit scribere) non parùm conducant; Alterum illud ut ex superiùs scriptis quisque sibi explicet, sinemus, brevitati consulentes; Alterum verò, ubi Partiuū Usus tractabimus, ibi opportuniūs edifferemus.

**XXII.** Ad complendam Mediæ Auris Cavitatis suceptam Descriptionem, oportet jam, ut illius Vasa peculiariter describamus. Non enim quæ in unâ Cavitate Vasa sanguinea occurrunt, eadem successivo cursu ad reliquas Cavitates peryadunt; sed singulis Cavity-

Vid. Cap. V.  
Num. XII.

Singulis Auris Cavitatis distincta  
Vasa Sanguinea  
contigere: ex quo  
allata Auris Di-

tibus distincta Vasa contigere: quæ res (ut in transitu  
hoc innuam) inter cæteras argumento esse potest: alla-  
tam à principio Auris Divisionem in Tres Cavitates,  
ipsi Naturæ innixam esse. Itaque prope initium Os-  
sei Canalis, per quem Arteria Carotis scandit ad Ce-  
rebrum; ejusdem Arteriæ Ramulus, Canali perforato,  
in Tympanum; ut ego inveni, deflectit, ipsumque  
sparsis propaginibus alluit. Quæ verò à Tympano Ve-  
nosa regrediuntur Vasa, in unum truncum unita, Ve-  
næ Jugularis Diverticulum subeunt. De Lymphatico-  
rum in hac Cavite existentiâ quid censeam; ex illis,  
quæ circa eorundem in præcedenti Cavitate existenti-  
am censui, sufficienter intelligi potest. Supereft, ut  
de Nervis quoque verba faciam. Porro Auditorii Ner-  
vorum Paris Dura Portio, dum per Aquæductum Fal-  
loppianum ad Tympani latus decurrit; ad ipsum Tym-  
panum, ejusque Partes surculos mittit: quos inter ma-  
gìs conspicui sunt duo Sinuositatem Mastoideam sub-  
euntes, necnon aliis, qui Stapedis Musculo prospicit.  
Ad hæc erumpit ab eo Tympani pariete, qui versùs  
Faciem collocatur, Nerveus Ramulus, qui statim in  
subjectum Minimi Processus Mallei Musculum exiguum  
propaginem inferit. Hinc transverse per Tympa-  
ni Cavitatem, parallelus Membranæ Tympani, excur-  
rit; per quem tractum Tympani Chorda nuncupatur.  
Excurrit autem inter Malleum, & Incudem sub utrius-  
que articulatione, ita dispositus, ut in eorum motibus  
non moveri non possit. Postquam verò Tympani Ca-  
vitatem emensus est; peculiarem Canaliculum subit: &  
per hunc in extremam ferè Aquæductus Falloppiani par-  
tem se insinuat, ubi tandem cum Durâ Portione u-  
nitur. Porro hic Ramulus ab aliquibus esse dici-

*visio in Tres Cavi-  
tates confirmari  
posse videtur.*

*Arteria Tympani  
vera origo.*

*Delin. Vid. Tab.  
VII. Fig. I.*

*Vena Tympani.*

*Delin. Vid. Tab.  
VII. Fig. II.*

*Nervei Surculi à  
Durâ Auditorii  
Nervorum Paris  
Portione Tympano  
impertiti.*

*Delin. Vid. Tab.  
VII. Fig. III.*

*Chorda Tympani.  
Delin. Vid. Ibi-  
dem, item Tab.  
III. Fig. III. &  
Tab. X Fig. I.*

*Nou est ita cer-  
tum. Tympani  
Chordam esse pro-  
paginem Quinti  
Paris.*

*Circa Usum Chor-  
de Tympani Du-  
bitatio.*

tur Quinti Paris soboles, & ab ipso Quinto Pari in Duram Portionem transmitti. Qui sanè cur non potius dici debeat Duræ Portionis propago, quæ ab hac in par Quintum transmittatur, viderint illi, qui oppositum pronunciant. Ego certè & Ramulum hunc, & alios complures, qui pariter inter unam, & alteram, Conjugationem ducuntur, qua ratione alterutri potius Conjugationi assignari possint, non video. Cæterùm eundem Ramulum ita intectum, ita solitarium, adeò regulariter, adeò perpetuò per Tympani Cavitatem transire, & præcipue inter Ossicula ita disponi; ut in horum motibus statim debeat commoveri, cùm hæc omnia res sint, quæ in eodem aliquod Naturæ Mysterium latere, indicent; tum me impulerunt, ut eundem oculis, animoque multoties contemplarer, tentatus, num fortè novi aliquid circa illius anatomen, num saltè illius causas possem comperire. Quod dum agerem, aliquandò excogitavi, posse hunc fortè conspirare cum Majoris Processus Mallei Musculo ad motus illos, quos suo loco exponemus, Novi Tubæ Musculi excitandos. Hinc hujus Ramuli communicaciones quæ, & quibus cum Nervis sint; ad hæc qui Nervi indicato Tubæ Musculo famulentur, rimari exorsus sum. Sed cùm in re hac nondum mihi licuerit omnem illam, quam vellem, & quæ par est, operam impendere; contentus desiderium, & consilium meum circa ipsam indicasse; de eâdem in præsentiarum verbum amplius ncn addam.

CAPUT

## C A P U T III.

*Labyrinthi, sive Interioris Auris Cavitatis Descriptio.*

**F**enestræ, quæ in Tympani Cavitate occurunt; Ovalis videlicet, & Rotunda in Interiorem Auris Cavitatem transitum Observatoribus aperiunt. Hæc verò in eâ Ossis Temporum parte, quæ ob maximam duritiam, Ossis Petrosi nomen præ reliquis ejusdem partibus sibi vindicat, sic excavatur; ut è directo Membranæ Tympani, eidem, quasi parallela, super Tympani Cavitate locetur. Labyrinthi autem nomen (quod nempe diu non nisi ejus parti concessum est) universæ huic Cavitati passim tribuere non verebor, tum qui toti convenit non minùs sanè, quàm parti; tum quia & D. Du Verney ita adhibuit. Cum quo pariter eandem Cavitatem in tres Partes, ut clariùs procedam, divido; scilicet in Vestibulum, Canales Semicirculares, & Cochleam.

II. Vestibulum Cavitas est irregulari configuratio-  
ne constructa, parietes undequaque ostendens conca-  
vos: cuius longitudo, & latitudo duarum linearum est; altitudo ad sesquilineam non pervenit. Situm obtinet immediatè supra Basim Stapedis, inter Canales Semicirculares, & Cochleam; scilicet Canales habendo ab exteriori potius parte, sive eâ, qua Auriculam respicit; Cochleam verò ab interiori, sive oppositâ. In hac Cavitate plura aperiuntur Orificia, videlicet Orificium Fenestræ Ovalis, quinque Orificia Canali-  
um Semicircularium, Orificium Cochleæ, & quinque Orificia Nervis aditum præbentia, atque ideò ab istis occlusa.

*Vestibulum.*

Delin. Vid. Tab.  
VIII. Fig. II. &  
V. item Tab. X.  
Fig. I. & II.

*Orificia; que in  
Vestibulo aperiun-  
ter.*

Delin. Vid. Tab.  
VIII. Fig. I. II. V.  
Item Tab. X.  
Fig. I. & II.

*Usum. Vid. Cap.  
VI. Num. III.  
&c.*

Canales Semicirculares.

Delin. Vid. Tab. VIII. Fig. I. III.  
&c. Item Tab. X. Fig. I. II.

Usum Vid. Cap. VI. Num. III. IV.  
&c.

III. Secunda Labyrinthi Pars Canales Semicirculares dicuntur, tales à formâ nuncupati; quia nempe singuli in Semicirculi modum curvantur. Numero sunt tres; singuli ad vitandam confusionem diversis nominibus distinguendi. Hæc autem nominum diversitas à nullâ re aptius; nisi ego fallor; desumi potest; quam à diversâ singulorum longitudine. Attentâ itaque ratione diversæ longitudinis, qui à Neotericis Canalis Semicircularis Inferior non itâ verè à situ appellatur; aptiori vocabulo poterit dici Canalis Semicircularis Major; qui verò dicitur Superior; Canalis Semicircularis Minor; & qui Medius Canalis Semicircularis Minimus poterit nuncupari. Sed ne; quæso, Aliquis illud fortè in me reprehendat; quod ad nomina, ab aliis imposita, immutanda proclivis sim: nam & ego ab hac re vehementer abhorreo. Sed tamen cùm inscribendo duo mihi propofuerim, Veritatem scilicet pro meâ virili aperire; addiscendi verò labores, quantum res fineret, faciliores reddere; Cùmque hac duo per veridicas nomenclaturas; quibus præfertim aliae, non itâ veræ, tollantur, & potissima rei indicatæ proprietas exprimatur, ex parte obtineri, videam; hinc est, quod nova imponere nomina invitus cogar aliquando. Canales Semicirculares Cavitate Ellypticâ donantur: quam tamen aliquoties Cylindricam vidi. Hujus latitudo dimidiâ lineam aliquantulum superat; altitudo verò latitudinis mensuram paululum excedit. Quamvis verò in latitudine, atque altitudine eandem dimensionem servare omnes Canales videantur; nihilominus aliquando Canalem Majorem præ Minore; Minorem præ Minimo angustiorem latitudinem habere, comperi. Hæc modò de istis Canalibus in genere. Jam

ve-

verò eosdem singulatim perlustremus.

IV. Canalis Semicircularis Major à Neotericis, ut indicatum est, non ità verè Inferior appellatur; quia

*Canalis Semicircu-  
laris Major.*

non quemadmodùm illi videntur credere, Vestibuli partem inferiorem cingit; si quidem Labyrinthum in naturali sede contempleremur; sed quasi totus locatur in parte præ ipso Vestibulo altiore; quā Labyrinthus Occiput spectat. A nobis verò non impropriè Major dicitur; quia præ reliquis majorem obtinet longitudinem.

Delin. Vid. Tab.  
VIII. Fig. I. II. III.  
& V. Item Tab.  
X. Fig. I. & II.  
Usum Vid. Cap.  
VI. Num. III. &c.

Hanc ego nunquam inveni quinque lineis cum dimidiâ minorem; neque verò octo lineis majorem. Canalis hic Major communicat cum Vestibulo per duo Orificia; unum Proprium, & alterum Commune: antequām verò per Proprium Orificium cum eodem communicet; solet in Orbicularem quandam Cavitatem ipse Canalis dilatari. Porrò Orificium ipsius Proprium aperitur inter Cochlear Orificium, & unum ex Orificiis Minimi Canalis. Circulare est: & margo ille,

*Orbicularis Cavitas  
in Canali Majore  
ante ipsum Orifici-  
um Proprium no-  
viter observata.*

Delin. Vid. Tab.  
VIII. Fig. III. &c.

quo Fenestram Ovalem respicit, in exiguum quasi agerem videtur assurgere. Commune verò Orificium nihil aliud est, quam extremitas mox describendi Canalis Communis: quæ circulari Orificio, paulò latiori, ac sit ejusdem Canalis diameter, hiat in parte superiore Vestibuli, Orificio Cochlear è directo. Canalis Communis nuperrime indicatus, est portio Canalis, quæ fit à concursu Canalis Semicircularis Majoris, & Canalis Semicircularis Minoris, unius lineæ longitudinem excedens: cavitate non Ellypticâ, sed Cylindricâ gaudens singulis Canalibus duplo ampliore. Sed & ego intelligo, difficile esse; ne dicam impossibile; & hunc Canalem, & alios cum eorum posituris, & Orificiis per descriptiones sub oculos ponere;

*Canalis Communis.*  
Delin. Vid. Tab.  
VIII. Fig. I. II. III.  
&c. Item Tab.  
X. Fig. II.  
Usum Vid. Cap.  
VI. Num. III. &c.

nisi

nisi cui simul figura, aut potius ipsa Auris ostendatur.

V. Canalis Semicircularis Minor, dictus à quibusdam Superior, aptè mihi dicitur Minor; quia mino-

*Canalis Minor.* rem præ antecedenti gabet longitudinem. Hæc cùm  
Delin. Vid. Tab. VIII. Fig. I. III. maxima est; septem lineas vic superat; cùm verò est  
V. item. Tab. X. Fig. I. II. minima; quinque lineis minor non est. Hic autem  
Usum. Vid. Cap. VI. Num. III. VI. debeo adnotare; quod quando Canalis alicujus, e-  
viii. exempli causâ istius Canalis Minoris longitudo maxima  
est; longitudo quoque cæterorum Canalium consueto  
major est, & è converso: aliàs enim Canalis hic Mi-  
nor aliquando non esset reverà minor. Canalis iste;  
qui versùs faciem respicit; super Vestibulo collocatur:  
cum quo duplicem communionem obtinet; unam per  
Orificium Commune; alteram per Orificium Propri-  
um Commune est idem cum Orificio Communi Ca-  
nalis Majoris; adeòque superiùs descriptum est. Pro-  
prium verò, in quod priusquam definat Canalis Mi-  
nor; sensim in fine ampliatur; figuram habet Ellypti-  
cam, ut suus Canalis: & aperitur immediatè supra u-  
num ex Orificiis Canalis Minimi eo situ, ut non è  
directo, sed lateraliter Ovali Fenestræ opponatur; op-  
ponatur verò è directo Orificio Cochleæ.

*Canalis Minimus.*

VI. Minimus Canalis certo positu inter utrumque  
Tab. VIII. Fig. I. præcedentem locatus, Aurisque exteriora respiciens,  
III. IV. V. item Tab. X. Fig. I. II. Majori, & Minori Canali longitudine cedit; & sic  
Usum. Vid. Cap. omnium minimus est. Ejus enim longitudinem nun-  
VI. Num. III. IV. quam comperi quinque lineas cum dimidiâ superantem;  
VI. VIII. neque tribus, & dimidiâ minorem. Canalis iste hoc  
peculiare habet, ut sui gyri dimidio, ut plurimum jam  
confecto sensim incipiat dilatari usque ad illud suum  
Orificium, quod secundo loco mox describemus. Nam  
& hic Canalis cum Vestibulo communicat per duo O-  
rificia,

rificia; Angustius unum; Latius alterum. Angustius Orificio inter Oricia Commune, & Proprium Majoris Canalis tali ratione locatur: ut Orificio Cochleæ, necnon Fenestram Ovalem quodammodo spectet. Hoc circulare est, & vix sibi continuato Canali amplius. Latius verò situm est sub Orificio Proprio Minoris Canalis, huic omnino simile, eundemque penè habens ad Fenestram Ovalem, & Orificio Cochleæ respectum, quem idem habere ad ista, superius scripsimus. Hic ergo Canalis inter Semicirculares unicus est, qui ambo Oricia Propria habeat.

VII. Ex his, quæ scripsi, stat quidem, Canales Semicirculares eam inter se habere longitudinis proportionem; ut major unus; alter minor; tertius verò minimus sit: quam sanè proportionem eos semper; ex multis, ac iterum multis, quas secui, Auribus; manifestò servare, comperi; nisi quòd semel differentiam vix sensibilem inter Majorem, & Minorem potui invenire. Sed cùm de Organo ad Sonum spectante agatur; inquirere ulterius opus est, qualis sit præcisè hæc propotion, quam iidem Canales inter se habent; id est quantò præcisè Major Minore longior sit; quantoque Minor longior Minimo. Hac de causâ plurimos diversorum Subjectorum Canales Semicirculares eo meliori modo, quo Partis permittit conditio, metiri nisu sum ope fili per eosdem ducti. Quò in præstanto, non omni sanè metu careo; quin potuerim quandoque veram Canalium dimensionem tantillum augere, & quandoque tantillum minuere; quia in consimilium rerum mensuris; ut sit diligens hominum industria; facile tamen accedit, ut quod vellet, exactè non affaquatur. Qua igitur potui curâ, & sedulitate, compluribus Ca-

*Canalium Semicircularium in longitudine proportiones noviter indagatae.*

*Vid. Tab. IX.*

*Sunt autem Canales in eâ longitudine num proportione; ut unus major; alter minor; tertius verò minimus sit.*

*Usum. Vid. Cap. VI. Num. IV.*

*Sed magis præcisa earundem longitudinum proportionem determinari non potest; cùm in diversis diversa sit.* naliū mensuris collectis, & tabulæ demandatis; adinveni, quæsitam proportionem nullo pacto determinari posse; eò quòd incerta admodùm, & in diversis diversa sit.

Siquidem inter tot, quæ adhibueram, Subjecta neque duo comperire potui; quorum tres Canales Semicirculares in eādem præcisā proportione essent. Illud ex adverso compertum mihi est, esse stabilem Naturæ consuetudinem; quòd in eodem Subjecto Canales Auris dextræ, & Canales sinistræ non solum sint ut-

*In eodem tamen Subiecto Canalium unius Auris longitudines longitudinibus Canalium alterius Auris aequales sunt.* cunque in eādem præcisā proportione; verùm singuli singulis correspondentibus æquales sint sic, ut iisdem exactissimis dimensionibus gaudeant. Imò tanta Canaliū utriusque Auris congruentia est; ut si aliquan-

*Hujus rei Causam. Vid. Cap. VI. Num. IX.* dò in uno ex Canalibus reperi vitium à nativitate contractum; idem prorsus vitium in alterius Auris correspondente Canali detexerim. Ità non diu est, cùm in nescio cujus Subiecti unā Aure Canalem Semicircularem Minorem tortuosè incedentem observavi; & eandem tortuositatem in alterius Auris Canali Semicircu-

*Hujus rei Causam Vide Cap. VI. Num. IX.* lari Minore adinveni; ità profectò similem, ut ovum ovo. Sed exactam hanc utriusque Auris similitudinem

*Imò eadem congruentia in multis aliis utrinque Auris Partibus observatur.* non solum in Canalibus Semicircularibus; verùm etiam in multis aliis earum Partibus non semel vidi. Hoc

modò memini, quòd cùm aliquandò Auris dextra Minimum Mallei Processum consueto longiore ostendisset; Processum eundem pariter longiore compar Auris exhibuit. Sed ut redeam ad Canales Semicirculares, eorumque dimensiones; non solum quidem ea quæ supra deducta sunt, ex eorundem Canalium Mensuris, à me primùm non sine diuturno labore, collectis, eruere possumus; verùm ipsis attentis, quæ inter diversorum Subiectorum Canales sunt, irregularibus lon-

gitu-

gitudinum differentiis, quorundam circa Auditum Phœnomenorum causæ explicari queunt; quorum sanè, non prægressâ illarum cognitione, vix validam ullam habebamus rationem; ut quidem de Usu Partium agentes inferiùs ostendemus.

Vid. Cap. VI.  
Num. IX.

VIII. Cochlea tertia Labyrinthis Pars est, quæ Canalibus Semicircularibus è directo; inferiori tamen positu; inter Canales, & ipsam interjacente Vestibulo, collocatur; eleganter Limacem Cochleam repræsentans, unde nomen sortita est. Construitur Cochlea ex Canali, quendam, ut vocant, Modiolum circumvoluto, & ex Septo Canalem in duos alios Canales dividente. Primò enim ossei parietes ejus Sinuositatis, per quam Nervi Auditorii Portio Mollis ad Cochleam pertingit, itâ disponuntur; ut efforment Modiolum, sive potius conum, basim versùs Cranii Cavitatem; apicem vero habentem versùs Tympanum. Itaque totum hunc conum spiraliter circumvolvitur indicatus Canalis sic, ut duos gyros cum dimidio conficiat. Canalis cavitas an sit Ellyptica; an potius Cylindrica, ambigeres. Hujus Cavitatis superficies non ex eâdem substantiâ componitur, ac superficies cavitatis Canaliculum Semicircularium; quæ nempe durissimum os est; sed ex substantiâ itâ friabili, ut in exsiccatis saltèm Aribus, calcinatum Os referat: quæ substantia maximè conspicua est in eo cavitatis pariete, qui Modiolo adhæret; à quo pariete, quò magis opposito appropinquat, eò magis sensim imminuitur. Latitudo autem istius cavitatis ad lineam unam accedit: eandemque, aut vix inæqualem mensuram ipsa quoque obtinet altitudo; ut ex indicatâ cavitatis figurâ manifestum est.

*Canalis Cochlea.*  
Delin. Vid. Tab.  
VIII. Fig. II. &  
IV. item Tab. X.  
Fig. I. & II.

Et hæ quidem dimensiones cavitatis principio convenient; siquidem quò magis ad Modoli apicem Canalis

*Canalis istius su-  
perficies ex friabili  
substantiâ compo-  
nitur.*

*De istius Uso*  
Vid. Cap. VI.  
Num. VIII.

nalis accedit; eò magis (sensim tamen) videtur immuni. Hic facilè Aliquis expectabit, ut quemadmodum Canalium Semicircularium, sic & longitudinis Canalis istius dimensiones ex compluribus Subjectis desumptas afferamus: istasque cum alicujus illorum dimensionibus comparemus. Sed rei difficultas nullo pacto concessit exactas colligere mensuras; adeoque de hac longitudine nihil habeo, quod scribam. De totâ Cochleâ hoc addam; Ejus Basis diametrum quatuor lineas non superare. Canalis verò iste; uti supra indicatum est; ope cujusdam Septi in duos Canales itâ dividitur; ut Canalis alter cum altero nullo pacto communicet. Hoc

*Septem Cochlear.* Septum; quod Septum Cochlearæ dici poterit; dupli-  
Delin. Vid. Tab. ci constat substantia; Solidiori unâ; Molliori alterâ.

*Eiusdem substantia Solidior, sive Lamina Spiralis.* Solidior corpus quoddam est medium habens consisten-  
tiam inter substantiam Membranaceam, & Cartilagi-  
neam; facilè friabile; præsertim in exsiccata Aure; ab eo Canalis pariete, qui Modiolo adhæret, proficiscens; & ultra dimidium altitudinis Canalis extensum: &

*Eiusdem substantia Mollior, sive Zona Cochlear.* hoc corpus Lamina Spiralis nuncupatur. Substantia verò Mollior est quædam tenuis, & pellucida Membrana, præcedenti Laminæ continuata; non idem

*Delin. Vid. Tab. VIII. Fig. VII.* Iunum cum eâdem efficiens; sed versus describen-  
*VIII. IX. item Tab. X. Fig. III.* dam Tympani Scalam Ellypticâ curvaturâ defle-

*Usum Vid. Cap. VI. Num. VI. VIII.* tens. Hæc alteri Canalis parieti sese annexit; super quem, dum annexit se, videtur reflecti quasi ut firmius adhæreat. Istius autem Membranæ denominationem, & ulteriorem, si fieri poterit, perlustrationem, quam primùm ubi de Nervis ad Cochleam pertinentibus, habeo. Duo Canales, in quos Cochlearæ Canalem ab exposito Septo partiri, indicavimus; Scalæ nominantur. Quarum una per Fenestram Rotundam respicit

Tym-

Tympanum (hanc Tympani Scalam dicamus) altera *Scala Tympani.*  
 verò cum Vestibulo communicat per Orificium quasi *Delin. Vid. Tab. VIII. Fig. VI.*  
 Ellypticum , ad latus Fenestræ Ovalis situm , inter *Usum Vid. Cap. VI. Num. VI.*  
 hanc , & Orificium Proprium Canalis Majoris (istam *VIII.*  
 Vestibuli Scalam appellemus). Scala Tympani su- *Scala Vestibuli.*  
 periorem situm obtinuit ; Scala autem Vestibuli infe- *Delin. Vid. Tab. VIII. Fig. VI. V.*  
 riorem : quod attendatur , velim ; nam Recentiores A- *Usum Vid. Cap. VI. Num. VI.*  
 natomici hanc Superiorem ; illam verò Scalam Inferi- *VIII.*  
 orem perperàm vocant ; ex hoc facilè decepti , quod *Scala Tympani*  
 fortè Labyrinthum non in naturali sede ; sed à reliquâ *(tametsi ab aliis*  
*contrario nomine*  
*appelletur) Superior est ; Scala au-*  
*tem Vestibuli Inferior.*  
 Aure sejunctum consideraverint. Scalæ non solùm situ ,  
 & Orificio invicem discrepant ; verùm etiam aliis ratio-  
 nibus. Nam quamvis ambarum longitudo eadem esse vi-  
 deatur ; latitudinem tamen , atque altitudinem in Scalâ *Capacitatis, figuræ,*  
 Tympani , præsertim prope Fenestram Rotundam , ma- *& superficie dif-*  
 jorem , quām in alterâ observo ; licet aliquandò æqualem *ferentia inter u-*  
 viderim. Rursus Scala Tympani cavitatem habet irregu- *nam , & alteram*  
 lari figurâ donatam , necnon frequenter superficiem Mo- *Scalam animad-*  
 diolo adhærentem , asperam , & inæqualem obtinet ; Sca- *vertuntur.*  
 la autem Vestibuli Ellypticam cavitatem , & lævem su-  
 perficiem exhibet. Quæ quidem capacitatis , figuræ , &  
 superficie differentiæ , à me in Scalis consideratæ , U-  
 sum partium exponentibus utiles erunt , licet haec tenus  
 præterfugerint Anatomicos.

IX. Ad actuandas , & peculiari Partium conforma-  
 tione ditandas Labyrinthi cavitates , Portio Mollis Au-  
 ditorii Nervorum Paris descendit. Nam Portio ejus-  
 dem Dura non ad Labyrinthum ; sed ad Tympanum ,  
 aliasque indicatas attinet Partes ; quamvis de istâ quo-  
 que hic simul agemus , tum propter affinitatem ; tum  
 ut ejusdem Descriptioni , quam alibi magnâ ex parte  
 exhibuimus ; lucem , imo complementum afferamus.

Ut

Ut verò istorum Nervorum progressus clariùs innote-  
scat; Osseum Canalem per quem ijdem pervadunt, pri-  
*Officium Nervorum*  
*Auditoriorum Ca-*  
*nalis.*  
Delin. Vid. Tab.  
VII. Fig. IV. &  
V. Tab. X. Fig.  
II. Tab. IV. Litt.  
g. g.

mò describere necessarium duco. In osse Temporali, & Petroso excavatur Nervorum Auditoriorum Canalis: quem non sinè ratione in duplicem partio, nempe in Communem, & particularem; siquidem ille ambas simul Portiones, hic verò Duram tantummodò contineat. Communis Particulari est latior; Particularis verò præ Communi longior est. Communis à Cranii Cavitate versùs Vestibulum obliquè defertur: & ad finem in tres parvas Sinuositates dividitur; quarum una versùs Cochleæ centrum pauxillùm descendit; duæ verò alteræ versùs Vestibulum excavantur; in quarum una insigne Foramen observatur, quod Canalis Particularis principium est. Canalis iste ab Auctore Falloppio Aquæductus vocatus (quod à D. Schelhammero jam inculcatum, consultò ego rursus admoneo; cum multorum in Libris Tuba Eustachiana Aquæductus nomine incautè adhuc, & non sinè confusione vocitetur) Canalis; inquam, iste paulò postquam ab indicato Foramine incepit; in duas dividitur Partes: quarum altera brevissima se apertum it in Cranii Cavitatem; altera verò opposito cursu usque ad medietatem Minimi Canalis Semicircularis primò procedit; hinc deorsum flectitur, sensimque capacior fit; donec sub Sinuositatē Mastoideam delapsa, patentiori hiatu inter Mamillarem, & Styliformem Processum aperitur.

*Nervi Auditorii*  
& primò.

X. Per descriptos Canales ambæ Auditoriorum Nervorum Portiones deferuntur: quarum singulæ licet simplicem truncum habere videantur; diligentiori tamen inspectione circa ipsarum principium adhibitâ, ex pluribus funiculis componi inveniuntur. Hæ itaque postquam

quàm ab eo, unde emergunt; Cerebri loco per breve spatiū recessere; Communem suum Canalem ingrediuntur: per quem ubi Portio Dura p̄venit prope illud Foramen, quod Canalis Particularis principium est; deflectit, ipsum Canalem subeundo; per cujus utramque Partem excurrit. Nam hāc quidem in Cranij Cavitatem pergit; & per Duram Matrem, necnon per Quinti Paris Nervorum Truncum sparſis Ramis se diffundit; illāc verò progreditur versùs Tympanum: ad quod ubi misit Surculos alibi descriptos; duos verò à Quintā Coniugatione Ramulos (ut communiter loquuntur) accepit; ad Foramen, quod inter Styliformem, & Mamillarem Processum hiat, descendit: indèque ita in Ramos, Ramulosque diducitur, uti suo loco ostensum est.

*Portio Dura.*Delin. Vid. Tab.  
VII. Fig. III. &  
Tab. VIII. Fig.  
XI.

XI. Portio autem Mollis ad Canalis Communis finem in duas Partes dividitur, per quas Labyrinthum prospicit; per unam nempe, quam in Sinuositatem, versùs Cochlearē centrum excavatam, insinuat; ipsi Cochlearē; per alteram verò, quam Sinuositatibus versùs Vestibulum exsculptis committit; eidem Vestibulo, necnon Canalibus Semicircularibus. Ut hanc secundam Mollis Portionis Partem primò prosequamur; sciendum est, Sinuositates, versùs Vestibulum excavatas, non per tria, ut traditur; sed per quinque Foramina adiutum concedere in eam Vestibuli Partem, quæ Canalisbus Semicircularibus opponitur, nempe supra Orificium Scalæ Vestibuli. Indicata ergo Mollis Nervi Pars in quinque Surculos dividitur, & ipsos per ea quinque Foramina intrà Vestibulum mittit; in quod statim accingressi sunt, laxati in tenuissimam quandam Membranam solent uniri. Quæ quidem Membrana modò

*Portio Mollis.*Delin. Vid. Tab.  
VIII. Fig. VIII.  
IX. X. & Tab.  
X. Fig. I. & III.

*Non tria; ut ab aliis traditur; sed quinque Foramina adiutum præbent Nerveis Semicirculis in Vestibuli Cavitudinem.*

Delin. Vid. Tab.  
VIII. Fig. II.  
item Tab. X.  
Fig. I. & II.

*Membrana Vestibuli.*

in

in Vestibuli medio suspenditur; modò, præsertim in Auribus non recentibus, propter exsiccationem, ut puto, unita ejus fornici reperitur. Hujus autem Membranæ in Vestibulo figura, longitudo, & latitudo diversis in Subjectis diversæ sunt.

*Tres Canalium Semicircularium Zona Sonore, nunc primum vulgata.*

*Delin. Vid. Tab. VIII. Fig. VIII. IX. X. item Tab. X. Fig. III.*

*Usum Vid. Cap. VI. Num. IV. V. VI. IX.*

XII. Quinque Nervei Surculi in Vestibulo in Membranam dilatati, peculiari incessu membranaceo ultrius progrediuntur. Etenim à Membranâ Vestibuli quædam aliæ Membranæ recedunt, quarum singulæ diversum Canalium Semicircularium Orificium ingrediuntur; ubi verò Membrana per unum Canalis Orificium ingressa, Membranæ per alterum ejusdem Canalis Orificium intranti, per currendo occurrit, unam continuatam Membranam ambæ componunt. Tales cùm strictioris teniolæ (vernaculâ linguâ diceremus *d' una Cordellina*) sive parvæ zonæ figuram habeant; sintque Motibus Sonoris excipiendis, tanquam Proprium Sensorium, destinatæ; idcircò à me Zonæ Sonoræ nuncupantur. Hæ sunt numero tres; nempe totidem, ac Canales: eandemque cum istis obtinent longitudinem. Earum autem latitudo non pertingit ad lineæ dimidium; et si Zona, quæ Canalis Communis Orificium pervadit; præ aliis latior sit: utpote quæ ad divisionem Canalis in Majorem & Minorem in duas pro his Canalibus Zonas debet mox dividi. Zonæ istæ aliquando minima ramenta membranosa per Canales emitunt; sed ut plurimum nulla emittingendo, per eosdem gradiuntur.

XIII. Licet verò has Zonas, quales descripsi; tales quam sèpissimè viderim, exactèque perspexerim sic, ut de verâ earundem existentiâ nullatenus dubitem; memini tamen, aliquando dum ipsas quærerem, præsertim mi-

minus adhuc exercitatus; loco Zonarum non nisi quae-  
dam hic illic earum particulas, incertaque tantum ve-  
stigia invenire potuisse; non quod Zonæ abessent; sed  
aliis de causis, ut posteà comperi. Itaque ne Aliquis,  
si fortè ipsi contingat, quod mihi tunc contigit; indè  
fallatur, & Zonarum existentiam in dubium trahat;  
libenter nonnulla circa Zonarum quærendarum ratio-  
nen communicabo; maximè cùm istæ Auditorii Or-  
gani præcipua Pars sint, tantumque absit, ut in Li-  
bris eorum, qui ante me scripserunt, id possit addisci;  
quin usque adhuc; ut apertè scribam; nullus, quem  
sciam, distinctè de Zonis locutus fit. Nam Laudatus  
alibi D. Schelhamerus integrum quidem Membranam  
ex uno tantum Canali Semicirculari extraxisse se, nar-  
rat; sed in Corvo; sed qualis, & unde fuerit ea Mem-  
brana; non exponit; imò de Membranâ, Canales, ut  
credebatur, investiente, tunc scribit; & an Nervi in  
Labyrinthum ingrediantur, aliàs dubitat; Præclarissi-  
mus autem D. Du Verney nihil aliud à nervis in Ca-  
nales immitti, refert, quām nerveum filum: quod qui-  
dem merum esse filum; sive meram Nervi Ramifica-  
tionem, etiam Figura, qua ipse Canilium Nervos o-  
stendit, Figuræque Explicatio confirmant; Quòd si  
alicubi (& ferè extra locum) hosce Nervos in Mem-  
branas explicari, indicat; istas neque ibidem, neque  
ullibi describit; imò easdem & ipse vult, nullas alias  
esse, quām illas, quibus Canales intus vestiri existi-  
mantur; nisi multum me fallunt quotquot adhibui, il-  
lius Latinæ Versiones; nam Gallica Editio ad meas  
non pervenit manus. Nec verò quia hoc, ut & quæ-  
dam alia non detexit Vir ille Exercitatissimus; idcir-  
cò vel minima Magnæ ejus Famæ pars intercidit; nam

alia multa, de quibus aut nihil; aut si aliud; multum obscurè locuti sunt, qui ante ipsum fuerint; Scriptis ità tradidit, & Figuris; ut sèpè eosdem superaverit: & fortassis in Libello hoc quædam defuisseint; nisi illius Labores conatus præcessissent meos. Verùm ut ab Officio, quod Præstantissimo Viro, hac præfertim occasione, debebam, ad promissa deveniam mea; Il-

*Ratio, qua indica-  
e Zona queri de-  
bent.*

lud primùm adverto, quòd dum Zonæ in exsiccata Humanâ Aure quæruntur; potest de levi cum portunculâ Canalis, quæ anatomico ferro elevatur, conten- ta Zona; Canali nempe non raro adhærescens; ità si- mul disrumpi; ut saltè ex parte ipsius figura, & pro- gressus frustra posteà quærantur. Itaque Canales limâ sensim aperire, & diligenti, atque expertâ manu per- tractare oportet: & in hoc tota fermè ratio consistit Zonas exactè detegendi. Neque enim consulere pos- sum, ut recentem potius Aurem adhibeas, qui nove- rim, in tali Aure, non solùm Zonas, sed & similia ab Humore quodam inferiùs memorando quodammodo obscurari sic, ut possint minùs exercitatos oculos fallere. Neque in ipsis resiccatis Auribus certa sunt præcepta, quibus edoceam, à quo potissimum latere Canalem aperiendo, contentarum Zonarum læsionem evites. Zonæ enim, quas quidem in medio Canalis quasi suspensas interdum vidi; modò superioribus, mo- dò inferioribus, modò lateralibus ejusdem parietibus unitæ reperiuntur. In Ovinis verò Auribus regulari- ter inveniuntur incedentes super Canalium pariete in- feriori; adeòque dum inter aperiendum Canales, pa- rietem illum devites; integras Zonas in his Animali- bus consequeris. Quæ cùm in eisdem subobscuri coloris causâ citius occurrant; eò etiam faciliùs ex his;

Quæ

*In Ovinis Auribus  
faciliùs Zone in-  
veniuntur.*

Quæ de Zonis in Homine præcipua scripsimus, addisces; tum ad eas in ipso Homine aptius detegendas, detectasque dignoscendas instrueris. Sed & in Canalibus Aquilæ Zonarum figura, & progressus cuique ad evidentiam conspicua erunt.

*Item in Auribus  
Aquila.*

XIV. Ut integrum Nervi Mollis in Labyrintho progressum consideremus, Alteram quoque superius indicatam illius Partem prosequi oportet. Hæc verò, ut ibidem scriptum est, Sinuositatem, versùs Cochleæ centrum excavatam, manifestò quidem ingreditur; At qualem à Sinuositate in Cochleam habeat transitum, hoc diutiùs quærere coactus sum. Vidiq[ue] demum <sup>Vid. Tab. X. Fig.</sup> II. minima quædam Foramina, in certum numerum diffi- cile cogenda, per quæ Nerveæ Fibrillæ Cochleam sub- eunt. Intrâ hanc verò eadem probabiliter in Mem- branam expansæ, Partem illius Septi Membranaceam componunt, quam superius descripsi; & quam ut à Canalium Semicircularium Zonis descriminem, cum quibus videlicet multùm figurâ, substantiâ verò peni- tis convenit, Zonam Cochleæ appellabo. Porrò an hæc Cochleæ Zona continuationem habeat cum Mem- branâ Vestibuli, pluries indagavi, sed nihil solidi in re hac usque adhuc potui reperire.

*Zona Cochleæ, sive  
Septi Cochleæ Sub-  
stantia Mollior, de  
qua etiam supra.*

*Delin. Vid. Tab.  
VIII. Fig. VII.  
VIII. IX. item  
Tab. X. Fig. III.*

*Usum Vid. Cap.  
VI. Num. VIII.*

XV. Descriptis Labyrinthi Nervis Vasa Sanguinea, <sup>Vasa Sanguinea  
Labyrinthi.</sup> & fortè etiam Lymphatica associanda sunt. A Cere- bro enim simul cum Nervorum Truncis illa observan- tur versùs Labyrinthum delabi; quorum progressus <sup>Delin. Vid. Tab.  
VIII. Cap. X.</sup> licet perrarò in Zonis evidenter conspicuus sit; attra- men non inverisimile est, eadem Vasa, Nervos comi- tando, & Canalium, & Cochleæ Zonas irrigare. Quam assertionem non parum roborat Nervi Optici, dum in Retinam se expandit, observatio. Ut enim obvium

cuique est; Vasa sanguinea cum Nervo delapsa, cum ipso quoque in Retinam diffunduntur. Quinimò ipsa etiam Vasa Lymphatica, & Nervum Opticum, & ejus in Retinam expansionem comitantur; Nam ut primus ego in Oculo Bovis, ad multos dies in aquâ macerato, perspicuè observavi; Vasa Lymphatica, eaque sane non exilia, per Retinam elegantissimè ludentia, indèque verò in majores truncos collecta, se in Opticum Nervorum intrudunt, quò loci hic incipit in Medullares Fibras radiatim se se explicare; ut Retinam nempe componat. Sed hæc Vasa in Retinâ observare non semper in promptu est; nam aliàs aliquale tantummodò ipsorum vestigium (prout modò magis, modò minus Lymphatica apparent) aliàs neque illud ipsum vestigium adnotare potuimus. Præter verò ipsos Lymphaticorum, & Sanguineorum Vasorum Ramulos, Zonas, ut credimus, perreptantes; sæpè Sanguineæ Propagines internos Vestibuli, Canalium, & Cochleæ parietes alluere conspiciuntur: quæ porrò an ab ipsis Nervorum Vasis Sanguineis oriuntur; an potius sint extimi eorum Surculi, quæ interiorem Officis Petrosi substantiam irrigant; res apud me incerta est. Illud tamen scio, multoties me quæsivisse, an talia Vasa distinctis trunculis, & per peculiare Foramen Labyrinthum ingrediantur, præsertim circa Fenestram Rotundam, ut apud quosdam legitur; semper verò frustra quæsivisse, Nolle interim, quòd occasione horum Vasorum internos Labyrinthi parietes perreptantium, putaret Aliquis, internos eosdem parietes peculiari undequaque vestiri Membranâ, non dissimili ferè modo, ac Offa solent externè Periostio indui; se se innitens illi, quam multi obtinent, Opinionis: Vas-

*Vasa Lymphatica  
in Retinâ, &  
Nervo Optico Bo-  
vis noviter obser-  
vata.*

sa Sanguinea per extimam Ossium superficiem non progredi; nisi Membranis contexta suffulciantur; Cum hac enim Opinione profectò pugnat experientia; per quam ego scio; omni Periostio exactè Ossibus adempto; & quidem sinè ullâ fermè vi, & distractione; Vasa Sanguinea super nudâ Ossium superficie illæta, & integra mihi pluries apparuisse; Ad hæc super Ossicula in Tympano descripta, Sanguinei repunt Surculi; illa tamen nullo Periostio vestiuntur. Ut verbo me expediam; hoc scio, me præter superiùs descriptas, nullam aliam Membranam intrà totum Labyrinthum videre potuisse.

*Opinio illa; quod  
scilicet Vasa San-  
guinea extimam  
Ossium superficiem  
perreptare non pos-  
sint; nisi Mem-  
branis suffulcian-  
tur; experientia  
non respondet.*

XVI. Partes in hac Interiori Auris Cavitate hactenus descriptæ, videlicè Vestibulum, Canales Semicirculares, & Cochlea unâ cum contentis Membranâ Vestibuli, & Zonis Sonoris quam magnitudinem obtinent in Adultis; eandem prorsus in Infantibus habere videntur. Quod quidem non sinè sagaci Naturæ consilio factum esse, ubi de harum Partium Usu scribetur, fortasse monstrabimus.

*Labyrinthus, &  
contentæ in ipso  
Partes eadem  
magnitudine vi-  
dentur esse in In-  
fante, atque in  
Adulto.*

*Rationem Vid.  
Cap. VI. Num.  
IX.*

XVII. Pro hujus Cavitatis Coronide scire juvat, *Humor quidam a-  
Labyrinthum Humore quodam aqueo, & hoc copioso queus, quo totus  
intus madefactum reperi, unde contentæ Membranæ  
humescunt: de quo nulli fecere mentionem. Humor  
iste in recenti Aure observatur. In Foetu quidem san-  
guineâ tinturâ rubescit, sed hunc colorem sensim pro-  
grediente tempore amittit sic, ut aqua limpida videa-  
tur: quæ quidam etiam Fluido, quo Thorax, & Ab-  
domen humectatur, contingunt. A quibusnam Fon-  
tibus Fluidum istud in Labyrinthum emanet, sensibus  
est admodum difficile; ne dicam impossibile; assequi:  
Rerum enim parvitas, & firmissimi, in quo recondun-*

*Labyrinthus, &  
contentæ intrâ ip-  
sion Partes ma-  
descunt.*

*Usum Vid. Cap.  
V. Num. IX.*

tur, Ossis durities inquirentis perquisitionem eludunt. Mente autem utcunque illud percipi facilius poterit. Et quidem cum omnis externo humoris aditus in Labyrinthum intercludatur; in ipso vero Labyrintho praeter descriptas Membranas nullae aliæ aptæ secretioni Partes occurrant; jam hinc video, non defuturos, qui Humorem illum ab eisdem Membranis derivari posse, credant; non dissimili ratione, ac à Peritonæo, à Pleuræ, à Pericardio, à Durâ Matre, à Vaginali Testium, & si quæ sunt, consimilibus Membranis, Serum (& quidem; uti ex parte mox indicatum est; huic nostro simile) in Cavitates excerni, observamus. Quos quidem neque probare, neque refellere mihi tempus est. Pariter institui hic posset quæstio; an excretus Humor (undecunque demum proveniat) per frequentes Zonarum concussions absumptus, in halitus evanescat; an vero perpetim in Labyrinthum depositus, perpetim quoque inde revehatur; & sic effluat, & refluat. Sed cum de re hac non solum in istâ, verum in compluribus Cavitatibus, cum magnâ, ut auguror, Practicæ, & Theoricæ utilitate disquirendâ, sententiam proponere non possim meam, sine multipli Experimentorum, & Observationum prænarratione, atque examine; profectò quæstionem solvere nil aliud esset, quam alteram Historiam hic exordiri, ubi præsenti finem imponere satius est.

DE

AURE HUMANA  
TRACTATUS

P A R S A L T E R A

Continens Auris Partium Usus.

## C A P U T I V .

*Usus Auriculae, & Meatus Auditorii, sive Exteriores Auris Cavitatis.*

Ntrà nimis angustos limites, innata homini sciendi cupido se cohiberet; si quæ in Naturâ tam magna, tam subtiliter ducta, tam nitida observantur, soli oculorum aspectui committeret: quasi eorem perditura fructum; si ulteriori Mentis contemplationi non obijcerentur. Ità Compluribus injucundi essent labores mei; nisi quæ hucusque in Humanâ Aure visu exploravimus; intellectu percureremus. Igitur à Partium Auris Descriptione ad istarum Usus, præsertim minùs obvios, edificerendos animum converto. Qua in re præstandà consilium sanè mihi non est ea omnia perspeculari, quæ in Libris suis subtiliores Philosophi, aut Mathematici circa Aurem consectari possent, utpotè longioris fæpè indaginis, & à Medico Anatomico non rarò dispara-ta; sed talia non nisi strictim, & quasi obiter, cu-  
rio-

riosiores excitaturus, ut plurimum tangam: in cæteris, quæ Medicos Rationales scire magis convenit, amplius diffusus, Porro ubicunque res concedet; sententias meas solidis pro meo modulo rationibus, atque experimentis probare conabor: ubi verò res in opinione consistent; si quæ proposuero, scopum apud Aliquos attingere non videbuntur; horum vel contraria judicia neque mirabor, neque refellam; nam cum arbitrium solis Mentibus relinquitur; ferè unum quemque sua sibi velle cogitata parere, & parta fovere, nec novum est, nec usque adeo intolerandum.

*Ordo Scribendo-  
rum.*

II. Inceptero duo Ordines occurruunt, quos secter. Alter ille est, quo Partes se offerunt, idem nempe, quem in Descriptione secuti sumus; alter verò Ordo ipse; quem Motus Sonori, ab Auriculâ ad ultimum usque Sensorium progrediendo, observant. Quorum singulos cum seorsim pulchros esse, intelligo; tum ambos simul connexos esse pulcherrimos, sentio; ideoque utrumque simul ut plurimum servare constituo: tunc solummodo ab alterutro, vel ab utroque recessurus; cum aut inevitabilis Uſus cum Uſu colligatio; aut spes majoris perspicuitatis; aut evitatio repetitionum; aut demum similis alia porior ratio suadebit. Igitur Motus Sonori Auris interiora subituri, ad Auriculam primum appellunt. Motus autem Sonori (sive isti sint Vibrations, sive Tremores, sive Undulationes, sive quocunque aliud; & in quocunque subjecto, quod à Sanioribus Philosophis excogitetur) pervulgatum jam est, quod quò plures; quò magis in unum contracti; quò demum fortius impulsi Auris interiora subeunt; eò vividiùs, atque distinctiùs percipientur; nisi quidem vel ipsâ nimietate peccarent. Porro Auricula ad uni-

*Auricula Uſus.*

Descriptionem  
Vid. Cap. I. Num.  
II.

Delin. Vid. Tab.  
I. Fig. I.

universa hæc commoda facta est in tantum, ut si cui desit; hunc debilius audire, jam notum sit. Nam cum forinsecus, ad instar infundibuli dilatata, exporrigitur; & cum quanto magis Foveis, atque Eminentias inæqualem, tanto majorem obtineat superficiem; hinc est, quod Sonoros Motus Auditorio Meatus plures committat. Easdem vero Cavitates ita configurari, atque disponi; ut quibus reflexionibus Motus illos in Auditorium Meatum trudunt; eisdem in unum cogant, jam ab aliis ostensum est. Demum quis non videt, cartilagineam Auriculæ firmitudinem ad Motus, quos reflectit, fortius impellendos multum conducere? Ad quod non parum sanè juvare etiam Ipsius Integumentorum constitutionem, quæ nempe, in indicatis præsertim Cavatibus; pinguedine destituuntur; satis, superque suademur per vulgatam illam Observationem de nudo cubiculo, præ illo, quod Aulæis insternitur, ad audiendos Sonos conducente.

*Eiusdem Fovearum, & Eminentiarum Usus.*

*Eiusdem Cartilaginei Usis.*

*Descript. Vid. Cap. I. Num. IV.*

*Delin. Vid. Tab. I. Fig. II.*

*Eiusdem Integumenta cursinæ pinguedine.*

*De hoc Vid. Cap. I. Num. III.*

III. Verum non satis fuerat Naturæ, Sonorum Motuum fortiorum impulsu per Cartilaginis consistentiam, & pinguedinis defectum ab Auriculâ procurare; sed antequam ipsi Auditorium Meatum subirent; constituit, ut ab eadem Auriculâ, quatenus Musculis adhuc firmatâ, validius repellerentur. Illam igitur Auriculæ Partem, quam iidem Motus, jam jam Meatum subituri, contingunt, Concham videlicet, circumquaque dispositis Musculis, in tonico perpetim motu persistentibus, ita ex unâquaque ejus parte firmavit; ut tota Concha in eo robore, & tono jugiter permaneat, quod appellant Sonori Motus fortius adhuc reflecti possint. Nam superiorem illius partem perpetuò firmam reddit Musculus Superior; posteriorem Musculi

*Musculorum omnium, & Fibram Auriculae Usus.*

*Descript. Vid. Cap. I. Num. VI.*

*Delin. Vid. Tab. I. Fig. III. & IV.*

Posteriores. Quòd verò cæteræ quoque ejusdem partes, ut par erat, perpetim firmentur, inventi à nobis Musculi, & Fibræ argumento sunt. Nam Musculus quidem Anterior, necnon Musculus Tragi partem Conchæ lateralem anticam firmant; Musculus verò Antitragi partem inferiorem lateralem posticam. Ad quam lateralem posticam magis, & undequaque firmandam conducunt denique Fibræ Transversæ in Conchæ marginem ex illâ parte infixæ. Quæ omnia cùm itâ se habere, ipsæ Muscularum, & Fibrarum suo loco descriptæ tendentiæ, & extrema evincant; quidni censeam, tum Concham peculiari hac firmitudine roboratam ad validiorem Sonorum Motuum reflexionem plurimum facere; tum multos Anatomicos injuriâ Auriculæ Musculis omnem Usum hac ratione, quòd eos moveri, non conspicerent, denegasse; quasi verò in Motu Tonico consistere non posset eorum Uſus; aut Motus Tonicus conspici deberet: ne illos perstringam, qui ex eâdem ratione usque ad ipsos Musculos pernegandos processere.

*Glandularum Auricula Sebacearum qualiscumque Uſus.*

*Descript. Vid.  
Cap. I. Num. III.*

IV. Hic Aliquis animadvertisens, Auriculam non solum tot Motus Sonoros excipere, verum eosdem tantâ vi repellere; facilè excogitabit, Glandulas Sebaceas à nobis in Auriculâ, & præsertim circa Concham, detectas hoc fortè præstare, ne videlicet Auriculæ Partes assiduis Motibus magis subiectæ, eademque ob allatas rationes pinguedine destitutæ supra quâm par est, arescant; eas scilicet, sed per quâm levissimè obliniendo; non multum dissimili ratione, ac Volæ Manuum, & Pedum, aliæque Partes, ne à frequenti motu incallescant; per copiosiores, & insigniores Glandulas humectantur. Verum ego quid de Sebacearum Glandularum Uſu

Usu & in Auriculâ, & alibi potissimum sentiam, nondum proponere audeo. Aliud circa has Glandulas in universum hac occasione adnotabo. Posse nempe de ipsis ambigi (maximè si per omnem ferè Cutim, ut De Tumoribus quo-  
rumdam Cystico-  
rum origine.  
conjecimus, reverà adessent) Num fortè quibusdam Tumoribus Cysticis, præsertim verò Steatomati originem præbeant. Siquidem tum materia; quæ in Steatomatis Folliculo continetur, illi, quæ in talibus Glandulis reperitur, similis omnino est; tum verò in nullâ aliâ Parte crebriùs mihi se observandos, & secundos ii Tumores obtulere, quām in Palpebris; in quibus videlicet Sebaceæ Glandulæ; ut suo loco indicavimus; præ aliis Partibus copiosiores sunt, & patentiores. Sed de hoc, & de ratione, qua Steatomata, & similes Tumores ex ipsis Palpebris feliciter exsecare soleo; quo nempe artificio, ne Circulares ipsarum Fibrae, aut Tendo Musculi Attollentis Palpebram Superiorem notabiliter laedatur, præcaveam; & quomodo non à parte externâ Palpebræ; sed ab internâ sectio-  
nem instituendo, certius, & nulla reicta cicatrice, eos Tumores tollere excogitaverim; de his, inquam, omnibus opportunior fortè olim occurret scribendi locus.

V. Motus Sonori ab Auriculâ in Meatum Auditorium intrusi, per hunc versus Medium Auris Cavita-  
tem contendunt. Sed per ipsum quantum augeatur illorum vis, jam disquisitum est tum ab illis, qui à latto in angustum tendentis Meatus ad ipsos colligendos aptitudinem animadverterunt; tum ab alijs, qui incurvum ejus incessum ad illos augendos Motus non minùs, quām inflexam Tubam, aut Cornu, factum scripsere: qui sane postquām ego talem incessum ma-

*Meatus Auditorius  
Ufus.*

Descript. Vid.  
Cap I. Num. IX.

Delin. Vid. Tab.  
III. Fig. I.

*Incisurarum Meatus Auditorii Uſus.*

Descript. Vid.  
Cap. I. Num. X.  
Delin. Vid. Tab.  
I. Fig. II. & Tab.  
IV. Litt. f. f.

gis adhuc, quām credebatur, tortuosum descripsi; in Sententiā magis confirmari poterunt suā. Nos itaque tantummodò à re prætermissā, nempe ab Incisuris in Meatus principio occurrentibus, hanc Sonorum Motuum corroborationem deduci etiam posse, coniicimus, secundūm Observationem quandam, quam accepimus à Clarissimo Hiemyniano Rondello Bononiæ Mathefeos Professore. Hic sibi construxerat Tubam Polyphonicam ex pluribus conglutinatis chartarum stratis: quam & ad loquendum, & ad audiendum dum adhiberet; ipsam præ cæteris, quibus anteà usus fuerat Polyphonicis Tubis, sive emitteret, sive (quod ad rem nostram) exciperet voces; ipsam, inquam, magis, quām cæteras, voces intendere, animadvertisit. Quam porrò dum attentè, & diligenter perlustrat, ut augmenti illius causas dignoscat; nil demum in hac peculiare adinvenit; hoc uno excepto, quòd ubi cæteræ undique erant connexis stratis, & minimè ab invicem dimotis; in ista interna strata hic illic, laxato glutine, ab invicem paulò discesserant sic, ut complures intercedentes inter se relinquerent, vacuitates scilicet Meatus Auditorii Incisuris æquivalentes; cùm istius Incisuræ nil aliud sint, quām intercedentes inter unam, & alteram Membranulam relictæ. Nunc verò certum est, est, Meatum Auditorium, cùm ex lato in angustum procedat; Tubam quandam Polyphoniam ad Sonos excipiendos Auri admotam referre; quidni ergo coniicere Aliquis possit, eas, quæ in illo sunt, Incisuras, sive stratorum intercedentes, idem præstare, quod eædem in Tubis Polyphonicas præstant; præcipue cùm tali situ locatæ fuerint, ut maxima Sonorum Motuum pars, qui Meatum

tum subeunt, necessariò ad ipsas allidatur. Porrò si hæc conjectura uti nobis, ità & cæteris probaretur; & quod Laudato Viro successit, aliis quoque constanter responderet Experimentum; sanè in consimilibus Tubis conficiendis, tales inter strata intercapedines in posterum elaborari deberent, ut perfectiores effectus obtinerentur, quos vel ipsa Natura hac Meatus Auditorii constructione videtur polliceri. Atque utinam Artes possent ab illis etiamdum ignotis, per quæ Natura in nobis operatur, instrumentis, præcepta desumere; ô quantum perfectionis Artibus, quantum commodi Reipublicæ, quantum toti Orbi novitatis accederet, atque etiam oblectamenti!

VI. Quid verò Sonorum Motuum viribus, ità in Meatu Auditorio adauertis, id quoque conferat, quòd ejusdem Meatus parietes pro majori parte ex Osse construantur; ex illis quæ superiùs de Cartilaginum ad eos Motus vividiùs reflectendos aptitudine indicata sunt, jam satìs, nisì fallor, colligitur. Quocircà tum modò; tum deinceps; cùm quidem reliquum Auditus Organum in Osse excavatum sit; quanto cum Sonorum Motuum commodo Auris penetralia quæque ex Osse construantur, explicare consultò omittemus; maximè cùm idem ab aliis indicatum fuerit. Illud verò hic admonebimus; quòd nempe cùm ad Membranam Tympani componendam, aliosque Usus super Meatus Auditorii osseos parietes Cutim extendi, oportuerit; poterat hac ratione illud commodum, quod ab osseâ superficie Sonoris Mctibus provenit, admodùm minis; sed ne ità contingere; per dimidiam saltèm, ultimam Meatus partem, Cutis; uti quidem ego observavi; tensa, & summoperè attenuata est. Per quam

*Cur Meatus Auditorii Cutis pro magnâ sui parte ita attenuetur, atque tendatur.*

*Descript. Vid.  
Cap. I. Num. XI.*

tamen Cutis eo loco tensionem, & tenuitatem, cùm sensibilior illa sic fiat; etiam hoc præstatur, ut exterritorum injuriarum ad Tympani Membranam jam accendentium, utputa dum Auriscalpio purgamus Aures; opportunè admoneamur. Cæterū quæ reliqua in Meatu Auditorio Cutis pars est, ut à certo injuriarum genere præmuniret; utilem istam Sonoris Motibus tenuitatem, atque tensionem obtinere non potuit. Nam Cerumen excernere, excretoque oblini debuit, quò nempe animalculis aditum in Aures intercluderet per ejus, ut perhibetur, visciditatem, necnon etiam per ejus, à qua fortassis fugantur, amaritiem. Cerumen verò insuper ad Cutis, à qua separatur, sicuti humor ille aqueus, tenuorem Cutim humectans, ad ejusdem tenuioris Cutis inter tot assiduos Sonororum Motuum ictus conservationem facere fortasse poterit, secundū illa, quæ de Uſu Glandularum Sebacearum superiùs indicata sunt.

*Coarctationis Meatus Auditorii,  
crassæque in ipso  
occurentis sub-  
stantia in Fœtu U-  
sus.*

*Descript. Vid.  
Cap. I. Num.  
XIII.*

*Infantes recens  
nati aut nihil, aut  
minimum audi-  
unt.*

VII. Verū ut Cerumen, Cutisque indicatæ sensibilitas ad arcendas à Membranā Tympani injurias in nobis conducunt; ità in Fœtu ne ad eandem fortasse nimis laxandam Liquor Amnii permearet; cautum est per Meatus circa ejus principium constrictionem, necnon per crassam illam, qua idem tunc operitur, substantiam. Quæ duo cùm jam nato Infante, non illicò auferantur; clarum est, eadem hoc quoque præstare, ne scilicet externis injuriis Aures recens natorum statim exponantur; eosdemqne primis diebus nihil, aut minimum audire, hac etiam de causâ perspicuum est.

VIII. Quid verò Nervi, Arteriæ, Venæ, & Lymphatica Exteriori huic Cavitati præstent, aut duabus etiam sequentibus; cùm id quidem aliis Partibus commune

mune ut plurimum sit; supervacaneum fore hic, aut deinceps peculiariter explicare. Ideò si quid minus obvium Vasorum occasione nobis succurret; hoc scribetur; cætera autem mittentur. Hic ergo occasione Venæ Occipitalis à nobis descriptæ, duo tantum indicabimus. Alterum, quod nempe minari subit, cur Natura quem sanguinem deorsum in Jugularem Venam expeditius demittere potuisset; pertusâ peculiari Foramine Calvariâ, intrâ hanc compellere in Lateralem Sinum maluerit; Alterum verò, quod mihi olim Tumoris cuiusdam naturam dignoscere, atque adeò ad Dominum Joannem Baptistam Morgagni Philosophum, & Medicum Foroliviensem, à quo circa eundem Tumorem per litteras consulebar, probè, & utiliter respondere multò difficilius fuisset; si hanc Venam Occipitalem ignorassem. Ut enim scribebat Juvenis iste Judicio, & Studio Spectatus, & qui mihi in Publicis Anatomicis Administrationibus, tum in hoc ipso confiendo Tractatu adiutrices præbuit manus; Cuidam Ægro Tumor erat in Occipite (& quidem eo loco; ubi illius Venæ Truncum postmodùm inveni) magnus, globosus, æqualis; non variciformis; molles, qui fluidum intus stagnans continere videbatur, & qui sicuti appressis digitis tensim ex toto evanesceret; ità iisdem ablatis, redibat; neque tamen pulsabat. Ego sanè cum paulò anteà consimilem in Collo Tumorem; qui parum defuit, quin à Chirurgis aperiretur; à rupturâ Venæ Jugularis Internæ sanguinem in viciniam effundentis ortum esse, post Ægri mortem comperissem; hunc quoque ex iisdem signis ejusdem esse generis, ex unâ parte cogitabam. Sed ex alterâ, cum sufficientem Venosum Truncum nullum

*Descript. Vid.  
Cap. I. Num.  
XIV.*

*Delin. Vid. Tab.  
VII. Fig. II. Tab.  
IV. Litt. d. d.*

*Circa Venam Occi-  
pitalem Problema.*

*Observatio, & Si-  
gna cuiusdam Spe-  
ciei Tumorum à  
sanguine extra-  
vasato provenien-  
tium.*

*Altera eorundem  
Observatio.*

lum ibi adesse, secundūm vulgatas Venarum Descriptiones, scirem; hunc Tumorem à disruptā Venā deduci posse, non credebam. Nec verò nullius momenti ea mihi videbatur Dubitatio. Nam si primum statuerem, illum sanè Medicum, in eo confirmare debebam, ut Tumorem hujusmodi temerè, & à quocunque aperiri, quemadmodūm Æger curabat, neutiquam permitteret. Si autem secundum, ut Tumoris aerationem suspectam facerem, nulla ferè amplius me ratio movebat. Verùm me ità incertum animi, & consilia suspendentem, illa, quam ibi interim detexi, Vena illustravit. Illa enim effecit, ut in conceptā istiusmodi Tumorū probabili Diagnosi persisterem: adeòque non sinè Ægri utilitate, in primâ potiùs confirmavit sententiā.

## C A P U T V.

*Uſus Tympani, sive Mediæ Auris Cavitatis.*

**S**icuti verò Auriculæ, & Meatus Auditorii Anatomica consideratio ostendit, Motus Sonoros, per illa fortiores factos, usque ad Tympanum se se deferre; ità Motus illos non nisi per quatuor Ossiculorum Mechanicum motum, per Tympanum in Labyrinthum transferri, ipsius Tympani contemplatio indicabit. Quod ideo in ipso limine statim prædico, ut tantò libentiùs hæc, quam exordior, Disquisitio perlegatur; quantò citius notum fuerit, Opinionem meam circa rationem, qua Sonori Motus per Tympanum ad Labyrinthum transeunt, ab ijs, quæ circumferuntur, Sententiis diversam fore. Omnes enim, ut puto, novam aliquam circa hos Opinionem liben-

libenter legent; cùm jam vulgatas ob res, quæ in Tympano observantur, multas; minùs verisimiles esse, ficiant. Quis enim non videt, quòd si Motus Sonori; ut communiùs perhibetur; deferre ipsi se se in Labyrinthum deberent; officerent expedito ipsorum cursui tot interposita per Tympanum impedimenta, scilicet non solùm Membrana ipsius Tympani; sed hinc Stapes Ovalem Fenestram obturans; illinc Membrana Fenestram Rotundam claudens; necnon situs ejusdem Fenestræ, advenientibus Sonoris Motibus non adversæ; sed lateralis. Quantùm verò ad cæteras Sententias attinet; quot res in eâdem Tympani Cavitate; imò in Ossiculis ipsis sunt, quæ omnino credere non sinunt, Sonoros Motus per quosdam intestinos tremores, aut alios similes motus ab uno Ossiculo reliquis successivè communicatos, in Labyrinthum transferri? Sed per aliarum Opinionum subversionem sententiam hic aliquam adstruere neque consilium, neque institutum meum est. Præstat itaque, ut ipsas Tympani Partes juxta consuetudinem nostram consideratione percurrente, ostendam, si possum, quod pollicebar; Opinionem illam; nempe quòd Motus Sonori per quatuor Ossiculorum Mechanicum motum ab Auditorio Meatu in Labyrinthum transferantur; ab ipsâ Tympani contemplatione indicari. Quod ut clariùs præstet; juvabit à quatuor Ossiculorum consideratione initium capere; qua nempe tota hæc mea Opinio qualis sit, ante omnia explicetur.

II. Principiò autem illud ex nostris Descriptionibus, & Tabulis colligi potest, Malleum ità construi, & supra talem sui locum, mobilem esse; ut Vectem primi generis, sicuti loquuntur Mechanici, repræsentet; Manubrium enim, sive unum extremum ad Membranæ

*Vulgatas Opiniones  
circa modum, quo  
Sonori Motus per  
Tympanum ad  
Labyrinthum  
transirent, ipsa  
Tympani Anatomæ  
minùs verisimiles  
esse, ostendit.*

*Opinio nova circa  
hanc rem.*

*Ossiculorum, & O-  
valis Fenestra U-  
sus.*

*Descript. Vid.  
Cap. II. Num. IV.  
VII. VIII. X.*

*XIII.  
Delin. Vid. Tab.  
III. Fig. V. VII.  
III. XI. & Tab.  
X. Fig. I.*

Tympani centrum; Caput verò, alterum scilicet extre-  
mum ad Mastoideam Sinuositatem extendens, hy-  
pomochlium inter utrumque habet, nempe in opposi-  
tis insertionibus Musculorum sui Minoris Processus, &  
Minimi; à quorum tonico motu hypomochlii firmitu-  
do dependet. Rursus ex eisdem Descriptionibus, &  
Tabulis deduci similiter potest, Incudem quoque ejus-  
dem generis Vectem referre; cùm Corpus, sive unum  
sui extreum ad eandem Sinuositatem; Longiorem  
verò Processum, nempe alterum sui extreum, Sta-  
pedem versùs exporrigens; hypomochlium pariter habe-  
at inter utrumque, videlicèt in eo Sinuositatis indica-  
tæ pariete, cui Processus illius Brevior alligatur. De-  
inde illud quoque ex eisdem constat, Mallei Caput,  
& Incudis Corpus firmiter committi, nempe unam u-  
nius cum alterâ alterius Vectis extremitate connecti;  
adeòque vim unius Vectis alteri statim applicari sic,  
ut quo tempore ultima unius Vectis extremitas, utpu-  
ta Mallei Manubrium, loco moveatur, eodem ultima  
alterius Vectis extremitas, scilicet Processus Longior  
Incudis debeat pariter commoveri. Ad hæc ex eisdem  
Descriptionibus, & Tabulis habetur, Longiori huic  
Processui Stapedem, ceu quandam appendicem, adiun-  
gi: atque adeò illo moto, oportere, ut hic quoque  
moveatur. Quæ cùm ità sint; attentis etiam cæteris,  
quæ circa Ossiculorum posituram, & locum fuerunt  
scripta; colligitur: Quòd eodem tempore; quo Mal-  
lei Manubrium versùs Tympani Cavitatem magis, aut  
minùs repelletur; eodem, inquam, tempore Basis Sta-  
pedis sursum magis, aut minùs per Ovalēm Fenestram  
movebitur: & quòd illo versùs Meatum Auditorium  
redeunte; hæc quoque uno eodemque tempore versùs

Tym-

Tympanum relabetur. Porrò totum hoc, quod ex Mechanicā expositorum instrumentorum constitutione colligimus; & quod facilè Alicui inter legendum arduè nimis, aut obscurè; fortasse etiam imaginariè deductum videtur; totum hoc, inquam, per ipsam autopsiam facillimè, & exactissimè in recenti Aure confirmari posse testamur. Cùm reverà ergo Natura adeò manifestam, adeò excogitatam, adeò mobilem hic apparaverit Machinam; cùm ultimas ejusdem extremitates eâ ratione constituerit; ut quo tempore earum una magis, aut minus moveatur, eodem altera magis, aut minus moveatur: cùm demum earundem extremitatum alteram, nempe Basim Stapedis eo loco posuerit, ut non possit moveri, quin suos aeris, qui in Labyrintho est, communicet motus; alteram verò, id est Mallei Manubrium tali loco, talique ratione locaverit, ut quam facillimè Sonoris Motibus (quorum nempe advenientium cursui ante cætera Ossicula quasi occurrit, & totum quantum est, obvertitur) quam facillimè, inquam, ab advenientibus Sonoris Motibus vim pati queat; Quis non conijciat, Machinam hanc factam esse ad eosdem Sonoros Motus in Labyrinthum transferendos; maximè cùm isti; nisi hac ratione transferrentur; Fenestræ Rotundæ Officia perturbare possent, ut sequenti Capite ostendetur; & cùm insuper per hanc Machinam tam mirabili celeritate transferri queant, ut quando alteram ejus extremitatem, ad Tympani principium attingunt; per alteram in Labyrinthum translati jam reperiantur.

III. Hucusque in Ossiculis consideravimus eorum structuram, hypomochlia, commissuras, situm, & locum. Itaque ad susceptam earundem contemplatio-

nem absolvendam, supereſt, ut eorum denique Muſculos conſideremus. Verūm cùm illa, quæ de Muſculo Processus Majoris Mallei cogitamus, perſpicuè exponere non niſi inferiùs poſſimus; de Muſculis ve‐rò cæterorum ejusdem Mallei Processuum alia non ſup‐petant præter ea, quæ obiter paulò ſuperiùs indicaba‐mus; idcirkò hìc loci Muſculum Stepedis tantummo‐dò examinabimus. Et ſanè ſi benè conſiderentur ten‐dentia, & iſertiones iſtius Muſculi; etiam ex ipſo expositi Oſſiculorum Motus iudicium aliquod obti‐nebitur. Videtur enim Muſculus ille eſſe datus, ne unquam vi majoris alicujus motus ità altè Stepidis

*Uſus Muſculi Sta‐  
pedis.*

Descript. Vid.

Cap. II. Num. XI.

Delin. Vid. Tab.

III. Fig. X. &

Tab. X.

Basis per Fenestram ascendaſt, ut circumligans Mem‐brana rumpatur; item ad promovendum aliquandò (ſimul cum vi elatiſtā annexæ Oſſiculis Membranæ Tympani, alijsque concauſis) impulſorum Oſſiculorū restituſionem; aut ſaltēm præcavendum, ne in validiōri eorundem restituſione, tenuis Stepedis cum reliquis Oſſibus commiſſura diſſolvatur. Nempe va‐let Muſculus ille Stapedem, paulò altiùs per Fenestram adactum opportuna retrahere, atque adeò cogere, ut adnexorum Oſſiculorum restituſionem promptè ſequa‐tur.

Ratio, inr. Mem‐  
brana, qua Baſim  
Stepeduſ Fenestræ  
Ovali circum alti‐  
gat, ex una deter‐  
minata parte fir‐  
mior fit.  
Descript. Vid.  
Cap. II. Num. X.

Quoniam verò hic Muſculus (ſive iſipsum retra‐hat in hunc finem, ut probabile ſatiſ videtur; ſive in alium) Stapedem non potheſt, niſi obliquè retrahere; non potheſt verò Stapedem obliquè retrahere; quin eam Basis illius partem, quæ ex ſui iſipſius latere eſt, mar‐gini Fenestræ apprimat; hinc factum reor, ut Mem‐brana eam Baſim colligans, ne forte ex illâ appreſſio‐ne atteratur; ex eādem parte, uti ego animadverti, fir‐mior, & robustior conſtructa fit.

IV. Si quæ verò Pars in Tympano ſupereſt, quæ ſicuti

sicuti expositum ossiculorum Motum; atque adeò Sonorum Motuum transvectionem non parvis commodis juvet; ità ad illum indicandum conspiret; eam profectò Membranam Tympani esse, non finè ratione existimamus. Membrana enim hæc idcircò videtur (si quidem quæ præmissa, hic simul attendantur) idcircò, inquam, videtur Mallei Manubrio adhærere; ut vide licet quæ Motuum Sonorum lineæ (ut sic loquamur) aut radij, in ipsum Manubrium non cadunt; illarum quoque ictus, quos nempe exceptos, per suas concus siones ipsa communicat, in idem Manubrium vim faciant. Alteram Membrana Tympani utilitatem eidem Sonorum Motuum transvectioni confert. Illa enim sua Cavitas Conica, adeoque à lato in angustum contracta, videtur sanè aliquot eorundem Motuum radios versùs sui apicem, seu finem aliàs non ituros compellere; At verò extremitas Manubrii, scilicet ea pars, quæ ut ab hypomochlio remotissima est; sic facilimè præ cæteris moveri potest; ad apicem istum, seu finem Conicæ illius Cavitatis collocatur.

V. Dum nos hæc commoda, quæ Sonoris Motibus in Labyrinthum sic transvehendis à Membranâ Tympani proveniunt, & quatenus eorum aliquot ità colligit, & quatenus ferè omnium ictus excipit; recensemus; non deerunt, qui talia subverti posse, existiment per vulgatum illud Willisii Experimentum de Cane post pertusam utriusque Tympani Membranam ad tres mensas adhuc audiente. Quibus nos illud primò dicemus. Opinionem nostram non esse, ut ex, quas Membranam Tympani conferre consemus, utilitates omnino ad audiendum necessariæ sint; sed tantummodo ad perfectè audiendum non parum condu cant.

*Membrane Tympani Uſus.*

Descript. Vid.  
Cap. II. Num. I.  
&c. Item Num.  
IV.

Delin. Vid. Tab.  
III. Fig. III. &c.

*Assignati Membrane Tympani Uſus uon tolluntur per Experimentum Willisi de Cane,*

*post ejusdem Mem-  
branę perforatio-  
nem audiente.*

*Quedam deside-  
rantur in ejusdem  
Experimenti rela-  
tione.*

*Non ita difficile  
est, Membranae  
Tympani rupturas  
fanari.*

cant. Rursus easdem; si probè attendatur; à Membranā etiam alicubi disruptā, licet non ità exactè, præstari posse. Quæ cùm ità sint; porrò subiiciemus: Nos Experimento isto minimè urgeri, in quo nempe referendo, Auctor aliás Studiosissimus; ità jejunè se gerit; ut quomoddò audiret Canis post eam pertusione, non satìs expressè, & absolute enarret; quænam verò in Membranā Tympani læsio, occiso Cane, inventa fit, neutiquam recenseat; adeòque permittat, ut nos interim suspicemur, eam Membranam alicubi tantùm disruptam (sive ut ipse ad rem nostram loquitur) perforatam fuisse; itidem Canem præsertim primis ab eâ perforatione diebus, tantummodò ruditer (ut idem Auctor antequām Experimentum enarret, indicare videtur) ruditer, inquam, & imperfèctè audivisse. Qua quidem unâ responsione licet nos optimo jure intereà uti possemus adversùs illos, qui Experimentum istud obiicerent; nolumus tamen unicæ huic suspicio- ni fidere; sed hoc potissimum respondemus. Fuisse, ut velint, Membranam notabiliter disruptam; Canemque tres posteà, & plures etiam; si velint, menses ità ferè audivisse, ut anteà solebat. Hoc totum concedimus. Illud verò negamus. Constat scilicet, quòd ea ruptura eodem tempore in Membranā perstiterit. Quinimò illa, ut nos putamus, facile sanata est: & Membrana in pristinam integritatem probabiliter redi- vit. Quæ res licet multis paulò difficilior videri pos- sit; qui tamen animadventent, divisas per rupturam, introrsumque adætas Membranæ partes facilè ità se posse in priorem locum reducere, ut rursus singulæ ad invi- cem accedant; item reverà Naturam tum posse, tum solere istius Membranæ rupturas ex facili sanare, illis pro-

profectò non ità difficilis apparebit. Sanè ego in Auribus cuiusdam Mulieris, quæ ab Ulcere Tympani, hujusque Ossiculorum Carie jampridem in Auditus Gravitatem inciderat, proximam hujus Affectionis causam nuperrimè inquirens, alteram quidem Aurem, qua Mulierem *Surdam fuisse, necesse est;* absque Tympani Membranâ, Ossiculisque omnibus, si Stapedis Basim excipias, inveni, & totum insuper Tympani ab informibus fibrosis veluti excrescentiis occupatum vidi; sed in oppositæ Auris Tympano corrosam quidem maximâ ex parte Tympani Membranam comperi, ità ut Malleus, necnon Incus omnino intecta, indaganti statim occurserent, statimque cognoscere liceret, Processum Longiorem ejusdem Incudis, scilicet per quem cum Stapedis Capitulo solet articulari, omnino abrosum fuisse sic, ut nulla amplius inter hæc duo Ossa intercederet articulatio; At corrosam Membranæ partem Natura quodammodo restituerat, nam nova quasi Membrana Tympani ab illæsâ Membranæ parte obliquè per Tympani Cavitatem producebatur eâ ratione, ut Malleum, Incudemque excluderet; Stapedem verò obtegeret, cuius Capitulum ipsi annexebatur: quasi Natura, cùm abruptâ Ossiculorum unione, non amplius interest, ut Membranæ Tympani Major Processus Mallei uniretur; Stapedis saltè Capitulum eidem Membranæ annexi, voluisset. Ex qua Observatione sicuti unum deducere fortasse possum in confirmationem Opinionis istius meæ de utilitate, quam Ossicula, quatenus in Vectem disposita, atque unita, in audiendo præstant; nam hic, ubi Vectis destruxta erat, Auditus Gravitas aderat; ità hoc alterum eruo, quod si Natura Membranam hanc maximâ ex parte corrosione absumentam

*Observatio cansa-  
rum Surditatis ex  
unâ Aure; &  
Gravitatis Audi-  
tus ex alterâ.*

*Membrana Tym-  
pani maximâ ex  
parte corrosione  
absumpta à Natu-  
râ restituta est.*

*Obiter confirmatur  
expositus quatuor  
Ossiculorum Usus.*

tam ità ex integro ferè restituit ; eo faciliùs Membranæ ejusdem aliquam partem ; non absumptam ; sed tantum dimotam , in Cane illo , potuerit , non dico regenerare ; sed tantummodo unire. Verùm quid ego diutiùs immoror in hoc ostendendo ; posse videlicet Naturam sanare ex facili rupturas Membranæ Tympani ; cùm adductis urgentioribus experimentis indicium possim exhibere , quòd de facto Natura soleat easdem rupturas facile sanare. Ego enim cùm duobus canibus Tympani utriusque Membranam , adacto crassiori specillo , certissimè (id scilicet modò rupturæ crepitu , modò simili aliâ testante) certissimè , inquam , perrupisse , imò specillo huc illuc ducto rupturam , quantum potui , dilatassem ; occisis postea Canibus , singulas perruptas Membranas ità in pristinam integritatem restitutas inveni , ut nec minimas rupturæ reliquias in earum ullâ , imò neque levissimum (si unam tantummodo excipias) ductæ cicatricis signum reperire potuerim. Nec verò Aliquis intereà obloquatur : Ut res se se habuerit in adductis Canibus ; certè Cani isti Willisiano Tympani Membranam non fuisse restitutam ; cùm demum post tres menses in totalem Surditatem inciderit. Nam mihi non constat , an ex persistenti illius Membranæ aperturâ , externis nempe injuriis adiutum concedente , ea Surditas ortum duxerit ; cùm potius secundum mea Experimenta arbitrari possim ; à vi-  
tio aliquo aut Membranæ , quæ Stapedem Fenestræ Ovali annectit , aut Ossiculis , aut simili alii Parti in eâ perforatione inducto ; causam Surditatis exortam esse , quæ paulatim in dies aucta , tandem sensibiliter Auditum vitiaverit ; imò & sustulerit. Illud mihi certum est ; in Experimento illo confiendo , non ità fa-

*In duobus Canibus , quibus Tympani Membrana perrupta fuerat , eadem in pristinam integritatem restituta est.*

*Cur hac Membrana Tympani restituzione non obstante , aliquando tales Canes incidere in Surditatem possint.*

*In confiendo indicato Experimento Willisii , quenam subesse deceptio possit.*

cile esse certam tantummodo Partem, utputa Membranam Tympani, lădere; neque cūm confeceris, affirmare, an istam solūm; an verò etiam alia vitiaveris; nisì quidem animal eneces, & inspicias. Sed de istis fusiùs, necnon de Canibus, quibus Tympani Membrana perrupta est; nihilominus ad sex menses, ad annum; imò usque dum vixerint, audientibus, fortasse olim verba faciam; cūm nempe omnia, quæ circa hoc Experimentum, imperfecta adhuc mecum agito; experientia perfecerit, & tempus maturaverit: qua occasione fortassis etiam rem disparatam primâ facie disquiram; quæ nempe causa sit, ut inter audiendum distinguamus; ex qua Parte proveniat Sonus, scilicet an ab inferiori loco; an à postico; an à superiori; an verò ab antico.

VII. Hactenus copiosè; fortassis etiam prolixè responsum est illis, qui ex Willisiano Experimento contenderent, Membranam Tympani eas, quæ recensabantur, præstare non posse utilitates. Ostendam modò: tot rationibus conjici posse, Naturam de iisdem Usibus mximopere fuisse sollicitam; quot adhuc Partes in Tympani Cavitate perpendendæ supersunt; quas nempe assignatis Membranæ Usibus auxiliari, probabimus, singulas ordinatim considerando. Quod si præstabimus; tum simul implicitè ostenderimus, singulas, quæ in Tympano sunt, Partes Officiorum Mechanico Motui favere; tum denique singularum Tympani Partium Officia eadēm operā exposuerimus. Et primò quidem Membrana Tympani ità feliciter à Sonoris Motibus in utiles illas concussions adigi non posset; si remissa, & laxa utcunque penderet; idcirco ope Musculi Processus Majoris Mallei; ut in hujus Historiâ

*Canes post rupturam Membranæ Tympani, non solum ad tres menses, verò ad annum, imò usque dum vixerint, audivisse, indicatur.*

*Uſus Mæſculi Pro-  
cessus Majoris  
Mallei.*

Descript. Vid.

Cap. II. Num. V.

Delin. Vid. Tab.

III. Fig. V. &

Tab. X. Fig. I &

II.

*Uſus Humeris illi-  
us quo Tympanum  
irrigatur.*

De hoc Vid. Cap.  
II. Num. XV.

probavimus; ita retrahitur, ut non solum in Cavitatem illam Conicam opportunè conformetur; verum tota sic contendatur, ut ab incurrentibus Sonoris Motibus faciliter possit commoveri.

VII. Ne vero à tot, & tam assiduis motibus eadem Membrana supra quam par est, exsiccaretur; cautum est per levem ejusdem humectationem; humore fortasse educto ab ipsa Membranæ structurâ; aut certe à Tympani Cavitate. Certum enim est, Humore quodam Tympani Cavitatem madere; adeoque etiam internam Membranæ Tympani faciem illo humectari, & fortassis etiam faciem externam. Nam si illud Foramen, de quo suo loco scripsimus, in Membranâ hac admittatur; facile est, Humorem per illud supra faciem Membranæ externam demitti; maximè si Humoris istius partem descendere in Tympanum per superiores humus parietes, coniiciamus, nempe per Sinuositatem Mastoideam; in quam per inventa illa Foramina à Cranij Cavitate distillat.

VIII. Quando autem in Nova hæc Foramina incidimus, de quorum naturali Usu respectu Membranæ Tympani, & Auris nihil aliud adducere possumus

*Utilitates, que à Foraminibus novi-  
ter in Tympano invenientis proveniant.* præter conjecturam istam, quam alibi proposuimus, & mox indicabamus; sinat Lector, ut potius, quot,

Descript. Vid. & qualia commoda præternaturalibus Capitis constitu-  
Cap. II. Num. XIV. tionibus hæc Foramina Ægris præstent; quasque utilitates ipsis etiam Medicis eorum afferat cognitio, hic loci recenseamus: sanè hanc; qualiscunque est; sive digressionis, sive prolixitudinis veniam ipsa rerum gravitas exigit. Quò breviori possum compendio, ab utilitatibus, quas Ægris præstant ea Foramina, me expedio. Non enim hic repetam alibi enarratam historiam

riam Viri, in Capite percussi, qui, quoties pus per Aurem exiret, à morbo levabatur; cùm verò ex toto suppressum est; morbo oppressus interiit; nam ibidem ab eisdem Foraminibus utilem illam, cùm siebat, excretionem, quantum satìs esse possit, deduxi. Mittam pariter Abscessuum in interioribus Capitis disruptorum, per Meatum Auditorium, aut Os felices, quas vidi, expurgationes exponere; nam ex illis, quæ jampridem indicavimus, sat potest intelligi, me tales sive per Os, sive per Meatum Auditorium expurgationes ab eisdem Foraminibus derivare. Ad-dam hìc tertiam præternaturalium expurgationum Capitis viam, nempe Nares, ab eisdem Foraminibus excernendas recipere posse materias. Scilicet valde proximum vero hoc mihi videtur; in aliquot nempe ferosis per Nasum excretionibus; per quas Capitis Dolores vidi sublatos, serum illud, quod excretum est, à Cranij Cavitate per ea Foramina descendisse. Nam hinc circumstantiæ à Cranii Cavitate delapsum esse, persuadent; hinc verò eâdem fermè ratione, qua ab illis Foraminibus, materia ad Os demittitur; & in Nares potest amandari; cùm Tuba Eustachiana eò desinat, unde materia ferè æquali facilitate & in Os ipsum, & in illud Nasi Internum Foramen, quod ex latere Tubæ est, deflectere valeat, Dum verò hæc ità recenso; res simul altera perspicua fit; scilicet Quòd ego cùm ista Foramina inveni, quæ illinc cum Crani Cavitate; hinc cum Ore, & Naribus communicant; Hoc etiam inveni; Externum scilicet hunc aerem, quo circumfundimur, quove Os, Naresque assiduè plenas habemus; quatenus, illi, qui Tubas & Tympanum replet, continuatur; immediatè Duram Matrem contin-

*Per hæc Foramina  
expelluntur Mor-  
bos Fluida à Ca-  
vitate Cranii ad  
Meatum Auditio-  
rum.*

*Item ad Oris Cavi-  
tatem.*

*Item ad Nares.*

*Capitis Dolores fe-  
rosis per Nasum  
excretionibus sit-  
blati.*

*Per hæc Foramina  
potest aëris externus  
immediatè agere  
in Duram Mat-  
rem.*

gere: adeoque eundem externum earum, prout varius est; ita varias in eandem, & in Cerebrum vires statim exercere posse: non tenue fortasse argumentum tum Cerebri, & Morborum ejus Scriptoribus; tum ipsi mihi, cui quidem illæ, quæ per hæc Foramina Ægris proveniunt, utilitates, in præsens scribuntur. Verum ego, memor, quid potissimum in hoc Libello tractandum assumpferim, hæc omnia dimitto, uno tantummodo excepto, quod, quia cum aliis utilitatibus superius expositis, ad præternaturales Capitis expurgationes pertinet; ob hanc causam explicabo. Cum igitur ille, quo Os, Naresque replentur, aer per hæc Foramina usque ad Duram Matrem pertingat; clarum est, quod ab ijs quoque Foraminibus illud beneficium obtinetur, ut in Vulneribus Capitis penetrantibus, dum clausis Naribus, & Ore, aer vi intrò comprimitur; sanies à Cranij Cavitate per Vulnus prorumpat. Etenim in tali conatu aerem per Tubam Eustachianam versus Tympanum, & consequenter posteà versus Foramina, & Cerebrum impetu compelli, non solùm ratio ostendit; sed multiplex quoque Experientia. Nam (ut pro omnibus unam, quam alibi innui, hic propo-nam) si quis in Tympano; aut in viciniâ Ulcus, aut tale quid gerens; unde ichor in Meatum Auditorium assiduè distillet; si, inquam, iste, clauso Ore, & Naribus, aerem intrò comprimere conetur; inde sanies in Meatum Auditorium ita copiosè solet eodem actu protrudi; ut ad istiusmodi Ulceris deterzionem nullum promptius, aut utilius Ægris remedium commendare consueverim; quam mediocriter frequentem talis conatus iterationem. Illa ergo, & similia commoda Ægris proveniunt ab illis Foraminibus in præternaturalibus Cerebri expurga-

*Per hæc quoque  
Foramina illud  
habetur, quod in  
Vulneribus Capitis  
penetrantibus, ani-  
mâ vicinâ compres-  
sâ, sanies per Vulnus  
prorumpat.*

*Facile, necnon uti-  
de Remedium ad  
Ulcern Tympani  
deterzionem.*

gationibus, sive expurgatio fiat per Vulnus, sive per Nares, sive per Os, sive per Meatum Auditorium. Sed non pauca alia beneficia eisdem proveniunt à compluribus utilitatibus, quas ex illorum cognitione Medici possunt eruere. Ne longus sim; neque hīc vagabor per omnes, per quos possem, Morbos; sed tantū ex quibusdam Affectibus Apoplecticis unicum pro Assertione meā argumentum depromam. Verūm antequām hoc producam; necesse est, ut moneam, illos Affectus Apoplecticos, in quibus altera medietas Corporis resoluta est, pendere à lēsione alterius medietatis Cerebri: hac tamen ratione, ut si medietas Corporis sinistra resoluta sit; adsit lēsio in dextro Cerebri Hemisphærio; si verō dextra; in sinistro. Quam non levem sanè notitiam ne quis fortasse dubitet ex merā imaginatione meā deduci (quod quidem infortunium accidisse videtur illis, qui eandem ante me tetigere; ipsam enim interā negligi, & in ijs Tractatibus in quibus minimè debet, perinde, ac si falsa esset, communiter prætermitti, conspicio) hanc mihi compertam per annorum complurium labores, & quāmplurimis Cadaverum sectionibus confirmatam esse, serio testabor; ut probè neverunt nonnulli Docti, Gravesque Viri, nominatim D. Petrus Molinellus Philosophiæ, & Medicinæ Doctor, & D. Hippolytus Franciscus Albertinus in Bononiensi Universitate Medicinæ Professor; qui nempe pro nostrâ interiori amicitia talibus sectionibus adfuere. Nec verò solūm hīc loquor de illis Hemiplexiis, quæ à Capitis Vulnera proveniunt; sed in universum assero, me nullam fermè vidisse in Apoplecticis Affectibus alterius medietatis Corporis resolutionem, cuius causam, secto Cadavere, in oppositâ Cerebri parte non invenerim\*. Quòd

*Affectus Apoplectici, in quibus dextra medietas Corporis resoluta est, ita reverā causam habent in sinistro Cerebri Hemisphærio; in quibus verò sinistra resoluta est, ita causam habent in dextro.*

tionibus, quarum causa sensibilis est, & in organicâ laſione conſtituit. ſi aliquandò ad alteram etiam Cerebri partem extensam reperi laſionem; hæc tamen erat in oppositâ parte mul- tò notabilior. Quam rem adeò manifestè, adeò fre- quenter, ità ſe habere, obſervavi; ut in uno, vel al- tero caſu, in quo (ne diſsimulem) æqualis laſio in u- troque Hemisphærio mihi aparuit; parum abſit, quin ſinè ullâ dubitatione ceneam, laſionem in oppoſito Hemisphærio, ut ut inſensibiliter, reverā tamen fuiffe majorem; Alias enim & mihi, & aliis Observatoribus notum eſt, aliquandò ipſius repentinæ mortis cauſam, licet certè adfuerit; nullam tamen in Cadaveribus ſen- ſibiliter apparuiffe; imò (ut in ipſo Genere Nervoſo

*Cani, cui Nervi Cordis tantummo- dò ſtingantur ſi- lo, & ſtati- folvantur; mori- tari eodem modo, ac fi iudem ampu- tati fuiffent, licet illi rursus inſpecti, in ſe nullam ſenſibilem laſionem o- ſtendant.*

dem proprium quoddam exemplum) cùm Nervi Cor- dis ad jugulum Canis filo arctè conſtricti, & illicò fo- luti, adeò in ſtructurâ inſensibili labefactentur; ut Ca- nis intrâ aliquot dies, eodem modo, ac ſi Nervi illi amputati eſſent, indè moriatur; licet ijdem rurſum in- ſpecti, in ſe nullum ſenſibilis laſionis veſtigium oſten- dant; Quidni in caſibus indicatis ſuipcer, oppoſitum Cerebri Hemisphærium, quamvis apparenter non pe- jùs altero affeſtum; tamen aut à Fibris Duræ Matris vehementer convulſis peculiariter compressum, aut ſimi- lii aliâ, etiam ignotâ adhuc cauſâ malè præ altero fuiffe multatum; quando recenſitus tot aliarum, & tam luculentarum Observationum conſensus hoc ipſum vi- detur innuere; imò ſuadere. Verum tametsi iſtud perpe- tuum eſſe; omnino non conſtaret; cùm tamen quām fre- quentissimum eſſe, ex indicatâ Sectionum mearum lon- gâ ſerie certum jam ſit; quantam id lucem præbere poſ- fit Anatomicæ Cerebri, & Nervorum cognitioni; quan- tam complurium Morborum Capitis Theoriæ; quan- tam denique Apoplecticarum iſtiuſmodi Resolutionum

Curationi, & ipſe intelligo, & cæteri ſentient. Cer-  
tè Resolutiones iſtæ Apoplecticæ (quas tamen fateor  
curare eſſe diſſicillimas) attentâ hac notitiâ, aptius fal-  
tèm tractari à Practicis poterunt. Eā enim ſupposi-  
tâ; jam firmum aliquod fundamentum habemus de-  
terminandi, In quam potiſſimū Capitis partem de-  
cumbere Ægris conveniat: Cuinam Capitis parti Lo-  
calia congruentiùs adhiberi poſſint: Demum utra Iu-  
gularis, item de ſinistro, dextroque Brachio utrum ad  
Venæ ſectionem eligendum fit; nempe an illud, quod  
ex latere resoluto eſt; an verò potiùs oppofitum. Quæ  
omnia per partes, & cum ſuis diſtinctionibus decer-  
nenda aliis relinquare me cogit ſtudium brevitatis. Il-  
lud tamen obiter innuam: Conſtare mihi, quòd in fi-  
milibus Morbis, institutâ Venæ ſectione non ex late-  
re Corporis Magis resoluto; ſed (quemadmodū Ob-  
ſervationes meæ indicant) ex oppoſito, ſive illo, quod  
omniñ ſanum videbatur; illicò ferè Ægri aliquod le-  
vati ſunt. Nunc quam utilitatem exhibeant Medicis  
Nova illa in Tympano inventa Foramina, facile ex-  
plicabo. Cùm enim ex rebus paulò ſuperiùs indicatis  
liquere poſſit, tanto majori cum ſpe, atque ſedulita-  
te poſſe Medicos congrua Odoramenta ſimilium Æ-  
grorum Naribus admovere, quantò ab iſdem Nari-  
bus ad Cranii Cavitatē transiſtus per Nova hæc Fo-  
ramina mañifestior eſt; Nunc ex eisdem rebus, & ex  
additâ circa tales Affectus Notitiâ, hoc etiam perſpi-  
ciuum eſt, in talium Ægrorum curatione poſſe Medi-  
cos Odoramenta uni ejusdem Nasi Foramini, ſive Ca-  
vitati aptius, quam alteri applicare. Nam quando al-  
tera Corporis medietas, utputa dextra, resoluta eſt, &  
consequenter ſinistro Cerebri Hemisphærio per reme-  
dia

Juxta communi-  
catam circa tales  
Apoplecticos Affe-  
ctus Notitiā De-  
cubitus ratio, Lo-  
calia, Venæ ſectione  
aptius in iſdem  
præscribi poſſunt.

In talibus Affecti-  
bus instituta venæ  
ſectione ex latere Cor-  
poris non resoluto,  
per illicò profuit.

Post Novorum Fo-  
raminum iſtorian  
notitiā Odora-  
mentorum in Affecti-  
bus indicatis ef-  
ficacia magis elu-  
cet.

Si medietas Corpo-  
ris dextra resoluta  
eſt; Odoramenta  
aptius adhibentur  
ſinistre Nari,  
quam dextra; &  
contra.

dia consulere oportet; multò promptius, & copiosius, ad læsam hanc partem odores transmitti; si quidem Cavitati sinistræ Nasi adhibeantur; per Nervorum Foraminum dispositionem patet; siquidem cùm unius lateris Foramina per ejusdem lateris Tuba cum Naso communicent; Tuba autem unius lateris magis obvertatur, atque communicet cum eâ Nasi Cavitate, quæ ex eodem latere est; Quis non videt, expeditius iter ad sinistrum Cerebri Hemisphærium, nempe per sinistra Foramina, esse à sinistrâ ejusdem Nasi Cavitate?

IX. Antequam Uſus, quos in præternaturalibus constitutionibus præstare possunt Nova hæc Tympani Foramina, exponere inciperemus circa naturalem eorumdem Uſum conjecturam illam repetebamus; Per ea quoque Humorem istum in Tympani Cavitatem distillare, quo præcaveatur, ne Membrana Tympani supra, quām par est, exarescat de qua istiusmodi humectationis utilitate cùm in superiori etiam Capite respectu Membranarum aliarum meminerimus; idcirco in eadem neque modò ulteriùs immorabimur, neque in Capite sequenti, ubi occasione Zonarum limpido illo Serro madentium, rursus de ipsâ scribendum foret. Igitur Humor ille, postquām Membranæ Tympani, aliarumque etiam in Tympano contentarum Partium incolumitati prospexit; ne forte superabundans, eandem

*Uſus Tube Eustachianæ.*

Descript. Vid.

Cap. II. Num.

XVI. & XVIII.

Delin. Vid. Tab.

III. Fig. III. &c.

Tab. IV. & Tab.

X.

Tympani Membranam nimis laxando, hac ratione ad Sonoros Motus ritè suscipiendos ineptam reddat; per Tubam Eustachianam, ad Pharyngem, Naresque amandari potest. Quod quidem fieri posse, tum ex nonnullis, quæ sparsim scripsimus; tum ex illis, quæ de Tuba latitudine, & declivi situ suo loco exposuimus, evidentissimum puto: adeoque mitto prolixius

sib

con-

ſirmare per quandam meam in vivo homine Observa-  
tionem, de Nobili ſcilicet Viro, Ulcere ad Proceſſum  
Mamillarem cum hujus Carie laborante; in quod quæ  
injiciebantur, illico ad Fauces perveniebant; adeòque  
à Tympano, quò per illius Proceſſus ſinuofitatem af-  
cendebant, per Tubam certè derivabantur; cùm præ-  
ter expositam, nullius alibi, & præcipue in Ore, aper-  
turæ, aut laſionis eſſet indicium. Hoc ergo tam uti-  
le emissarium, Tuba videlicet, ne unquam forte clau-  
deretur; proviſum eſt per illam glandulosam subſtan-  
tiā, quæ in totâ ejus non oſſeâ parte ſub Membranâ  
conſpicua eſt. Ejus enim latera, quæ nempe versùs  
hanc partem connivere inveniuntur; ne unquam ſimul  
conglutinentur, facit humor, qui jugiter ab illâ ſub-  
ſtantia, non itâ exiguâ quantitate, separatur. Ve-  
rūm non ſolūm hic Uſus per Tubæ aperturam Mem-  
branæ Tympani exhibetur; ſed alter etiam longè præ-  
ſtantior, & per quem illud, quod polliciti ſumus, ul-  
teriùs oſtendatur, ſcilicet Naturam de aſſignato  
Membranæ Tympani Uſu non parum ſuiffe ſolicitatam.

X. Illud enim perspicuum eſt, quòd Tympani Mem-  
brana eò amplius, atque facilius ab impellentibus So-  
noris Motibus in utiles illas commotiones adigetur;  
quò minius aer Tympani Cavitatem occupans, impulsæ  
eidem Membranæ refiſtet, citiusque, & promptius ce-  
det. Sicuti autem conjicio, fortaffe in hoc ipsum Tym-  
pani Cavitatem tantâ cum ſolicitudine à Naturâ amplam  
atque capacem deſiderari; ut quando Sinuofitatis Ma-  
ſtoideæ ſpatia ipſi non adduntur; ejus Cavitas; ut in  
multis Animalibus obſervavi; conſueto amplior ſit: ſic  
enim aér quò ſe contrahat, habendo; facilius locum  
concedit: ſicuti, inquam, iſtud conjicio; itâ illud ſinè  
ullâ

*Observatio Ulceris  
ad Proceſſum Ma-  
millarem, per quod  
injelia, ſlatim in  
Oris Cavitatem,  
licet indequaque  
illæſam, tranſmit-  
tebantur.*

*Uſus ſubſtantia  
glandulosa Tibia  
Eustachiana.*

*Descript. Vid.  
Cap. II. Num.  
XVII.*

ullà fermè dubitatione censeo ; Tubam Eustachianam impulso à Membranâ Tympani aëri , quâ facile cedat ,

*Uſus Principiū Tu-  
bae , quatenus tali-  
ſitn , talique ga-  
det capacitate.*

Descript. Vid.  
Cap. II. Num.  
XVI.

Delin. Vid. Tab.  
III. Fig. III. &c.

*Si Tuba Eustachi-  
ana claudatur ; il-  
licò Auditus amit-  
titur.*

*In hoc ipsian Ob-  
servatio.*

viam aperire. Nam illa in Tympano ex adverso ejusdem Membranæ opportunè Orificium explicat suum , idemque præ tubo succedente sanè amplius : quò sci-

licet aër subire copiosior possit , & compressæ Membranæ expeditiùs cedere. Tanti autem ponderis hic Uſus est , quem Membranæ Tympani Tuba præstat ; simul

tamen cum illo , quem etiam Membranæ Fenestræ Rotundæ probabiliter exhibit , qui sequenti Capite expli- cabitur ; ut si eadem Tuba , fortè claudatur ; illicò , ut ego comperi , amittatur Auditus. Possem hoc for-

tè probare per Observationem in Patricio Cæsenate ha- bitam , Polypo Narium laborante , qui usque ad Uvu- lam se se extendebat. Quò enim hic Polypus magis in dies crescebat , & consequenter quò magis ad Orificia Tubarum penitus claudenda accedebat ; eò magis in di- es Auditus Ægro minuebatur sic , ut tandem omnino

surdus evaserit. Verùm ut rem adducam ambiguitati- bus minus obnoxiam ; quidam plebejus Ulcus gerebat supra Uvulam in sinistrâ parte , quod quidem eam , quam invaserat , partem exeserat , atque abstulerat sic , ut Ulceris cavitas cum extremo sinistræ Tubæ Orificio communicaret. Igitur quoties homo mollem turundam remediis imbutam in Ulceris cavitatem intrudebat ; toties illicò sinistrâ Aure evadebat surdus , talisque permanebat toto eo tempore , quo turunda in Ulce- re relinquebatur : statim verò , ac amovebat ; pristi- num Auditum recuperabat : perspicuo argumento , quod referat à Tubâ , illicò interceptus obtinetur Au- ditus ; occlusâ verò , statim intercipitur , sive tolli- tur.

XI. Cùm ergo ad audiendum hoc requiratur, ut compressò à Tympani Membranâ aëri expeditam Tuba præbeat viam; idcircò ne unquam cùm audiendum est; via hæc fortasse minus aperta permaneret; per Musculum Processus Majoris Mallei, & præterim per Tubæ Musculum Novum sagax Naturæ Ingenium consultuit. Nam quotiescumque audiendum est; ab adveniente Sonoro Motu, simul cum Membranâ Tympani incipit Mallei Manubrium leviter intropelli; Sed hoc leviter intropulso, jam Musculus Processus Majoris Mallei, assiduè tensus inter hoc, & Tubæ Cartilagineum anteriùs latus, non potest non leviter simul relaxari; adeòque istud Cartilagineum Tubæ latus, quod priùs per longum tendendo, stabilius, & motu difficilius faciebat, incipiet quoque remittere, & faciliùs mobilem reddere. Hac verò Cartilaginei istius lateris relaxatione novus Tubæ Musculus ad se contrahendum excitatus, non solum ob sublatum quodammodo æquilibrium; verùm etiam ob influxum (ut ego puto; & in similium functionum Musculis fieri solet) secundùm indigentiam, nobis insciis, superadditum, contrahetur, & per contractionem suam indicatum Tubæ latus, quantum hujus remissio concedit, extrorsum trahere incipiet; & consequenter quotiescumque audiendum erit, statim Tuba incipiet magis aperiri. Porrò aere sic egredi statim incipiente, jam Membrana Tympani ab eodem Sonoro Motu faciliùs, atque amplius retropulsa, Mallei Manubrium ulteriùs retropellet; hoc Musculum Processus Majoris Mallei magis relaxabit; Musculus verò iste indicatum Cartilagineum Tubæ latus magis remittet; adeòque Novus Tubæ Musculus idem magis extrorsum trahendo, Tubam successivè magis aperiet;

*Usus Musculi Pro-  
cessus Majoris  
Mallei.*

Descript. Vid.  
Cap. II. Num. V.  
Delin. Vid. Tab.  
X. Fig. I. &c.

*Usus Musculi Tubæ  
Novi.*

Descript. Vid.  
Cap. II. Num.  
XVIII.

Delin. Vid. Cap.  
III. Fig. XII. &c.  
Tab. IV. Litt. m.  
m. Tab. X. Fig. I.  
&c.

& sic tantò majorem aëris quantitatē dimitti ſinet; quantò retropulsio Membranæ Tympani ſuccesſivè major evaſerit. Dum verò mirabile hoc machinamentum, cuius partes aptè adeò invicem, promptèque conſentiant, ut extremā unā vix tactā, altera extrema illicò operetur; Dum, inquam, ad hoc, ut aër Membranæ Tympani à Sonoris Motibus impulſæ faciliùs cedat, efficit, ut idem à Tubâ, quam patentiorem reddit, faciliùs demittatur; Ad hoc, ut expeditiùs adhuc, & finè ullâ remorâ demittatur; eādem operâ hoc præstat, ut promptiùs à Nasi Cavitatibus, in quas dimittitur, excipi queat. Siquidem qua contractione Novus Tubæ Musculus indicatum Tubæ latus extrorsum trahendo, Tubam ipsam dilatat; eādem marginem inferiorem Internorum Nasi Foraminum deorsum ducendo (nam utrumque extrellum mobile habet hic Musculus, ut ſuo loco oſtendit) eādem, inquam, marginem illum deorsum ducendo, illorum Foraminum, ante ipſum Tubæ Orificium ſitorum, ampliorem reddit capacitatem. Et hoc quidem præstat magis; aut minùs pro majori, aut minori indigentiâ; nam cum una eademque contractione & Tubam, & Foramina indicata dilatet; quando magis contractus, illam magis expandet, & hæc etiam magis dilatabit.

XII. Quantūm verò hæc Nasi Foraminum dilatatio ad exquifitè audiendum conferat; quatenus ſcilicet facit, ut aer ipſe, qui ad Finem Tubæ eſt, impulſui Membranæ Tympani expeditiùs, & finè ullâ remorâ cedat; non ſolū Ratio oſtendit; verūm complura alia artificia, quibus in hoc ipsum uſa eſt Natura, imò & communis quædam Observatio confirmabunt. Nam illa omnia ſanè eò conſpirare, & in id facta eſſe videntur;

tur; ne scilicet aeris à Tuba exitus impediatur; sed quām expeditissimus esse possit. Primò enim per extremitati Orificii Tubæ constitutionem, prospectum est, ne aer inspiratus, aut exspiratus, dum per Nares ante Orificium Tubæ pertransit; illius labrum, in quod primò incurrit, versùs alterum impellendo, ipsum Tubæ Orificium temerè coarctet. Nam illinc contiguus Osseus Processus anterius Orificii labrum in inspiratio-  
ne defendit; hinc verò consultò crassefacta Tubæ Cartilago suā firmitudine posterius labrum in exspiratione tuetur. Et sanè aeris exspirati aut inspirati transitus multū poterat, præcipuè in quibusdam casibus, officiis Tubæ nocere, non solū ejus Orificium coarctando, ut modò exponebamus; verū quoque jam exeuntis de Tubâ aeris ulteriore cursus interturbando, remorandoque. Et ob hanc præcipuè rationem est, quod cùm aliquem Sonum aut ob distantiam, exilitatemque perceptu difficultem, aut ob quamcunque causam attentè expectatum exquisitè percipere volumus; tunc, ut observatur, respirationem, quoad possumus, intermittere con- fuetudine didicerimus. Quoniam verò in hoc ipso actu necessarium est, ut subinde respiratio qualiscunque instituatur; ne tunc exspiratus aer alterum de Tubâ exire debentem, adeò incommodè perturbet; Natura, nisi ego multū fallor, aptissima instrumenta paravit ad Fauces, per quæ in eo actu aer sive exspiratus, sive inspiratus, à Narium viâ & consequenter à Tubarum Orificiis satis arceatur. Illa instrumenta sunt Musculo-  
rum Paria duo Pharyngostaphylinum, & Salpingostaphylinum, & cum his Uvula; Nam ut aer sive in exspiratione, sive in inspiratione Narium viam percurrat; opus est, ut transitum habeat per illud Pharyngis Ori-

*Cur anterius labrum extremi Thba Orificii sit Processus Pierygoidi contiguum; posteriorius verò ex crassefacta ejusdem Tubæ Cartilagine constitutatur.*

*Descript. Vid. Cap. II. Num. XVI. & XVII.*

*Cur quando levior rem aliquem Sonum audire contendimus; animalia comprimere consueverimus;*

ficum, quod versùs Nares aperitur; quod si coarctetur; consequenter aer ille minori quantitate Narium viam percurrere potest; At verò illi Musculi, & Uvula, ut alibi etiam scripsimus, ad illud Orificium coarctandum aptissima sunt Instrumenta. Hæc itaque Opinio nostra est, quod scilicet eo in actu per vim nobis insciis influentem contracti musculi Pharyngostaphylini Uvulam extendant, extensamque versùs indicati Orificii medium adducant; maximè cooperantibus Salpingostaphylinis, qui nempe ad hoc præcipuè facti videntur; ut Uvulam versùs medium indicati Orificii simul trahant. Per hoc verò Uvulæ obstaculum coarctato ad Nares, Tubasque aditu, quemadmodum

*Uſus, quem inter-*

*dum ad exquiste-*

*andiendum vide-*

*tur præstare Uvu-*

*la simul cum Mu-*

*sculis Pharyngosta-*

*phylinis, & Sal-*

*pingostaphylinis.*

Descript. Vid. C.

II. Num. XIX.

& XX.

Delin. Vid. Tab.

IV. Litt. n. n.

Tab. V. Fig. I. &

II. Item Tab.

VI.

minor exspirati aeris quantitas versùs eam partem transibit; ità minorem Tubarum Officiis perturbationem afferre valebit; maximè cùm eodem tempore, quo illic transit; per idem Uvulæ obstaculum, quasi per productum quendam aggerem, à Tubarum Orificiis avertatur. Quod verò hoc ipsum obstaculum, & hæc ipsa Orificii istius Pharyngis coarctatio in causâ etiam sit, ne inspiratus in eo actu subinde aer Tubarum Officia adeò interturbet, quisquis facile, ut puto, deducet; Nam idem obstaculum hoc quoque facit, ut scilicet aer non amplius per Narium viam ità liberè, ut solebat, cum Larynge communicet; adeòque ne amplius eâ quantitate, qua solebat, per Nares inspiretur. Nec verò hæc, quas modò descripsimus, illorum Musculorum, atque Uvulæ eo in actu contingentes Functiones, meræ imaginationi innituntur. Primò enim indicata eo in actu animam comprimendi consuetudo, quantum respiratus aer Auditui officere tunc possit, argumento est; adeòque Natura, ut in similibus solet,

ali-

*Uſus Musculorum  
Salpingostaphylinorium affidans.*

*Observationes  
Gravitatis Auditus ab eorundem  
Musculorum erofione.*

aliquā ratione, instrumentoque, homines ēā in re coadiuvisse, probabiliter credi potest. Deinde Paris Salpingostaphylini assiduum Munus illud est; ut scilicet Uvulæ Basim suo tonico motu sursum versūs posteriora paulò adductam servando, per integrum illius corpus, quasi per quendam aggerem, Tubarum Orificia, aliàs exspirato aerì nimis obvia, ex parte saltēm defensat; adeòut si Musculi illius Paris abscinderentur; illicò (ut ego probabiliter censeo) Auditus hebetior fieret; nam de facto in multis, in quibus tales Uvulæ, & vicinarum Partium corrosiones observavi, ut ad illos Musculos lædendos extenderentur; Gravitatēm Auditus in utrāque Aure peprehendi, si uterque Musculus esset læsus; aut in alterutrā tantūm, si alteruter; Non est igitur adeò à Veritatis fundamento remotum; si statuo, eosdem Musculos, ubi opus est, eandem Uvulam paulò magis versūs posteriora sursum adducere, scilicet versūs medium illius Pharyngis Orificii, quod Nares respicit. Demum eo in actu: in quo scilicet respirationem ut exquisitiūs audiamus, conamur intermittere; utique ad Fauces quidam à descriptis non abludentes motus; dummodò quis probè attendat, percipjuntur. Et sanè Musculorum istorum motus, præ aliorum Musculorum motibus, qui inter audiendum contingunt, quosque superiūs explicavimus, majores esse videntur. Nam Orificii Tubæ dilatatio licet multò magis ad audiendum conferat, quam istius Pharyngis Orificii restrictio; illa tamen per multò minores motus obtinetur: qui (ne quis diversa fortasse credat) nec magni adeò motus sunt; nec porrò esse debuerunt.

XIII. Nunc quando exposuimus, qua ratione, quae facilitate Tympani Membrana à Sonoris Motibus queat

queat intropelli; edifferendæ etiam essent causæ, quibus eadem per vices ad pristinum locum repellatur. Verum inter has ab aliis jam enumerata est distentæ ejusdem Membranæ elasticitas, aeris priùs cedentis recursus, & similia: quorum aliquot etiam à nobis, licet obiter, superiùs memorata; imò superaddita sunt; ità ut talibus hìc immorari supervacuum censeam: præstetque ipsos Sonoros Motus, qui adeò facile à Membranâ Tympani quatuor Ossiculis communicantur, per eorundem Ossiculorum Mechanicum motum usque ad Fenestram Ovalēm jam deductos, ulteriùs per Labyrinthum conseruari.

## C A P U T VI. &amp; U L T I M U M .

*Uſus Labyrinthi, ſive Interioris Auris Cavitatis.*

**D**Um talia agito; ecce inter alterna tonitrua, & fulgura, minacibus, atque obscuris undequaque nubibus involvitur dies, & Musæum, in quo hæc meditor, de Cœlo tangitur. Etsi verò fulmen, minimè noxium, Meditantis tergum innocenter allambat; studia tamen, & animum; invitum licet, & contendentem, non mediocriter perturbat. Ità in qua potissimum Disquisitionum istarum parte alacrem, & compositam mentem semper optaveram, & optandam esse, intellexeram; in hac ſupra, quām in aliis, turbatam, & inquietam, non minùs moleſtè, quām incommodè ſentio. Et ſanè ſi quæ Pars in totâ Aure occurrit, in cuius Functiones penetrare tum propter rerum singulorum abditissimos recessus, & parvitatem; tum propter omnium ad invicem implicitos respectus, & proportiones difficultimum ſit; eam Labyrinthum eſſe, extra omnem

omnem dubitationem positum est. Attamen cùm il- lius Partium Historia meis laboribus aucta, atque illu- strata, eam difficultatem non tollere quidem; sed ta- men aliquatenus imminuere videatur; imprimis verò cùm metam suam in hac Cavitate Sonori Motus at- tingant; aliarumque Cavitatum Usus, quasi in hu- jus gratiam exposuerimus; invitâ licet materiâ, at- que ingenio; in hujus Arcana pergere utcunque con- tendam: quorum tutam assecutionem sicuti me fermè desperare, non dissimulo; ità Meliores me per meas Dubitationes ad eandem excitari; & fortassis aptiores redi posse, confido.

II. Itaque Motus Sonori per impulsam Stapedis Ba- sim aëri, qui in Vestibulo, & reliquo Labyrintho est, communicati, intrà hunc Impressionem Sonoram, in aptam quidem Partem facere debent. Apta verò Pars, secundūm Anatomen nostram, nulla alia in Labyrin- tho occurrit, præterquām Membrana in Vestibulo exi- stens, & quatuor Zonæ; tres scilicet Canarium Semi- circularium, & una Cochlear. Porrò cùm Membranæ Vestibuli multiplex, & frequentissima varietas, atque, ut sic dicam, irregularitas, non multùm in ipsâ im- morandum esse, indicet; reliquum est, ut potissimum in Zonis Sensorium istud quæramus. Igitur an Zona unica, an plures, an omnes; & si omnes; quo ordi- ne, atque ratione hoc nobili munere fungantur, disqui- rere oportet. Quod quidem, singulas Labyrinthi Par- tes juxta Motuum Sonorum ductum percurrendo, præstare tentabimus.

III. Cùm Sonoris Motibus per Ovalem Fenestram Vestibulum ingredientibus, sex omnino Viæ occurrant, per quas ulterius excurrere possint; hinc scilicet quin-

Descript. Vid.  
Cap. III. Num.  
XI.

N

que

Harum Viarum,  
sive Orificiorum  
Delin. Vid. Tab.  
VIII. Fig. V.

que Canarium Semicircularium Orificia; illinc verò Orificium illius Cochlearum Canalis, quem Vestibuli Scalae nuncupamus; quæri primò debet, an illi has vias simul omnes subeant; an verò tantummodo aliquot. Si non omnes; rursus quæri potest, num sit fortè Orificium Scalæ Vestibuli, quod subeant; an verò Orificia Canarium Semicircularium. Et si Orificia istorum Canarium; demum an omnia Canarium horum subeant Orificia; an aliquot tantum, querere superest. Et mihi quidem Motus Sonori probabiliter videntur non illas sanè omnes Vias ex æquo ingredi; sed potissimum aliquot Orificia Canarium subire, & nominatum Orificium Commune, necnon Canalis Minimi Orificium Angustius. Cur verò mihi sic videatur; hæc ratio est. Prius nempe animadverto, Motus Sonoros; licet in orbem propagentur; propagari tamen multò vividius, atque sensibilis ad eas partes, quæ loco illi, unde proveniunt, ex adverso collocantur; quam ad eas, quæ à latere, & præcipue quæ à tergo ejusdem disponuntur; Deinde illud considero, Naturam non omnes illas Vias ex adverso Fenestræ Ovali constituisse; sed hinc Scalæ Vestibuli Orificium; illinc verò Canalis Minoris Orificium Proprium, necnon Orificium Latius Canalis Minimi ita à Fenestræ lateribus collocasse; ut parum absit, quin à tergo sint; & tantummodo Orificium Commune, necnon Angustius Canalis Minimi Orificium eidem ex adverso posuisse. Quæ cum ita sint; ex Viis, quas Motus Sonori in Vestibulum per eam Fenestram ingressi, subire possunt; duæ tantum videntur esse, quas præcipue subeant; nempe duo Orificia novissimè indicata: Adeoque & à nobis primò, quasi ipsa Naturæ præcipiente, duæ potissimum istæ Viæ considerabun-

*Uſus Orificii Com-**muniſ, necnon O-**rificii Angustioris**Canalis Minimi.**Descript. Vid.**Cap. III. Num.**IV. V. VI.**Delin. Vid. Tab.**VIII. Fig. V.*

buntur. Verum antequam id facio; cur duobus hisce Orificiis Orificio Proprium Canalis Majoris; cum & istud ferè ex adverso Fenestram Ovalem spectet, cur, inquam, hoc illis duobus non adnumeravim; rationem edo. Scilicet margo ille quo Orificio hoc eandem Fenestram respicit, ita in aggerem assurgit; ut non dubie indicet, Orificio istud minimè ad Motus Sonoros potissimum excipiendo factum esse; cum potius ad eosdem arcendos indicato aggere à Naturâ instruatur.

*Descript. Vid.  
Cap. III. Num.  
IV.*

IV. Igitur Motus Sonori duo illa Oricia subeuntes, per Orificio quidem Angustius Canalis Minimi, Canalem hunc pervadunt; per Orificio vero Commune, Canales Majorem, & Minorem percurrent. Quod dum faciunt; Zonas in Canalibus contentas, percellunt: unde; cum ipsæ quidem nil aliud sint, quam Mollis Auditorii Nervi expansiones, ut suo loco ostensum est, Auditus Sensatio excitatur. Verum

*Canalium Semicircularium, & contentarum Zonarianum Uſus.*

*Descript. Vid.  
Cap. III. Num.  
III. IV. V. VI. VII.  
XII. &c.*

Aliquis hic loci illud interrogabit: Cur Natura unum tantummodo Canalem, unamque tantummodo Zonam, quæ percellatur, hic non posuerit; sed tres Canales, & tres Zonas collocaverit? Cui difficulti Interrogationi quodammodo satisfieri videbitur; si talia subjiciantur. Observatum esse in pluribus Musicis Instrumentis; in quibus variæ chordæ, ut fieri solet, ad varios tonos disponuntur; si super illis fistulâ, aut certe ipso ore variis tonis successivè increpemus; licet cujuscunque toni motibus chordæ omnes semper attingantur; & percellantur utcunque, & minus sensibiliter; certam tamen chordam à certo tono longè majorem impressiōnem suscipere (ut superpositorum corpusculorum subfultus testantur) quam reliquas: & rursus ad alium to-

*DeIn. Vid. Tab.  
VIII. Fig. V. VII.  
VIII. &c. Tab.  
X. &c.*

*Cur idem Canales,  
& Zone inqualiter  
longitudine gaudeant.*

num aliam chordam magis subsultare; cum interim chorda illa, quæ à primo tono adeò commovebatur; ab hoc pariter commoveri inepta sit, sic ut immobilis appareat. Porrò quod chorda hæc ab hoc tono, non verò ab illo agitari apta sit; alia verò non ab isto; sed ab alio, a variis variarum chordarum tum quo ad alia, tum quò ad longitudinem, aut latitudinem, conditionibus dependere; à quibus nempe varia in ipsis chordis dispositio ad se se tardius, aut celerius vibrandum, & similia proveniunt; Hæc cum ita sint, jam Aliquem suspicari posse: cum tam varii Soni à nobis audiri, & distinctè percipi debuerint, per impressiones quidem ab illis in membranulam demum factas; Ut eorum perceptio vividior esset, curasse Naturam, ut singuli non utcunque membranulam attingerent; sed quam possent majorem impressionem in eandem facerent; At sicuti varii toni non possunt omnes facere majorem impressionem in unicum, aut unius conditionis chordam; sed singuli variæ conditionis chordas exposcunt; ita neque varios Sonorum tonos in unicum, simplicemve membranulam potuisse requisitam majorem impressionem facere; Adeòque non unum Canalem, unamque membranulam, sive Zonam; sed plures Canales, & plures Zonas Naturam posuisse; & istas quidem variæ conditionis, saltem quò ad longitudinem; Nam major una minor altera, tertia verò minima est.

V. Dum verò hæc ad illam interrogationem fortasse responderi posse, opinor, ne quis objiciat, in tam multiplici Sonorum varietate triplicem tantummodo Zonarum differentiam nimis esse insufficientem; utque illa opinio, qualis eacunque est, confirmetur; addo aliam

con-

consimilem suspicionem, ex illis pariter, quæ de Mūſicis chordis modò præmissa sunt, quodammodo derivatam (ſiquidem ego neque has tanquam absolutissimas paritates affero; neque illa, quæ circa consimiles res obſcuras potiſſimum excogitantur, omni objectione cārere posſe, existimo) Itaque cum in his Zonis non ſolum longitudinum varietas occurrat; verum quodammodo etiam latitudinem; nam certè ea Zonarum pars, quæ Canalem Communem occupat, reliquarum Zonarum partium latiſſima eſt; idcīrcō ſuſpicari Aliquis potest; an fortè Natura hoc quoque ideò fecerit; ut alicui Sono, cuius impressioni ſuſpiciendæ minus aptæ aliæ Zonarum partes; hæc ob latitudinis varietatem aliquo modo aptior eſſet. Sed mitto alias hujuscemo- di Dubitationes; unam tantummodo adhuc indicans: quam dum explico; ſimul ad reliquarum Labyrinthi Partium Uſum exponendum procedo.

VI. Videntur Zonæ variam ad ſe ſe tardius, aut cele- riū ſibrandum aptitudinem habituræ; ſi in ſuis vibrationibus, ſcilicet contractis ex Sonorum impressione motibus conficiendis, magis, aut minūs à circumfuso Labyrinthi aëre impedianter, ſecundūm illa, quæ in re non diſſimili de Tympani Membranā rēſpectu aëris in Tympano contenti, Superiori Capite cenebamus. Porrò; attentà etiam Labyrinthi ſtructurā; ſuſpicari poſſumus, juxta varios Sonos variè ejusdem Labyrinthi aërem Zonarum motibus obſtere ſic, ut pro Sonorum varietate modò faciliūs; modò minūs facile ab eisdem Zonis repelli queat. Primò enim advertendum eſt, quòd ſicuti Canalium Semicircularium Orificia indi- cata, Commune ſcilicet, & Minimi Angustius, ma- gis Fenestrām Ovalem ſpectant; ità alia eorundem O-

*Cur omnes earum  
dem Zonarum par-  
tes unam latitudi-  
nem non obtinue-  
rint.*

*Earum Descrip.  
vid. Cap. III.  
Num. XII.*

*Delin. Vid. Tab.  
VII. Fig. VIII.  
aut Tab. X. Fig.  
III.*

*Uſus Orificii Proprietatis Canalis Minori, & Orificii Latioris Canalis Minimi.*

Descript. Vid.  
Cap. III. Num.  
V. & VI.

Delin. Vid. Tab.  
VIII. Fig. V.

*Scala Vestibuli Uſus.*

Descript. Vid.  
Cap. III. Num.  
VIII.

Delin. Vid. Tab.  
VIII. Fig. VI.

*Zona Cochlearis Uſus.*

Descript. Vid.  
Cap. III. Num.  
VIII.

Delin. Vid. Tab.  
VIII. Fig. VII.  
&c.

*Uſus Scala Tympani.*

Descript. Vid.  
Cap. III. Num.  
VIII.

Delin. Vid. Tab.  
VIII. Fig. VI.

*Membrana Fenestra Rotunda Uſus.*

Descript. Vid.  
Cap. II. Num.  
XIII.

*Tuba Eustachiana, sive Novi illius Musenii Uſus.*

rificia, nominatim duo contigua Proprium Canalis Minoris, & Latius Canalis Minimi, Orificio Scalæ Vestibuli respiciunt, ita ut quæ ex ipsis dimittuntur, facilè hoc Orificio subire possint. Rursus admonendum, Scalam Vestibuli per tenuem Membranam, sive Zonam à Tympani Scalâ ita dividi, ut jam suo loco scriptum est: Scalam verò Tympani ab ipsis Cavitate per Ovalis Fenestræ Membranulam distingui. Et consequenter colligendum primò est, aërem in Canalibus impulsum posse ex facili, per indicata Orifica elabendo, locum cedere; quia taliter constructâ Vestibuli Scalâ, eisdem Orificiis ex adverso ita positâ, locum in promptu habet, quod contiguum successivè aërem expeditè, & absque difficultate propellat. Aër enim Scalæ Vestibuli propulso non obstat; cum ipse propellere illum possit, qui in Tympani Scalâ continetur; non quidem per poros, aut certam aliquam communicacionem, ut quidam suspicari visus est; sed ipsius tenuis Zonæ, qua utraque Scala distinguitur, compressionem. Nam rursus aër iste, qui in Tympani Scalâ continetur, compresso Zonæ facilè cedit; non dico, in Tympanum per Fenestram Rotundam prorumpendo, ut idem Auctor, hanc Membranâ claudi non advertens, credit; sed istam eandem Membranam quoad opus est, (exigui autem spatii opus est) versùs Tympanum urgendo atque curvando: Quod quidam ex facili præstare potest; Nam cùm omnia, quæ intrâ Aurem occasione Sonorum Motuum accidunt, in momento, & ferè simul fiant; sanè quo tempore aëris propulsio à Canalibus usque ad Tympanum continget; eodem dilatata Tuba Eustachiana aërem, qui in Tympano est, adhuc excipiendo, hujus aëris resistentiam imminuet,

jux-

juxta illa, quæ circa Usus ab eâdem Tubâ Membranæ Delin. Vid. Tab. X. Fig. I. & II. Tympani exhibitos, præcedenti Capite proponebamus. Quæ omnia cùm partem ità se habeant; partim verò ità se posse habere videantur; elucebit demum; Illud nos posse suspicari; Nempe quod pro varietate Sonorum variè quoque Zonarum motibus Labyrinthi aër obsistat. Siquidem cùm pro impulsu in Membranam Tympani factorum varietate, Eustachianam Tubam variè moveri, citato loco ostenderimus sic, ut modò magis, modò minùs dilatata, nunc majorem locum, nunc minorem aëri à Membranâ Tympani impulso concedat; adeòque pro Sonorum varietate, variè illius aëris resistentiam imminuat; Iam sanè perspicuum est, quòd pro eâdem Sonorum varietate Fenestræ Rotundæ Membrana modò magis, modò minùs versùs Tympanum per propulsu à Zonis aerem curvari poterit; Et consequenter modò magis, modò minùs eidem cedendo, secundùm Sonorum varietatem hoc poterit efficere, ut modò faciliùs, modò minùs facilè, secundùm eandem Sonorum varietatem, possint Zonæ commoveri; Adeòque ut Zonæ pro variorum Sonorum impressione suscipiendâ utilem istam variam aptitudinem habeant.

VII. Si verò Aliquis fuerit, cui exposita hucusque suspicio arrideat; huic possumus complura addere, quæ eandem confirment. Nam præter illa, quæ de Tubæ Eustachianæ aperturâ, tantâque istius ad audiendum necessitate antecedenti Capite scripsimus; unde aliquod fortasse argumentum in rem hanc trahi posset; Profetó Fenestræ Rotundæ situs non ex adverso, sed à latere Membranæ Tympani, ideo videtur à Naturâ assignatus, ne Tympani aër dum à Membranâ hac retrahatur, illius Fenestræ Membranam rectâ incurrendo,

*Cir Fenestra Rotunda non ex adverso Tympani Membranam respicit.*  
Descript. Vid.  
Cap. II. Num.  
XIII.

*Cum ejusdem Fenestræ Membrana non ad extreum silius marginem, sed paulò interius collocetur.*

*Descript. Vid. ibidem.*

*Cum Motus Sonori per quatuor Officina d Meatus Auditorio in Labyrinthum transferri debenerint, ut Capite Superiori expositum est.*

*Tuba Eustachiana Uſus paritate ab Oculorum internis motibus duclâ, conformatur, illustraturque.*

do, hujus incurvationi incommode resistat: Quæ rursus Fenestræ Rotundæ Membrana ob eandem facilè causam, neutquam ad extreum ejusdem Fenestræ marginem; sed paulò interius ita, ut per istum à retropulso aëre quasi defendatur; posita est. Imò & hæc fuerit fortasse una ex iis causis, propter quas Motibus Sonoris nequaquam concessum fuit, ut in Tympani Cavitudinem omnino liberè se diffunderent, videlicet ne ipsi; dum se se versùs Ovalem Fenestram utcunque deferrent; Officia alterius Fenestræ temerè perturbarent: adeòque opè quatuor Ossiculorum quodammodo in unum collecti, absque istius Fenestræ noxâ, ad Labyrinthum transmittuntur. Ad hæc Tuba Eustachiana cur, quæſo, non tota ex immobili osle constructa esset, & extremitate minimè dilatabili; sed contra admirando Muscularum artificio fuisset instructa? nisi dispositum esset, ut pro variis Sonorum occasionibus variè quoque posset aperiri non ſolum in commodum Membranæ Tympani; verùm quoque, niſi ego fallor, ut Membrana Fenestram Rotundam claudens; atque adeò ipſæ Zonæ, advenientibus diversis Sonis, diversam ad ſe ſe movendum aptitudinem haberent; Illud ſanè novum non eſt, aut Naturæ penitus ignotum, quòd pro variâ objecti conditione, varij in Sensuum Organis, nobis inſcijs, motus fiant, per quos potissima Sensorij Pars, ſive Sensorium propriè dictum variè disponatur. Itaque quemadmodūm pro diversis rerum visibilium diſtantijs; diversè mota Ligamenta Ciliaria efficiunt, ut Retina à Crystallino variè distet; & pro vario earundem lumine, variè mota Iris facit, ut variam respectivè radiorum quantitatē eadem Retina excipere valeat; ſic pro Sonorum diversitate, diversè motâ

motâ Tubâ Eustachianâ, atque adeò diversâ inducta in Labyrinthi aere resistentiâ, etiam diversè; ut nos suspicamur; Zonæ Sonoræ disponuntur.

VIII. Sed quid quid sit de hac suspicione, in qua recensendâ ideò paulò prolixior fui, quia aliquot Partium Usus utcunque indicare; ad alios vero earundem Usus indicando viam sternere simul, & unâ operâ volui; Illud certum est, me tantum illi non deferre, ut credam in hanc unam rem Cochleæ utramque Scalam cum interpositâ Zona, necnon Fenestram Rotundam construetas esse. Easdem enim nobiliorem alium usum præstare, coniicio. Itaque, exceptis Motibus Sonoris ità exilibus, ut vix percipientur; quos intrà Canales, aut ad summum intrà Vestibulum terminari, probabile est; Sonori motus universi postquam Canales Semicirculares percurrerunt; ab eisdem exire, & ulteriùs in Scalam Vestibuli progredi videntur per eadem Orificia, & eadem ratione, qua impulsu in ijs Canalibus aerem in eandem Scalam transire, superius opinabamur. Motus enim Sonoros intrà Canales perire; verisimile non est; cùm illud; ut cætera mittam; notum sit: Sonos, dum percurrunt tubos, quales quidem ij Canales sunt, mirificè conservari. Accedit, quod ij, Canales qua parte Motus Sonoroemittere debent; dilatantur; Nam Canalis quidem Minor paulo antequam in Proprio Orificio desinat; sensim ampliatur; Minimus vero usque à sui gyri dimidio solet paulatim dilatari, quo usque in Lateriori Orificio suo finitur; Quæ porro conformatio quantum ad Sonoros, etiam debiles, Motus in unum colligendos, & rectâ viyidiūs mitten- dos conducat, à Tuba Polyphonica potest addisci, ità ut Motus Sonoros non solum in Canalibus non perire;

*Usus Orificii Pro-  
prii Canalis Minoris,  
& Orificii La-  
tioris Canalis Mi-  
nimi.*

Descript. Vid.  
Cap. III. Num.  
V. & VI.

Delin. Vid. Tab.  
VIII. Fig. V.

*Cur iidem duo Ca-  
nales anteqnam  
desinant in Orifi-  
cio indicata, am-  
pliores sensim fi-  
ant.*

Descript. Vid.  
Ibidem Delin.  
Vid. Tab. VIII.  
Fig. III.

verùm ab eisdem in oppositum Scalæ Vestibuli Orificium satìs adhuc vividos dimitti, concedendum videatur. Verùm priusquam Motus Sonoros, jam Scalam Vestibuli subeuntes, ulteriùs prosequar; videre mihi videor Quotcunque Disquisitiones hafce meas non omnino negligenter percurrent, secum agitantes, quid sit, quòd cùm superiùs de impulsi in Canalibus aëris exitu agens, tum modò de Motuum Sonorum ab iisdem egressu verba faciens, Proprium Majoris Canalis Orificium; quod porrò utrobique considerare debebam; ne nominaverim quidem; quasi neque Motus Sonori, neque aër ullus, qui cedere deberet, Majorem Canalem percurrerent. Ego verò Canalem Majorem non solùm, quæ cæteri præstant eadem præstare; sed insuper aliiquid singularis facilè habere existimo. Siquidem tum ipsius in Communi Canali apertura Ovalem Fenestram, unde Motus Sonori proveniunt, multò magis è directo respicit, quam Canalis Minoris apertura in eodem Communi Canali, aut Canalis Minimi Orificium Angustius sic, ut in Majorem Canalem multò vividiùs, quam in reliquos, Motus Sonori pertendere videantur; Tum verò Zona ipsius inter Canalium Semicircularium Zonas longissima est; Tum denique antequam in Præsilio Orificio ipsa terminetur; in peculiarem quandam Orbicularem Cavitatem expanditur. Quamvis autem Canalis hic Major ad Orificium Proprium & ipse dilatetur ita, ut Motus Sonoros ab hoc etiam quodammodo colligi, quasi ulteriùs dimittendi essent, conjecture possimus; tamen cùm Orificium istud Proprium, Scalæ Vestibuli Orificium non ita, ut requiri videatur, respiciat; cùmque Cavitatis illius Orbicularis satìs probabiles Usus adhuc me assecutum esse; non credam;

dam; idcirkò satius esse duxi, pauca; imò nulla, circa idem Orificium proponendo, exacta aliorum Judicia expectare, quām multa scribendo, immatura omnino cogitata Lectoribus ingerere. Igitur Motus Sonori eā, quam recensuimus, ratione, Vestibuli Scalam subeuntes, licet non obſtante exposito artificio, debiliores efſent; per hu:us tamen Scalæ tortuositatem, & de lato in angustius tendentiam vividiores fieri poſſunt, ſicut jam ab aliis animadverſum eſt. Porrò dum Motus Sonori, Scalam Vestibuli percurrendo, Cochleæ Zonam percellunt; hīc quoque ad Sensationem excitare faciliè poterunt; non quòd ego ceneam, impressionem ab aliquā Canarium Semicircularium Zonā ſatīs jam ſuceptam, hīc quoque eſſe repetendam; ſed quia aliquibus Sonoris Motibus, quibus ritē fuſcipiendis nulla illarum ſatīs idonea fuit, hæc Zona, non quidem ob variam contigui aëris reſiſtentiam, huic nempe cum illis communem; ſed ob maximam ſui longitudinem, ſive mavis ob variam, ſenſimque decrēſcentem latitudinem; quantum ego ſuſpicor; aptiſſima eſt. Suspicio autem hæc mea partim illis, quæ de Canarium Semicircularium Zonis reſpectu variæ longitudinis, & latitudinis earundem, ſuperiūs proposita ſunt; partim veṛò alteri animadverſioni innititur. Nam cur Scala Veſtibuli latitudinem, altitudinemque ſuam; curvè lævem ſuperficiem, necnon Ellypticam cavitatem ità conſtanter ſervaret? quare potiūs ad iNSTAR Scalæ Tympani illas dimensiones, & ſuperficiei asperitatem, aut lævitatem variè, & incoſtanter non ſortiretur, figure irregularēm non obtineret; ſi Motus Sonoros adhuc utiles ad sensationem excitandam perducere non deberet, ſed potiſſimum ad eos demum, non am-

*Uſus Scala Veſtibuli.**Deſcript. Vid. Cap. III. Num. VIII.**Delin. Vid. Tab. VIII. Fig. VI.**Zone Cochleæ Uſus.**Deſcript. Vid. Cap. III. Num. VIII. & XIV.**Delin. Vid. Tab. VIII. Fig. VII. & IX.**Item Tab. X. Fig. III.**Cur hæc Zona ſit Zonarum longiſſima, ſenſimque mi-nus lata fiat.**Cur Scala Veſtibuli ſuperficie levitate, necnon dimenſio-num & figura re-gularitate gaude-re ſoleat; noui item verò Scala Tympa-ni.**Deſcript. Vid. Cap. III. Num. VIII.*

pliūs utiles, extrorsum amandandos, quemadmodūm Scala Tympani, inserviret? Ego enim & ex iis, quæ hic illic de Scalæ Tympani habitant, & ex eisdem, quas modò proferebam, rationibus, Scalam Tympani illum præcipue usum Sonoris Motibus præstare, existimo; ut ipsos scilicet jam munere defunctos suo, ad Tympani Cavitatem, Tubamque Eustachianam transmittat. Qua quidem ex re nulla Officiorum Membranæ Tympani perturbatio timenda est, tum ob Partium posituram; tum ob eorundem Motuum, & à longo itinere, & à Scalæ Tympani irregulari figura, & superficie, & ab obstante Fenestræ Rotundæ Membranâ debilitatem. Aliam adhuc eorundem debilitationis causam ego aliquandò excogitaveram; scilicet cùm primò vidi substantiam illam minùs resistentem, atque friabilem, qua Canalis Cochleæ superficies insternitur; hanc fortassis ad Motus Sonoros infringendos in hac postremâ Labyrinthi parte disponi, suspicabar. Quam tamen substantiam ubi etiam ipsi Scalæ Vestibuli communem esse, animadvertis; suspicionem illam deposui, ratus, alium omnino esse illius substantiæ usum; licet qualis hic demum esse probabiliter possit, non satis adhuc perspectum habeam.

IX. Igitur ex illis, quæ de Uſibus Labyrinthi hucusque edifferuimus, colligitur, tres nostras Canalia Semicircularium Zonas, necnon Zonam Cochleæ Proprium Auditus videri Sensorium; hac quidem, ut suspicamus, ratione, ut non omnes ab omnibus Sonis impressionem suscipere æquè valeant; sed variis variæ aptiores sint secundūm longitudinum, & latitudinum, & quæ sunt similia, diversitatem. Porrò cùm rem ita se habere, suspicemur; secundūm hoc, qui cunque ex facili intelliget, quæ causæ Naturam mo-

*Uſus Scala Tympani.*

Descript. Vid.  
Cap. III. Num.  
VIII.

Delin. Vid. I ab.  
VIII. Fig. VI.

verint, ut Labyrinthum, ejusque Partes non minori magnitudine in Infante poneret, quām in Adulto. Si enim Zonarum dimensiones non eadem in utrāque ætate fuissent; certè homo alios Sonos audiret, cùm infans est; alios autem, cùm adultus; adeòque malè prīmò assuesceret illis Ideis concipiendis, quas mox descendere deberet; at pro assuetudine, absque confusione, non posset. Indè verò etiam fuit, quòd Tympani Oſſicula æqualem obtineant magnitudinem in Infante, atque in Adulto, nam ut de uno tantummodo loquamur, Basim Stapedis, oportuit magnitudini Ovalis Fenestræ respondere; eandemque perpetuò ab eisdem Sonis impressionem in Labyrinthum traducere. Quòd si tantam curam Natura adhibuit; ne homo diversas ejusdem Soni Ideas diversis etiam temporibus conciperet; multò adhuc majorem, ut par est, adhibet, ne uno, eodemque tempore diversas, & inter se pugnantes concipiatur. Hinc enim est, quòd dextri, & sinistri Labyrinthi, & Partium utriusque, necnon utriusque Tympani Oſſiculorum eadē mag- nitudines sint, & figuræ; adeòut si quid in unâ Aure aliquod illorum ab ortu peccet; & in comparatione si- militer peccare, inveniamus; quasi Natura Idearum discordiam plūs timeat, quām pravitatem. Quantâ verò Eadem diligentia ufa est, ne in eodem homine variæ essent Sonorum Ideæ; tantâ fermè dixerim, sæ- penumerò ufa esse videtur, ut in variis hominibus variæ essent. Quòd enim nihil frequentius sit, quām repe- rire homines, quorum uni unus Concentus supra omnes placeat; alteri verò non idem; sed aliis: item quo- rum unus sagacissima, ut sic loquar, Aure vel mini- mam unius vocis dissonantiam inter quāmplurimas sta- tū cognoscat; alter verò Aure infelicissimâ, quid sit.

*Cur Labyrinthus  
ejusque Partes non  
minori magnitudi-  
ne in Infante ga-  
deant; quām in  
Adulto.*

De hoc Vid. Cap.  
III. Num. XVI.

*Cur pariter Tym-  
pani Oſſicula ean-  
dem magnitudi-  
nem in Infante ob-  
tineant, atque in  
Adulto.*

De hoc Vid. Cap.  
II. Num. XII.

*Cur unius Auris,  
ejusque Partium  
dimensiones, & fi-  
guræ in compari-  
atione si-  
militer peccare,  
inveniamus; quasi  
Natura Idearum  
discordiam plūs  
timeat, quām  
pravitatem.*

De hoc Vid. Cap.  
III. Num. VII.

conſonantia, & quid diſſonantia, ne intelligere quidem valeat: & cætera de genere hoc, quæ apud Muſicos, Muſicorumque auditores quotidie obſervantur; Quòd, in-

*Cur frequentiſſimè  
zanta ſit inter Au-  
ditum unius homi-  
nis, & Auditum  
alterius diversitas.*

Vid. Cap. III.  
Num. III.

Vid. Cap. III.  
Num. VII.item  
Tab. IX.

quam, hæc adeò frequenter occurrant, pendere videtur à varietate, quam inter Labyrinthos unius hominis, & Labyrinthos alterius modò majorem, modò minorem folet Natura collocare. Ut enim mittamus, Cavitatem illam Orbicularem, ad Majoris Canalis Orificium Proprium obſervatam; aliquando desiderari; Orificium vero Canalis Minimi Angustius, interdum non ità angustum repe- riri; necnon latitudinem quandoque in illo, quandoque in hoc Canali majorem eſſe, & similia, quæ ſuis quæque locis notata ſunt; ſanè longitudinum Canalium irregula- ris in diversis Subjectis diversitas adeo frequens, adeo ex Naturæ conſuetudine eſt; ut nunquam duos homines re- pererim, in quibus earundem proportiones omnino con- venirent; ut alibi quoque enarratum fuit. Quas figura- rum, & præcipuè dimensionum varietates etſi frequentiſſimas iſtius Auditum diversitatis cauſas eſſe, censemus; illa tamen, ut ſuſpicamur, pendere aliquando etiam po- test à tensione Zonarum; quæ nempe ut in conſimilibus Nerveis Partibus accidere videtur, in variis hominibus varia ſit: quæ quidem ſuſpicio nonnullis aliis, quas ſu- periùs à Chordarum Muſicarum obſervatione circa U- ſum Zonarum deduximus, ob affinitatem adiungi poterit.

X. Iam verò de Aure, ejusque Partibus, & singu- larum Uſu ſatiſ fuſè à nobis ſcriptum eſt: utinam & ſatiſ clarè quantūm ad Historiam, & ſatiſ veriſimi- liter quantūm ad Uſus; Ego ſanè utrumque conatus ſum. Sed quantūm ad Uſus; multò quidem labor diſſicilior eſt Noſtrum quocunque Uſus Auris tra- ctamus; quām illorum, qui de Oculi agunt Uſibus.

O-

Omitto majorem Partium Auris numerum exiguitatem, implicationem. Hoc solum dico : Quod tot, tanti-que Mathematicorum Labores circa Visionis, & Lu-minis proprietates, prægressi, multum illis operæ, multum solicitudinis demunt. Quod si cum Soni, Au-ditusque proprietatibus æquali observandi diligentia, perspeculandi assiduitate, methodicè scribendi instituto à tot Mathematicis actum esset; plura ego superiùs, & vero magis proxima, minori cum labore proposuif-sem. Quare ut melius sit illis, qui posthac de eisdem Auris Usibus scribere aggredientur; oro, quæsoque de Re Philosophicâ adeò benemeritos Mathematicos, ut provinciam illam parum adhuc, respectu Opticæ, & Facultatum cæterarum, quæ circa Visionis, & Lumi-nis proprietates versantur, parum, inquam; adhuc ex-cultam, suscipiant, & suâ illâ inconcussâ methodo ad-augeant. Nos interim, ut opus hoc minùs difficile redderemus; Auris Historiam, quantum res concessit, dilucidè exposuimus; saltèm, sicuti modò indicabamus, dilucidè exponere conati sumus. Et quoniam verba minùs sufficere, intelleximus; ad Delineationes, & Fi-guras confugimus. Quod si neque per istas, quæsitam perspicuitatem unde quaque obtinuerimus; aliam adhuc videmus rationem, qua obtineamus, Artificialem sci-liset Auris Anatomen, per quam præcipuas, quæ in Aure sunt, Partes sub omnium oculos ponamus, iisdem, quas obtinent, figuris, posituris, & connexionibus, & si placet, iisdem etiam magnitudinibus; quanquam nos Aurem naturali majorem multò utiliorem futuram esse, existimamus. Quæ quidem Artificialis Auris Anato-me, tametsi quantum Artificialem Oculi Anatomen ob naturalis arduitatem, raritatemque, utilitate, & com-

mo-

modo vincit ; tantum operis difficultate excedat ; at tamen dummodò otii , peritique Artificis copia nobis sit ; nostram Naturalem Anatomen in exemplar propo- nentes , omniq[ue] ſedulitate , attentione , confilio juvan- tes , ut in Studiosorum uſum , cæterorumque ſe cogno- ſcere cupientium , elaboretur , fortasse olim operam dabimus.

## F I N I S.



F I G U-



## FIGURARUM EXPLICATIO.

**A**bulas nostras Inspecturo utile erit prius novisle nonnulla, quæ ad ejus commodum, in illarum delineatione præstimus. Primo Itaque & nos curavimus, ut in quibus Tabulis una tantummodò Auris, aut aliqua unius Auris Pars exhibetur; ea Auris perpetuò Dextra sit, & illæ Partes semper ad eandem Dextram Aurem pertineant; ne scilicet Res exhibitæ, si modò ad Dextram; modò verò ad Sinistram Aurem spectarent; confusionem inducerent. Deinde ubicunque Cavitatem aliquam, utputa Meatum Auditorium, Canalem Cochlearæ, &c. exprimere debuimus; obtulimus delineandam Pictori illam Cavitatem, non utcunque apertam, aut semidetectam; sed à circumpositis omnibus partibus sive ossis, sive alius generis ità liberatam, ut nihil aliud reliquum esset, quam ultima ejusdem superficies. Quam Cavitatum hujuscemodi delineandarum rationem ideò servavimus, quia sublato toto illo osse, quod circa ipsas ut plurimum solent relinquere; & quod aut raro, aut nunquam ad aliquid inservit; toto, inquam, illo osse sublato, veræ illarum Cavitatum figuræ, & dimensiones multò clarius

P

osten-

ostenduntur. Porro in ejusdem perspicuitatis gratiam ubi cunque rerum parvitas in causâ esse poterat, ne satis distinetè, atque absolutè eadem Res possent intelligi; Figuras dedimus, quæ naturalem ipsarum magnitudinem superent: quæ tamen singulæ quæ sint, suo loco indicabitur; ne quis fortè exinde fallatur; additâ insuper aliâ Delineatione ad naturalem magnitudinem. Imò passim in eundem perspicuitatis finem ex illis Subjectis, in quibus magis conspicuæ, atque majores Auris Partes occurrerent, ex illis, inquam, Tabulas nostras delineari, curavimus. Aliàs enim pleræque hæ Partes adeò exiguæ sunt, & implicitæ, ut fortasse hisce omnibus præcautionibus non obstantibus, Aliquis, & præsertim Tironibus non satis clarè per nostras Figuras expresse judicari possint: rejeçtâ in nos illâ culpâ, quæ Partium ipsarum est. Quod tamen non itâ dico, quasi ego credam, nihil nos in his Tabulis confiendis erravisse. Si enim vel Magni Nominis Pictores sæpè in illis delineandis lapsi sunt; quæ quotidie sub oculis, imò sub penicillo habebant, & rebus quidem magnitudinis justæ, utputa cum alii distortum pedem, alii asimetrum brachium pinxere; cur Pictores meos singulari hoc munere donatos existimem; ut tot res nunquam anteâ ab ipsis vidas, nedum delineatas; & tantæ exiguitatis, quantæ istæ sunt, omnes absque ullo mendo delineare valuerint; maximè cùm sæpè sæpiùs extra Artis suæ præcepta easdem delineare, me jubente, coacti sint. Nam istud quoque scire juvabit; quòd nempe ego, cùm multorum Figuris nimiam Artis Pictoriæ curam nocuisse, cognoverim (incredibile enim est, quantum Perspectivæ leges religiosius servatæ, quantum sola umbrarum certis in locis augendarum præcepta, rerum speciem, & lineamenta illorum præcipiè oculis, qui Artem non calleant, immutare multis

tis in casibus possint) illud in Figurarum mearum delineatione præcipuum habui, ut Pictoria Anatomiarum; non verò Anatomia Pictoriæ inserviret; opportunè scilicet à strictioribus Pictorum regulis tantùm deflectendo, quantam ad perspicuum Figurarum mearum intellectum sufficere, credidi: Adeò falsum est, quod Aliqui opinantur, nihil aliud ad Anatomicas Figuras rectè conficiendas, quam excellentem Pictorem requiri, ignorantes, quantum laboris, quantumque diligentiae ab Anatomico expostuletur in præscribendo Pictori, quatenus ab Artis sue præceptis hic illic recedere debeat; sic tamen, ut hic recessus nullo modo Veritati officiat; sed potius conferat. Nec minoris studii, & patientiae est illum & omnium, & singularum Partium reperire prospectum, secundum quem potius à Pictore delineentur; talem nempe, ut quæ debent omnia, per unam, vel ad summum duas Figuras in conspectum veniant. Sed de his satìs. Ad Figuras ipsas jam descendamus.

---

## T A B U L A I.

### Figura I.

**E**xponit Auriculam cum Glandula Novâ Tragi. Quibus additæ sunt Glandula Parotis cum suo Ductu, & Glandula Lymphatica, in istâ multoties à me observata; cùm secunda delineata nondum fuerit (loquor semper in homine) & primæ, scilicet Parotidis, cum suo Ductu verus circa Auriculam situs à multis non delineetur.

- A. A. A. *Helix.*
- B. B. B. *Anthelix.*
- C. *Antitragus.*
- D. *Tragus.*
- E. *Lobus Auriculæ.*
- F. F. *Cavitas Innominata.*
- G. *Scapha.*
- H. H. *Concha, quasi in duas, ut videre est, Cavitates distincta, Superiorem nimirùm, & Inferiorem.*
- I. I. *Parotis Glandula.*
- K. *Glandula Tragi.*
- L. *Glandula Lymphatica, in Parotide multoties à me observata.*
- M. M. *Parotidis Ductus.*
- N. *Ductus Orificium hians in Cavitate Oris, cum bujus tunicæ parte.*

## Figura II.

Demonstrat Auriculæ, atque Meatus Auditorii Cartilaginem cum Incisuris: quæ licet cum suâ Cartilagine ad Meatum Auditorium spectent; attamen, ne harum seorsim ostensarum Figura minùs perspicua esset; item ne frustra fieret Figurarum multiplicatio; hic simul delineatæ sunt: quibus de causis etiam in sequentibus Tabulis non pauca, quæ in Descriptione disiuncta sunt, in Delineatione unire debuimus.

- A. A. A. *Cartilago Auriculæ.*
- B. B. *Cartilago Meatus Auditorii.*
- C. C. *Incisuræ.*
- D. *Acutus Processus Cartilaginis Auriculæ.*

E. *Por-*

E. Portio illa ejusdem Cartilaginis, quæ ad Helicis extre-  
mum à reliquâ Auriculæ Cartilagine desinuitur.

### Figura III.

Demonstrat Musculos Externos Auriculæ tum ab aliis de-  
scriptos tum à nobis additos.

- A. *Musculus Superior.*
- B. *B. Helix anteriora versùs deppressa, ut distinctius Mu-  
sculi Postiores, & Fibræ Transversæ conspiciantur.*
- C. *C. Musculi Postiores.*
- D. *D. Fibræ Carneæ Transversæ à nobis descriptæ.*
- E. *Musculus Anterior noster.*

### Figura IV.

Exprimunt Musculos Internos à nobis inventos.

- A. *A. Cutis secta, ut appareat Musculus subjectus.*
- B. *Musculus Tragi.*
- C. *C. Cutis secta, ut manifestetur Musculus Antitragi;  
ad quem ex toto ostendendum insuper ipse Antitragus ver-  
sùs Concham, Meatumque Auditorium deppressus est.*
- D. *Musculus Antitragi.*

### T A B U L A II.

Exprimunt hæc Tabula Auriculam, tali pacto dispositam,  
ut Nervorum, Arteriarum, & ex parte etiam Venarum  
ad ipsam spectantium excursus in conspectum simul  
veniat.

- \*\* *Auricula Helice, & Anthelice versùs Concham aliquantum depressa.*
- A. *Nervus inter primam, & secundam Colli Vertebram exiens, & primo descendens.*
- B. *Eiusdem Nervi, sursum postea reflexi, Ramus versùs Auriculam incedens.*
- C. *Ramus ad Mandibulam Inferiorem.*
- D. *Ramus ad Musculos, qui in Collo sunt, prope originem amputatus.*
- E. *Rami C. alter Ramulus ad Parotidem.*
- F. *Rami B. alter Ramulus ad eandem Parotidem.*
- G. *Rami ejusdem B. Ramus ille, qui per posteriorem Auriculam ascendit.*
- H. *Locus, ubi Ramus iste G. cuius ustio à quibusdam Præticis ad tollendam Odontalgiam proponitur, certius uretur.*
- I. *Ramus B. post Auriculam versùs Capitis superiora procedens.*
- K. *Auditorii Nervorum Paris Portio Dura, ibi resecta, ubi à Falloppii Aqueductu egreditur.*
- L. *Eiusdem Portionis Ramus subdivisus in Ramulos.*
- M. M. M. *qui per Faciem sparguntur.*
- N. *Alter ejusdem Portionis Ramus, à quo multæ Propagines ad Mandibulam Inferiorem mittuntur.*
- O. O. O. *Ex eâdem Portione Ramulus, qui versùs Capitis superiora tendendo, Meatu Auditorio, necnon Auriculæ prospicit; per cuius quidem anteriorem partem; licet Figuræ situs ex parte id tegat; excurrit. Nec mihi adhuc licuit ullum sensibilem Ramum ex Durâ Portione à tergo Auriculæ excurrentem videre, ut neque Rami illius, qui per Faciem diffunditur, vulgatam illam in formam Anserini Pedis, expansionem. Quod Veri-*

ritatis amore inculco; & ne quis fortè Tabulam hanc oscitanter delineatam suspicetur.

P. *Truncus Venæ Jugularis Externæ*, in quem *Auricula* remittit sanguinem per duos *Ramos Venosos p. p.*

Q. *Ramus Arteriæ Carotidis Externus*, qui *Ramulo r.* hinc amputato, ad *Parotides missō*, *Ramulum s. pariter* ad evitandam confusionem resectum, per *Auriculæ posteriora* diffundit; *Ramulos* verò t. t. per ejusdem anteriora; deinde ulterius procedens, insignem *Ramum u.* ad *Capitis superiora* mittit.

## T A B U L A III.

### Figura I.

**E**Xhibet Auriculam, simul cum Meatu Auditorio, à parte posteriori; utrumque tamen versus Faciem aliquantum inclinatum; ut tota ejusdem Meatus à nobis descripta Tortuositas in conspectum veniat.

A. *Auricula.*

B. *Meatus Auditorius.*

E. *Auditorii Meatus Extremum.*

### Figura II.

Exprimit Glandulas Meatus Auditorii cum suo Corpore Reticulari ab eodem Meatu separatas, & extensas: quas quidem intrà Areas naturalibus ampliores, consultò (ut nempe distinctiores essent) delineavimus.

### Figura III.

Demonstrat cum Auriculâ, Meatu Auditorio, hujusque Glandulis, Membranam Tympani, & Chordam, Incudem, & Malleum, Tubamque Eustachianam, omnia itâ simul unita; ut vera singulorum cum aliis connexio, item positura exactè percipiatur. Quæ omnia conspi- ciuntur à parte posteriori, & quidem versùs eandem partem aliquantùm inclinata; ut nempe duo indicata Ossicula melius sub oculos cadant.

Quænam in hac Figurâ sit Auricula, & quinam Meatus Auditorius, præmissa Figuræ I. Explicatio sat docet in tantum, ut videri possemus Lectorum patientia abuti; si Litteras hic, & Explicationem in idem adderemus. Quam ob causam in sequentium quoque Tabularum Fi- guris ut plurimùm illa Characteribus designare mittemus, quæ per præcedentium Figurarum Litteras, & Expli- cationem satis nota esse, existimabimus: maximè ubi res minimæ fuerint; quæ nempe per additos Charac- teres confunduntur, aut obteguntur potius; quam indi- centur.

A. *Glandulæ Meatus Auditorii cum Corpore suo Reticu- lari, quas Figura II. extra situm ostenderamus, in na- turali situ delineatæ.*

B. *Incus.*

C. *Malleus.*

D. *Portio Ossea ex pariete Sinuositatis Mostoideæ; illa nempe, cui alligatur Processus Brevior Incudis; ideo relictæ, ut quæ de ejusdem Incudis Hypomochlio Cap. II. & V. habuimus; eò faciliùs intelligantur.*

E. *Chor-*

- E. *Chorda Tympani.*
- F. *Membrana Tympani, à Malleo introrsum elevata.*
- G. *Tuba Eustachiana, sive potius ejus Cavitas.*
- H. *Tubæ Principium.*
- I. *Ejusdem Finis.*

### Figura IV.

Demonstrat Malleum, ejusque Processus, naturali magnitudine majores.

- A. *Caput Mallei secundum illam partem, per quam cum Incude articulatur.*
- B. *Manubrium.*
- C. *Caput Mallei secundum partem oppositam.*
- D. *Processus Minor.*
- E. *Processus Minimus,*
- F. *Processus Major: ex quibus Processibus constituitur Manubrium.*

### Figura V.

Repræsentat Malleum, ejusque Musculos, omnes naturæ li magnitudine majores.

- G. *Malleus.*
- H. *Musculus Processus Minoris.*
- I. *Musculus Processus Minimi.*
- K. *Musculus Processus Majoris.*

### Figura VI.

Incudem, & Os Orbiculare dictuum repræsentat, naturali magnitudine majora.

Q

L. Cor-

- L. Corporis Incudis ea pars, quæ articulatur cum Malleo.  
 M. Processus Longior Incudis.  
 N. Os Orbiculare, qnod unitur extremitati ejusdem Longioris Processus.  
 O. Processus Brevior Incudis.

## Figura VII.

Exhibet Malleum, Incudem, & Os Orbiculare, omnia simul, ut naturaliter sunt, connexa; sed naturalibus majora.

- P. *Incus.*  
 Q. *Malleus.*  
 R. *Os Orbiculare.*

## Figura VIII.

Demonstrat Stapedem, & Os Orbiculare, item ejusdem Stapedis Basim, visam secundum faciem internam, & externam, omnia naturalibus majora.

- S. *Stapes.*  
 T. *Stapedis Capitulum, cuius parvæ cavitati Os Orbiculare superpositum est.*  
 V. *Basis Stapedis secundum faciem internam, sive Vestibulum respicientem, quæ gibba est.*  
 X. *Eadem Basis secundum faciem externam, sive Stapedis Crura spectantem, quæ concava est. Illud verò advertatur, velim; me scilicet in hac Basi delineanda consultò à vulgatis ejusdem Delineationibus recessisse; cum ipsa reverè non sit exactè ellyptica, ut delineari solet; sed tantum ad ellypticam figuram accedat; atque insuper*

per ex unâ parte ejus margo leviter deficiat.

## Figura IX.

Exprimit Stapedem, & Membranam, per quam ejus Basis circumalligatur Fenestræ Ovali; naturalem magnitudinem pariter excedentes.

## Figura X.

Exhibit Stapedem cum Osse Orbiculari, in suo situ collocato: item ipsius Stapedis Musculum, omnia naturalem magnitudinem superantia.

- A. *Stapes cum Osse Orbiculari, in suo situ collocato.*
- B. *Musculus Stapedis.*

## Figura XI.

Repræsentat omnia Ossicula ad invicem, ut naturaliter sunt, unita; naturalibus tamen majora. Curavimus autem tum in hac, tum in præcedentibus, quæ ad ista Ossicula pertinent, septem Figuris, ut naturalis magnitudo excederetur ad hoc, ut distinctiora essent omnia. Cæterum qui Ossiculorum omnium naturalem magnitudinem, & naturalem respectu totius Auris situm videre cupit? is Tabulam X. adeat.

- C. *Incus.*
- D. *Malleus.*
- F. *Stapes; inter quem, & Incudem Os Orbiculare conspicitur.*

**Figura XII.**

Repræsentat Novum Muſculum Tubæ Eustachianæ.

**H. Pars Carnea Muſculi.**

**I.I. Pars Tendinea ejusdem.**

**Figura XIII.**

Exponit Cartilaginem Tubæ Eustachianæ, inversam.

**I.I. Pars Cartilagineis, quæ latus Tubæ anterius pro minori tantum parte componit.**

**K. K. Pars Cartilagineis, quæ latus Tubæ posterius pro majori parte componit.**

**Figura XIV.**

Repræsentat Tubam Eustachianam, à parte posteriori vi-  
sam, unà cum omnibus ejus Partibus in situ, atque  
Canali Osseo, per quem Muſculus Processus Majoris-  
Mallei excurrit.

**A. Principium Tubæ.**

**B. Canalis Osseus Muſculi Processus Majoris Mallei, a-  
pertus.**

**C. Pars Ossea Tubæ.**

**D. D. Pars Cartilaginea.**

**E. e. Pars Membranacea.**

**F. F. Muſculus Tubæ Novus.**

**G. Finis Tubæ.**

## T A B U L A IV.

**E**xprimit hæc Tabula faciem exteriorem Basis Calvariæ, parte anteriori elevatæ ad hoc, ut Tubæ Eustachianæ, & Novi earundem Musculi, necnon Musculi Salpingostaphylina, item Meatuum Auditoriorum Incisuræ, horumque omnium situs magis in conspectum veniant. Idcirco enim hanc Tabulam concinnavi, ut nempe hæc omnia in eo, quem respectu Calvariæ Partium obtinent, situ conspicerentur; tum ut Nova pro Venis Occipitalibus Foramina indicarentur. Curavi tamen, ut cætera omnia, quæ in hac Tabulâ conspiciuntur, in specie Foraminum omnium situs, clarissimè, & exactissimè delinearentur; maximè cùm vulgatas istiusmodi Calvariæ Basis Figuras alias confusas; alias mancas; alias etiam ex parte falsas animadverterim.

- A. A. Os Occipitis.
- B. B. Sutura Lambdoides.
- C. C. Processus Mamillares.
- c. c. c. c. Suturæ Ossium Temporum cum Osse Occipitis.
- D. Foramen Maximum Occipitis, per quod Spinalis Medulla, & Vertebrales Arteriæ transeunt.
- d. d. Nova Foramina, pro ingressu nostrarum Venarum Occipitalium intrà Cranium: quæ quidem non minus, ac nonnulla alia Foramina, quæ in hac Tabulâ ostenduntur, alias majora; alias etiam minora observantur.
- E. E. Ossis Occipitis Processus duo, per quos illius articulatio cum primâ Vertebrâ Colli obtinetur.
- e. e. Foramina, quæ permittunt egressum Venis Vertebralibus è Jugularium Diverticulo.

F. F. Auriculæ.

f.f.f.f. Auditorium Meatum Cartilagineum cum suis Incisuris.

G.G. Processus Styloides.

g.g. Foramina extremitum Aqueductum Falloppi constituenta, per quæ Portio Dura Auditorii Nervorum Paris utrinque egreditur.

H.H. Foramina, per quæ à suis Specubus exeunt Iugularis Venæ.

h.h. Foramina pro egressu Nervorum Nonæ Conjugationis.

I.I. Foramina pro ingressu Arteriarum Carotidum.

i.i. Membrana interiora Narium vestiens, indè versus Pharyngem producta, in suo situ relicta.

K.K.K.K. Tubæ Eustachianæ, quarum duæ K.K. versus Processus Styloides, indicant earundem Partem Osseam; duæ verò aliæ K.K. reliquam earundem partem designant.

L.L. Extrema Tubaum Orificia, sive Fines, quorum dextrum à Musculo Salpingostaphylino, eidem Orificio naturaliter subjecto; ast hic ratione situs delineatæ Calvariae superposito; non minus, quam ipsa Tuba, & Musculus Tubaum Novus, ex parte obvelatur.

I.I. Processuum Pterygoidum Alæ Internæ, per quarum inferiorem partem suos tendines transmittunt Novi Tubaum Musculi.

M.M. Processuum Pterygoidum Alæ Externæ,

m.m. Novi Tubaum Musculi; quorum tendines excurrunt per partem inferiorem Alarum l.l. & dcinde, rursus explicati, circa inferiorem marginem Internorum Nasi Foraminum in istorum Membranam desinunt.

n.n. Musculi Salpingostaphylini, quorum dexter in situ na-

naturali relictus; sinister verò à socio amputatus, &  
à situ diductus est; ut distinctius subiectæ Tubæ progres-  
sus, & Finis, item Musculi Tubæ Novi in eandem in-  
sertio ex toto manifestetur.

O. Situs, in quo indicatus sinister Musculus fuit à socio  
resectus.

o. o. Foramina pro ingressu Arteriarum Duræ Matris.

P. P. Foramina, per quæ Nervorum Quinti Paris Ma-  
iores Rami egrediuntur.

p. p. p. p. Suturæ Ossium Temporum cum Osse Sphenoide.

Q. Q. Foramina Nasi Interna.

q. q. Suturæ Processuum Ossium Temporalium cum Primo  
Pari Ossium Mandibulæ Superioris: ex quibus duobus  
itâ per Suturam unitis Os Iugale constituitur.

r. r. Suturæ Primi Paris Ossium Mandibulæ Superioris  
cum Tertio Pari Ossium ejusdem Mandibulæ.

s. s. Foramina pro excursu Vasorum Sanguineorum ad Pa-  
latum.

T. Quintum Par Ossium Mandibulæ Superioris.

V. Tertium Par Ossium Mandibulæ Superioris fornicem  
Palati cum præcedente constituens,

u. u. u. u. u. u. Dentes Molares.

x. x. Dentes Canini.

y. y. y. y. Dentes Incisores.

z. Foramen pro transitu humoris, qui à Narium Cavita-  
tibus ad Palatum per duos parvos Ductus transmittitur.

## TABULA

## T A B U L A V.

## Figura I.

**E**xprimit Uvulam, secundūm partem anteriōrem, cum suis Musculis, juxta Novam Descriptionem nostram delineatis. Quæ omnia non ideò absque reliquo Pharynge in hac Figurâ exhibemus, quia reverà Uvulam à Pharynge separandam esse, credamus, sed ne res sinè ullâ necessitate multiplicentur; cùm nempe eadem, quæ in hac Figurâ omittuntur, debeant in sequenti delineari.

A. *Uvula.*

B. *B. Musculi Salpingostaphylini.*

C. *C. Musculi Glossostaphylini.*

D. *D. Musculi Pharyngostaphylini.*

e. *e. Tonsillæ: quas porrò adiunximus tum ut rerum cæterarum situs eò facilius, & exactius intelligeretur; tum quia reverà Tonsillæ possunt accipi pro partibus, aut saltè pro appendicibus ipsius Pharyngis.*

## Figura II.

Exprimit Pharyngem, secundūm partem anteriōrem, cum suis omnibus juxta Descriptionem nostram Orificiis & Musculis; exceptis Musculis Glossostaphylinis, in superiori Figurâ ad Litt. C. C. sufficienter delineatis; in hac verò omissis, ne progressum Pharyngostaphylinorum obvelarent.

F. *F. Musculi Salpyngostaphylini.*

G. *Uvula suā Membranā, necnon parte glandulosā denudata,*  
*ut*

ut appareant fibræ musculares in eandem se inserentes.  
Eandem verò Uvulam sursum aliquantum traximus, ut  
Orificio Pharyngis ad Nares aliquatenus in conspe-  
ctum veniret.

H. H. Musculi Pharyngostaphylini, sive mavis Staphylo-  
pharyngæi: à quorum dextro Membrana investiens sub-  
lata est, ut fibrarum ejus \*\* integer progressus mani-  
festetur.

I. I. Musculi Glossopharyngæi: quorum progressus ut ex to-  
to appareret; partem superiorem Membranæ Pharyngis  
abstulimus.

K. K. Orificio Pharyngis ad Nares.

L. L. Musculi Stylopharyngæi.

M. M. M. M. Musculi Hyopharyngæi.

N. N. N. N. n. n. Musculi Thyropharyngæi.

O. O. Musculus Cricopharyngæus.

P. Oesophagi principium.

Q. Q. Orificio Pharyngis ad Os: quod tametsi Orificio-  
rum Pharyngis maximum est; multum tamen hic majus  
apparet, quam reverè sit; & hoc propter ablatum La-  
ryngem; qui nempe à Musculo Cricopharyngæo usque ad  
Musculum Hyopharyngæum extenditur.

r. r. r. r. r. r. Glandulæ, hic illic in Pharyngis Cavitate  
conspicuae.

S. Orificio Pharyngis ad Oesophagum.

## T A B U L A VI.

**E**xponit Pharyngem, & omnes ejusdem Musculos se-  
cundùm partem posteriorem, omnia juxta Novam De-  
scriptionem nostram delineata.

R

A. A.

A. A. *Musculi Salpingostaphylini.*

B. B. *Musculi Glossopharyngæi.*

C. C. *Musculi Glossostaphylini.*

\* *Uvula suâ Membranâ, necnon parte glandulosâ denudata; eademque sursum aliquantum retracta, ut Orificium ad Nares conspicatur.*

D. D. *Orificium Pharyngis ad Nares.*

2. 2. *Musculi Pharyngostaphylini.*

E. E. *Stylopharyngæi.*

F. F. F. F. *Hyopharyngæi.*

G. G. G. G. g. g. *Thyropharyngæi.*

H. H. *Cricopharyngæus.*

3. 3. *Linea tendinosa, quam concurrentes Musculi Glossopharyngæi, Hyopharyngæi, Thyropharyngæi componunt.*

I. *Oesophagus.*

## T A B U L A VII.

### Figura I.

A. A. *A Rteriæ Carotidis illa portio, quæ per Canalem Osseum ad Cerebrum scandit.*

B. *Ramulus, qui ab eâdem Arteriâ prope Ossei Canalis principium discedit, & Tympano prospicit.*

### Figura II.

Demonstrat portionem inferiorem Sinus Lateralis dextri Duræ Matris, à parte posteriore inspecti, necnon illud, ut Willisius vocat, Diverticulum, quod inter Sinus finem, & Venæ Iugularis principium interponitur, unâ cum Venâ Occipitali, Venâque Tympani; quarum duarum

rum in Sinum, & Diverticulum ingressus ut quò loci fiat  
distinctius percipiatur; tum ne Figura manca sit; alia  
Vasa magis nota in Sinum, & Diverticulum pariter in-  
gredientia addita sunt.

- A. A. *Portio inferior indicati Sinus.*  
B. *Locus, ubi portio hæc inferior à superiori resecta est.*  
*Cavitas autem Sinus istius, quæ per sectionem conspi-*  
*citur, figuram (ne quis miretur) ideo diversam à fi-*  
*gura vulgata exhibemus; quia reverè Cavitas hujus*  
*Sinus non undequaque æqualiter curva est; sed qua parte*  
*Cerebrum respicit, est compressa, & quasi complanata;*  
*licet soleat tanquam exactè cylindrica delineari. Eadem de*  
*causa etiam Cavitatem duorum sequentium Sinuum simi-*  
*li figura delineamus: imò figuram quoque indicati Diver-*  
*ticuli non parum à communioribus ejusdem Figuris discre-*  
*pantem; at cum Naturā magis congruentem exhibemus.*  
C. *Sinus Sellæ Equinæ Adiacens Superior.*  
D. *Sinus Sellæ Equinæ Adiacens Inferior.*  
E. *Vena Vertebralis.*  
F. *Vena Occipitalis à nobis descripta: cuius Rami f. f. à*  
*posterioribus Auriculæ proveniunt; cæteri vero, sci-*  
*licet.*  
G. G. *Rami sunt, qui ad eandem mittuntur à partibus*  
*Occipitis.*  
H. *Diverticulum illud indicatum, quod nempe inter Sinus*  
*Lateralis finem, & Jugularis principium interponit.*  
I. *Principium Venæ Jugularis.*  
K. *Vena Tympani.*

### Figura III.

Exhibit totum progressum Duræ Portionis Auditotii Ner-

vorum Pàris, dum intrà Canalem Communem, & Pàticularem excurrit cum Surculis ; quos eadem, intrà Cranii necnon intrà Tympani Cavitatem distribuit , item Chordæ Tympani, sive potius Ramuli , qui ipsam constituit, progressum, & parvum Surculum.

- a. Portio Dura intrà Canalem Communem contenta.
- b. b. Eadem Portio à Canali Communi in Canalis Particularis alteram Partem, & ab hac in Cranii Cavitatem perveniens , intrà quam per Duram Menyngem, necnon per Quinti Paris Truncum Surculos spargit.
- c. Ramulus , qui Tympani Chordam constituit.
- 2. Ejus Propago in Minimi Processus Mallei Musculum.
- d. (sive tractus , qui comprehenditur inter duas lineas. à quibus idem d. includitur) Ejusdem Ramuli illa pars, quæ Chorda Tympani dicitur.
- e. (sive totus reliquus tractus) Ejusdem Ramuli illa pars, quæ per peculiarem Canaliculum ad Duram Portionem transit , cum qua unitur.
- f. Alter Nerveus Ramulus , qui à Quinto Parit transmititur , ut loquuntur , ad Duram Portionem, cum qua eodem loco , ac præcedens Ramulus , unitur.
- g. Portio Dura intrà Canalis Particularis alteram Partem inclusa.
- h. b. Duo ejusdem Surculi ad Sinuositatem Mastoideam.
- i. Surculus alius ad Musculum Stapedis.
- k. Portio Dura ad finem Particularis Canalis resecta. Porro totum id, quod resectum est, jam in Tabula II. exhibuimus.

## Figura IV.

Exponit Canales Osseos, per quos Nervi Auditorii excurrunt.

A. Ca...

- A. *Canalis Communis.*
- B. *Duae ex Sinuositatibus, quae ad eius finem occurruunt.*
- C. *Canalis Particularis.*
- D. *Foramen, per quod una istius Canalis Pars in Cranii Cavitate aperitur.*
- E. *Foramen, per quod alter istius Canalis Pars hiat inter Mamillarem, & Styliformem Processum: quod Tabula IV. designatur per Litteram g,*

### Figura V.

Exponit eosdem Canales Nervorum Auditoriorum simul cum pluribus Auris Partibus; præcipuè verò cum Tubâ Eustachianâ, &c. ad hoc, ut eorundem situs respectu earum Partium in Aure appareat, necnon ut cuicunque constare possit, aliud esse Aquæductum Falloppii, aliud Tubam Eustachianam; cùm aliàs à multis, saltè nomine, hæc duo confundantur,

- A. A. *Aquæductus Falloppii, sive Canalis Particularis.*
- B. *Canalis Communis.*
- C. *Tuba Eustachiana.*

### T A B U L A VIII.

### Figura I.

**E**XHIBET Canales Semicirculares qua parte Cerebrum spestant. Quos quidem majoris perspicuitatis gratiâ itâ delineavimus, ut naturalem magnitudinem aliquoties excedant. Quod idem servavimus etiam in omnibus; si III. & XI. excipias; hujuscce Tabulæ Figuris; cùm

ad rerum naturalem magnitudinem concipiendam alias sufficienter inservire possit Tabula X.

- a. *Canalis Major.*
- b. *Canalis Minor.*
- c. *Canalis Communis.*
- d. d. *Canalis Minimus.*
- 1. *Orificio Proprium Canalis Majoris.*
- 2. *Orificio Proprium Canalis Minoris.*
- 3. *Orificio Commune.*
- 4. *Orificio Angustius Canalis Minimi.*
- 5. *Orificio ejusdem Latius.*

## Figura II.

Exprimit integrum Labyrinthe Cavitatem qua parte Cerebrum spectat.

- e. *Canales Semicirculares:* qui cum sunt in hac Figura in iisdem sitibus, ac in praecedenti; singuli absque repetitis hic Litteris, per Litteras in eadem praecedenti Figura appositas distinctè dignosci poterunt.
- f. *Vestibulum.*
- g. *Foramina in fornice Vestibuli pro ingressu Nervorum,* non tria; ut ab aliis traditur; sed quinque.
- h. *Cochleæ Canalis,* cuius apex videri debet descendere, sive retrocedere: id enim per Operarum errorem, sive potius propter operis difficultatem non satis expressum est.

## Figura III.

Exhibit *Canales Semicirculares*, non in suum naturalem semi-

semicirculum curvatos; sed in longum evolutos. Hanc enim Figuram excogitavi, tum ut singulorum Orificio- rum figuræ distinctius percipi, tum ut singulorum Ca- naliū naturales magnitudines exactius concipi queant. Ne verò Aliquis cùm in Tabulâ X. Canales ad natura- lem magnitudinem pariter expressos, sed minores appa- rentes inspexerit; illicò finem aut istius Figuræ, aut illius Tabulæ in dubium trahat; cogitet, velim, aliam speciem esse ejusdem rei curvatæ, aliam evolutæ: item Canales figuræ Ellypticæ; quales quidem Canales Semi- circulares sunt; ab unâ parte inspectos, unam latitudi- nem; ab aliâ verò, aliam ostendere, animadvertat

i. *Orificium Proprium Canalis Minoris.*

k. *Orificium Proprium Canalis Majoris: in quod ante- quām desinat ipse Canalis, in Orbicularē Cavitatem laxatur.*

l. *Orificium Commune.*

m. *Orificium Latius Canalis Minimi.*

n. *Orificium ejusdem Angustius.*

## Figura IV.

Demonstrat totum Labyrinthum pariter, ac in Figurâ II. ostensus est; inversum tamen; ut secundūm alteram par- tem, qua nempe Tympani Cavitatem spectat, conspi- ciatur; adeòque Fenestra Ovalis, & Rotunda possint videri.

1. *Canalis Major.*

2. *Canalis Minor.*

3. *Canalis Minimus.*

4. *Canalis Cochlearæ; cuius apex videri debet assurgere,*  
*sive*

*sive extare (Vid. Tab. X. Fig. I.)*

*o. Fenestra Ovalis.*

*p. Fenestra Rotunda.*

## Figura V.

Demonstrat Labyrinthum quā Cerebrum spectat, pariter, ac in Figurā II. ostensus est; itā tamen præparatum per ablationem partis superioris Vestibuli Cavitas, & in hac Orificia Canarium, Fenestræ Ovalis, necnon Scalæ Vestibuli, omnia in proprio situ manifestentur.

*Orificia Canarium non indico, cùm hæc sufficienter dignosci, & distingui possint ex Figura I.*

*q. Fenestra Ovalis, quæ in Fundo Vestibuli aperta observatur.*

*r. Orificio Scalæ Vestibuli.*

## Figura VI.

Duas Cochlearæ Scalas cum ipsarum progressu, atque' Orificiis demonstrat. Deberent autem & Scalarum istarum apices non in eodem cum principiis Scalarum plano videri; similiter nempe, ac de integro Cochlearæ Canali notatum est paulò supra in Explicationibus Figuræ II. & IV. Quale quid (ne hoc amplius repetamus) in Figurâ VII. & aliquâ parte Figurarum VIII. & IX. hujus Tabulæ; item Figuræ III. Tabulæ X. desiderari potest.

*s. Orificio Scalæ Tympani, sive ipsa Fenestra Rotunda.*

*t. Orificio Scalæ Vestibuli.*

*u. Scala Tympani.*

*x. Scala Vestibuli.*

Figura VII.

Demonstrat Septum Cochleæ, & duas illius Substantias.

- a. *Substantia Solidior, sive Lamina Spiralis.*
- b. *Substantia Mollior, sive Zona Cochleæ.*

Figura VIII.

Exhibit Nervorum Auditoriorum Portionem Mollem cum utrâque ejus parte, necnon omnibus Zonis Sonoris, in eodem situ ostensis, in quo conspicerentur; si totâ illa superficie, quam in Figurâ II. exhibemus, sublatâ, Labyrinthus aperiretur.

- c. *Portio Mollis.*
- d. *Ejus Pars, quæ in quinque Surculos divisa Vestibulum subit, & in Membranam Vestibuli expanditur: quam Membranam distinctè per oppositam Litteram indicare negleximus; cùm ejus Figura, & dimensiones adèò in diversis diversæ sint.*
- e. *Mollis Portionis altera Pars, quæ nempe Cochleam ingreditur.*
- f. *Tres Zonæ, quæ à Membranâ Vestibuli protenduntur in Canales Semicirculares: quarum singulis ideò Litteras non apponimus, quod per Explicationem Canalium in Figurâ I. & II. ostensorum; quibus nempe situs respondent; distinctè singulæ dignosci queant.*
- g. *Zona Cochleæ (eadem, quam in præcedenti Figurâ sub Litterâ b. ostendimus) quæ probabiliter expansio est illius Partis Portionis Mollis, quam modo per Litteram e. indicavimus.*

S

h. *Ejus-*

*h. Ejusdem Zonæ illa pars, quæ Scalarum Cochlearum Ori-  
ficiis interponitur: quæque an Membranæ Vestibuli con-  
tinuetur, adhuc sufficienter detegere non potuimus.*

### Figura IX.

Eadem, quæ præcedens, ostendit; sed Zonas in opposito demonstrat situ; in illo videlicet, in quo conspicerentur, si totâ illâ superficie, quam in figurâ IV. exhibuimus, sublatâ, Labyrinthum aperiremus.

Si opus est; inspici potest Explicatio ejusdem Figuræ IV. simul cum Explicatione præcedentis.

### Figura X.

Ostendit Mollem Nervorum Auditoriorum Portionem, & Vasa Sanguinea, simul cum ipsâ à Cerebro in Labyrinthum descendantia; item ejusdem expansionem in Membranam Vestibuli, & indè in Canalium Semicirculairum Zonas. Porrò hæc ostendimus in eodem situ, in quo conspicuntur in superiori Figurâ VIII. ad cuius Figuræ majorem perspicuitatem; nempe ut pateret, qua ratione Zonæ Sonoræ Canales Semicirculares ingrediantur, eodem Canales in hac Figurâ reliquimus.

Vide Explicationem ejusdem Figuræ VIII. item Explicationem Figuræ I. sive mavis II.

### Figura XI.

Demonstrat eandem Portionem Mollem simul cum Portione Durâ ambas ad naturalem magnitudinem expressas.

*k. Por-*

k. *Portio Mollis.*

l. *Quinque Nervei Surculi, in quos divisa ejusdem Portionis una Pars Vestibulum ingreditur: altera verò ejusdem Pars, quæ videlicet Cochleam subit; in hac Figura sub oculos cadere non potest.*

m. *Dura Portio.*

n. *Eadem à Canali Communi in Particularem deflectens.*

## T A B U L A IX.

**E**xibemus in hac Tabulà primò \* Unciam Bononiensem in duodecim partes, sive lineas divisam; ut nempe juxta, ac polliciti sumus in Præfatione, scire omnes possint, quam Mensuram innuamus; cùm lineam dicimus.

Deinde verò ex tot, quas è diversis Subiectis collegimus, Canarium Semicircularium Mensuris, paucas aliquot, quæ modò ad manum sunt, exhibemus; ad hoc ut possit quisque per se deducere tum duo illa, quæ nos ex eisdem eruimus, nempe quòd longitudinum eorundem Canarium generalior quidem proportio; quòd scilicet unus major, alter minor, tertius verò minimus sit, stabilis est; At quòd magis præcisa proportio, incerta, & varia in variis existit sic, ut determinari (à nobis quidem) non possit; tum alia, quæ meliora, & exercitatiōra Doctorum Virorum Ingenia ex eisdem colligere fortasse poterunt.

*Itaque ut hæ Mensuræ perspicuè possint intelligi; quatuordecim Litteræ A. B. C. &c. totidem diversa Subjecta sunt, ex quorum singulorum alterā tantummodo Aure (nam eadem in utrāque Aure dimensiones) singulorum Canarium Semicircularium Mensuræ collectæ sunt. Nu-*

meri verò Imperiales I. II. III. singuli singulos Canales connotant, hac ratione, ut I. Majorem; II. Minorem; III. verò Minimum connotet. Tres autem lineaæ Numeris Imperialibus appositaæ singulaæ Mensuræ sunt ejus Canalis, cuius Numero apponuntur. Divisiones verò in singulis notatae sunt totidem lineaæ juxta Mensuram sub \* propositam. Demum Numeri Arithmeticci summa sunt harum linearum. Secundum hæc quisque poterit sibi omnia explicare.

## T A B U L A X.

**T**abulam hanc in illum potissimum finem concinnavi, ut Anatomici, atque Philosophi clariùs, faciliùs, & ex uno quasi intuitu totam penè Auditorii Organi struturem possint concipere. Ilæ itaque Auris Partes, quæ ad Auditum præcipuè faciunt; omnes simul junctæ, necnon proprio situ, & magnitudine expressæ, prout exhibentur à Naturali Aure, à me non sine diuturno labore per circumpositi ossis abrasionem præparatâ; omnes, inquam, quæ quidem potuerunt; in hac Tabulâ repræsentantur. Porrò cùm hæ Figuræ, si quæ aliæ, ab additis Characteribus obscurari possent; ne peripicitati, cui totus, in hac præcipuè Tabulâ, studeo, res illa officeret; Characteres omisi; maximè cùm sibi quisque supplere illos possit ex præcedentibus Tabulis, earumque Explicationibus. Illis tamen Partibus, quæ ex eisdem minùs promptè intelligi possunt, Litteras addidi, aliisque etiam, quæ id pati sine obscuritate potuerunt.

## Figura I.

Exprimit Aurem ab anteriori parte, sive qua Faciem spectat ostensam, aliquantum tamen versus Occiput inclinata-

natam; ut nempe distinctius quatuor Ossicula in conspectum veniant. Quæ porrò Ossicula simul cum Chordâ, & Membranâ Tympani, item Meatu Auditorio, & Auriculâ, ex Tabulâ III. ejusque Explicatione satè dignosci, atque intelligi, supponimus; adeòque ex illis sunt Partibus, quas per Litteras indicare supersedemus.

- a. Extremitas Aquæductus Falloppiani, à qua Auditorii Nervorum Paris Portio Dura, jam Tabula II. Literâ K. ostensa, erumpit.
- b. Portio Ossea ex pariete Sinuositatis Mastoideæ, illa nempe, cui alligatur Processus Brevior Incudis; ideo relictæ, ut melius ea intelligantur, quæ de ejusdem Incudis Hypomochlio Cap. II. & V. habuimus.
- c. Musculus Minimi Processus Mallei. Musculus verò Processus Minoris huic oppositus observari non potest; quia totus sub Incude, & Meatu Auditorio reconditur.
- d. Musculus Processus Majoris, qui per totam Tubæ Eustachianæ longitudinem extenditur, à Canali suo Osseoliberatus.
- e. Cartilaginis Tubæ Eustachianæ anterius latus, in quod præcedentis Musculi Fibræ carneæ inseruntur.
- f. Musculus Novus Tubæ Eustachianæ.
- g. Musculus Stapedis, liberatus à Canali suo Osseo.
- 1. Canalis Semicircularis Major.
- 2. Canalis Semicircularis Minor.
- 3. Canalis Semicircularis Minimus.
- 4. Vestibulum, in cuius, secundùm hanc partem inspecti, fornice duo tantummodo Foramina occurruunt ex quinque illis, quæ Nerveos Surculos in ejusdem Cavitatem transmittunt. Tria, quæ supersunt, Foramina in sequenti Figurâ sub oculos cadunt.

5. *Canalis Cochleæ.*

6. *Nervorum Auditoriorum Portio Mollis unam sui Partem versus Cochleam demittens; alteram vero, quæ in Surculos quinque dividitur, in Vestibulum protendens: ex quibus Surculis duos abscidimus; ne duo illa, per quæ ipsi ingrediebantur, modo indicata Foramina obtegerent.*

## Figura II.

Aurem exprimit, visam à parte posteriori, sive qua Occiput spectat, eousque tamen versus anteriora inclinatum, ut Fenestra Rotunda, Membrana Tympani, & ex parte etiam quatuor Ossicula in conspectum veniant.

a. *Aquæductus Falloppianus.*

b. *Tubæ Eustachianæ Principium.*

c. *Cartilaginis ejusdem Tubæ posterius latus.*

d. *Tubæ Finis.*

1. *Canalis Semicircularis Major.*

2. *Canalis Semicircularis Minor.*

3. *Canalis Semicircularis Minimus.*

4. *Vestibulum, in cuius ab hac parte inspeeti, fornice primò exigua tria Foramina in conspectum veniunt ex quinque illis, quæ Nerveos Surculos in Vestibulum intromittunt. Deinde sub iis Foraminibus aliud Majus Foramen occurrit: Et hoc est Fenestra Rotunda.*

5. *Cochleæ Canalis, intrà cuius gyros relicta est Sinuositas illa Minimis Foraminibus pertusa, ex qua ea Pars Portionis Mollis, quæ Cochleæ prospicit, eandem Cochleam per indicata Foramina ingreditur: quæ porrò majoris perspicuitatis gratiâ, paulò majuscula, quam naturaliter sint, ostenduntur. Cætera ex præcedentis Figuræ Explicatione perspicua sunt.*

Aliquis fortasse in duobus modò explicatis Iconismis Cavitatis Tympani Figuram desideraverit. Ego tamen ipsam non dedi, quia alia ostendenda abscondisset; tum quia facillimè cuique obvia est & in ipsa naturali Aure, & in ejusdem jam vulgatis Iconismis, quibus sanè quantum ad hoc nihil habebam, quod adderem; maximè verò quia ejus Cavitatis configuratio ad Auditus Phænomena intelligenda non multùm facere videtur. Quibus de causis factum est, ut in superioribus etiam Tabulis eandem delineare omiserimus.

### Figura III.

Exponit Membranam Vestibuli; item Cochleæ, & Canarium Semicircularium Zonas, Molli Nervorum Auditoriorum Portioni annexas, magnitudine naturali, & in eodem situ, in quo conspicerentur, si tota ista Labyrinthi superficie, quæ in præcedenti II. Figura exhibetur, sublata, ipsum Labyrinthum aperiremus.

Huic Figuræ ulteriorem Explicationem non addimus; hæc enim vix differret ab Explicatione Figuræ VIII. Tab. VIII. quam proinde repetere, si vis, potes.

### EXPLICATIONIS FIGURARUM FINIS.

F I N I S.

INDEX

# I N D E X,

## Sive mavis SUMMARIUM

*Eorum tantummodo, quæ ob Raritatem, imò ut plurimum ob Novitatem Memorabiliora, in Libello hoc scripta, aut delineata, continentur.*



**A**poplecticos Affectus, in quibus sinistra Corporis medietas resoluta est, eos causam habere in dextro Cerebri

Hemisphærio; in quibus verò dextra resoluta est, eos causam habere in sinistro, per plurimum, & plurimum Observationum in hoc consensum ostenditur Capite V. Numero VIII. Pag. 85

In talibus Affectibus juxta easdem Observationes Decubitus ratio, Localium, & Phlebotomiæ locus multò aptius præscribi poterunt. Cap. V. Num. VIII. 87

In talibus Affectibus, si medietas Corporis dextra resoluta sit; juxta easdem Observationes, & Novorum Tympani Foraminum dispositionem, Odoramenta aptius adhibebuntur sinistræ Nari, quam dextræ; & econtra. Cap. V. Num. VIII. 87. 88.

In talibus Affectibus instituta Venæ sectio ex latere Corporis non resoluto, ferè illicò profuit. Ib. Aquæductus Falloppiani cum ipsius

in Cranii Cavitate aperturâ tum extra situm, tum in situ Delineatio Tabula VII. Figura V. & IV.

Arteria Tympani. Vide Tympani &c.

Arteria, quæ per anteriorem Auriculæ partem ad Tempora ascen-  
dit, invenitur frequenter sine so-  
cia Vena, scilicet quæ ejus du-  
ctum sequatur. Cap. I. Num.  
XIV. II

Auditorius Meatus. Vid. Meatus.

Auditorii Nervi. Vid. Nervi.

Auditus unius hominis ideò frequen-  
tissimè differt ab Auditu alterius;  
quia frequentissimæ occurunt di-  
versitates inter Partes Labyrinthi  
unius hominis, & Partes Laby-  
rinthi alterius; præcipue quod at-  
tinget ad Longitudinum Canalium  
Semicircularium proportiones.

Cap. VI. Num. IX. 108. 109.

Circa causam Gravitatis Auditus Observatio Cap. V. N. V. 79

Item Vid. Ossicula. Vid. Uvulae &c.  
Sensorium Auditus propriè di-  
ctum sunt quatuor Zonæ Sono-  
ræ, tres scilicet Canalium Semi-  
cir-

# I N D E X.

sunt quatuor Zonæ Sonoræ, tres scilicet Canalium Semicircularium, & una Cochleæ. Cap. VI. N. II. 97

Ratio, cur hoc Sensorium non in unicâ; sed in pluribus Zonis à Naturâ constitutum esse, conjectatur. Cap. VI. N. IV. V. &c.

99. 100

Auditus, Vid. Tubæ Eustachianæ &c. Auricula, & in hac

Antitragi Musculus Cap. I. N. VII.

6

Hujus Musculi Delineatio Tab. I. Fig. IV.

In Conchæ gibbo Fibræ Carneæ Transversæ Cap. I. N. VII. 6

Harum Delineatio Tab. I. F. III.

Glandulæ Sebaceæ Cap. I. N. III.

3

Musculus Anterior Cap. I. N. VI. 5

Ligamentum in parte antica, Cap. I. N. 8. 7

Hujus Delineatio Tab. I. F. III.

Musculi Posteriores distinctius descripti Cap. I. N. VI. 5

Omnium Auriculæ Musculorum Usus est assiduo suo motu tonico Concham itâ firmare, ut Motus Sonori indè vividius reflectantur. Cap. IV. Num. III. 65, 66

Tragi Glandulæ Cap. I. N. V. 4

Harum Delineatio Tab. I. F. I.

Tragi Musculus Cap. I. N. VII. 6

Hujus Delineatio Tab. I. F. IV.

Auris Divisio in tres Cavitates, scilicet in Exteriorem, Medium, &

Interiorem. Cap. I. N. I. 1

Fere omnium præcipuarum ipsius Partium Mensuræ. Vid. passim per totam Primam Tractatus Partem.

Siquando in aliquâ unius Auris Parte occurrit vitium aliquod à nativitate contractum; idem profus in correspondente alterius Auris Parte se obtulit. Cap. III. N. VII.

49

Auris Ulcerum post instillati Balsami Peruviani ulum, absque ullâ remanente Auditus noxâ, Curationes. Cap. II. Num. II. 15

B.

**B**asis Stapedis. Vid. Stapedis &c.

C.

**C**anales Semicirculares in eâ quidem generaliori longitudinum proportione esse, ut unus major, alter minor, tertius verò minimus sit, determinatur; sed in qua præcisâ proportione sint, stabiliti non potest eo, quod hæc in diversa sit. Cap. III. N. VII. 49, 50.

In eodem Subiecto singuli unius Auris Canales singulis alterius Auris correspondentibus Canalibus æquales sunt. Cap. III. N. VII.

50

Mensuræ eorundem Canalium ex diversis Subiectis collectæ Tab. IX.

Orbicularis Cavitas in Canali Magiore, antequâm iste in Proprium Orificium desinat. Cap. III. N.

T

IV.

# I N D E X.

**IV.**

47

Hujus Cavitatis Delineatio Tab.

**VIII. Fig. III. &c.**

Capitis partem capillatam obtinere  
Glandulas ejusdem naturæ cum  
Auriculæ Sebaceis, ex illius partis  
unctuositate, & furfuribus con-  
jicitur. Cap. I. N. III. 2,3.

Cephalopharyngæi Musculi. Vid.  
Pharyngis &c.

Cerebri structuram esse posse gravis-  
simè labefactatam; tametsi nulla  
sensibilis læsio in eodem conspi-  
ci queat; novo adducto exemplo  
probatur. Cap. V. N. VIII.

85, 86

Chondroglossus Musculus (licet à  
Neoterico quodam ex æquo inter  
cæteros Linguae Musculos descri-  
batur) solum aliquandò invenitur.

Cap. II. N. XX.

41

Cochleæ Canalis superficies ex aliâ  
substantiâ componitur, ac super-  
ficies Canalium Semicircularium.

Cap. III. N. VIII.

51

Scala Tympani (tametsi ab aliis  
Inferior vocetur) Superior est;  
Scala autem Vestibuli Inferior.

Cap. III. N. VIII.

52

Hæ quoque differentiæ inter Sca-  
lam Vestibuli, & Scalam Tym-  
pani animadvertuntur; quod nem-  
pe hæc capacitate variet, irregu-  
lari figurâ donetur, necnon fre-  
quenter superficiem inæqualem  
obtineat; illa verò econtra Cap.  
III. N. VII.

52, 53

Ex quibus differentiis conjicitur,  
Scalam Tympani inservire potissi-  
mum ad Motus Sonoros jam mu-  
nere suo defunctos amandandos;  
Scalam ècontra Vestibuli ad eos-  
dem adhuc utiles ad omnes Zonæ  
Cochleæ partes aliquandò saltèm  
perducendos. Cap. VI. N. VIII.

107, 108

Concha. Vid. Auricula.

Cordis Nervi. Vid. Nervi.

Cranii Basis duobus Foraminibus pro-  
Venis Occipitalibus pertunditur.

Cap. I. N. XIV.

11

Horum Foraminum Delineatio  
Tab. IV. Litt. d. d.

Aliorum Foraminum ejusdem Ba-  
sis non minus vera, quam clara  
Delineatio Tab. IV.

Cricopharyngæus Musculus. Vid.  
Pharyngis &c.

Cystici Tumores. Vid. Glandulæ  
Sebaceæ. Vid. Palpebrarum &c.  
D.

**D**Eglutitio quemodò fiat. Vid.  
Pharyngis &c.

Observatio, & Curatio Deglutitionis Impeditæ à Luxatione Ap-  
pendicu Cartilaginearum Ossis  
Hyoidis Cap. II. N. XX. 39

Diverticuli inter Jugularem Venam,  
& Sinum Lateralem interpositi ve-  
rior Delineatio Tab. VII. F. II.

Ductus Seminiferi. Vid. Testium  
&c.

Dura Matris structuram, illum, quo  
ipsa madet, humorem suppedita-  
re,

# I N D E X.

re, indicatur Cap. II. N. XV. 31  
Dura Mater. Vid. Nervus. Vid.  
Sinuum &c. Vid. Tympani &c.

## F.

**R**atio, cur Fenestræ Rotundæ ta-  
lis situs obtrigerit; ut Mem-  
branam Tympani ex adverso non  
respiciat; talis verò obtigerit Mem-  
branulæ ejusdem Fenestræ, ut non  
in extremo hujus margine, sed  
paulò interius collocetur. Cap. VI.  
N. VII. 103

Foramina Basis Cranii. Vid. Cranii  
&c.

Foramen in Membranâ Tympani.  
Vid. Tympani &c.

Foramina, Per quæ Tympani Cavi-  
tas cum Cranii Cavitate commu-  
nicat, Vid. Tympani &c.

## G.

**G**landula Lymphatica in Paroti-  
de. Vid. Parotis.  
Parotis. Vid. Parotis.  
Meatus Auditorii Glandulæ. Vid.  
Meatus Auditorii &c.  
Sebaceæ. Vid. Auricula. Vid. Ca-  
pitis &c. Vid. Palpebrarum &c.  
Vid. Scapularum &c.

Glandulas Sebaceas esse toti ambitui  
Corporis, aut saltè pluribus e-  
jusdem locis communes conjicitur  
Cap. I. N. III. 3  
Tales Glandulas originem præ-

bere Tumoribus quibusdam Cy-  
sticis, & præcipue Steatomati,  
conjicitur Cap. IV. N. IV. 67  
Vesicularis Glandularum Substan-  
tia (quidquid alii scripserint) de-  
monstrari potest. Cap. II. N. VII.

<sup>20</sup>  
Glossostaphylini Musculi. Vid. U-  
vulæ &c.

Gravitas Auditus. Vid. Auditus.

## H.

**H**Yoidis Ossis Cartilaginearum  
Appendicum Luxatio. Vid.  
Deglutitio.

Hyopharyngæi Musculi. Vid. Pha-  
ngis &c.

## I.

**I**ncisoræ Meatus Auditorii. Vid.  
Meatus Auditorii &c.

Infantes recens nati, cùm Audito-  
rium Meatum non solum valde  
arctum; verum etiam, simul cum  
Membranâ Tympani crassa qua-  
dam substantia obductum habe-  
ant; nihil, aut minimum audient.  
Cap. IV. N. VII. 71

## L.

**L**abyrinthus, & contentæ in ipso  
Partes Humore quodam aqueo  
madent. Cap. III. N. XVII. 61  
Integri Labyrinthi distinctæ Figu-  
ræ Tab. VIII.

Labyrinthus. Vid. Canales Semi-  
T 2 cir-

# I N D E X.

- circulares. Vid. Cochlearæ &c.  
 Lienis in Cane defectus Observatio  
     Cap. II. N. XIV.                   27  
 Ligamentum Auriculæ. Vid. Auri-  
     cula.  
 Lingua. Vid. Chondroglossus  
 Lymphatica in Nervo Optico, &  
     Retinâ. Vid. Retina.  
  
 M.  
**M**allei Majoris Processus Muscu-  
 lus inserit suas fibras in Par-  
 tem Cartilagineam Tubæ Eusta-  
 chianæ. Cap. II. N. V.           18  
 Hujus insertionis Delineatio Tab.  
     X. F. I.  
 Hoc Musculo abscisso Tympani  
 Membrana relaxatur, Cap. II. N.  
     5.                                  18  
 Hic Musculus quo tempore au-  
 dimus, relaxatus, non parum con-  
 fert, quatenus hac suâ relaxatione  
 Tubæ Eustachianæ, eodem tem-  
 pore dilatandæ, alterum latus ma-  
 gis mobile reddit. Cap. V. N.  
     XI.                                91, 92  
 Minoris Processus Musculi dete-  
 gendi modus Cap. II N. VI. 19  
 Hunc, & Musculum Processus  
 Minimi, Aliqui ideò forte non  
 admittunt; quia illos in minus  
 idoneis Cadaveribus perquisive-  
 runt. Cap. II. N. VII.           20  
 Meatus Auditorii Cutis accuratiū  
     descripta Cap. I. N. XI.       9  
 Glandularum Corpus Reticulare  
     Cap. I. N. XII.                  10  
 Hujus Delineatio Tab. III. F. I.  
     & III.

- Incessus Meatus Auditorii accu-  
 ratiū Descriptio Cap. I. N. IX. 7  
 Hujus Delineatio Tab. III. Fig. I.  
 Ejusdem observandi modus Cap.  
     I. N. IX.                          7, 8  
 Incisuræ accuratiū descriptæ Cap.  
     I. N. X.                          8  
 Incisuras conducere ad Motuum  
 Sonorum vim augendam, con-  
 jicitur Cap. IV. N. V.           67, 68  
 Meatus Auditorius. Vid. Infantes.  
 Membrana Fenestræ Rotundæ. Vid.  
     Fenestræ &c.  
 Per quam Basis Stapedis Fene-  
 stræ Ovali annectitur. Vid. Sta-  
 pedis &c.  
 Tympani. Vid. Tympani &c.  
 Stapedis intermedium spatium ob-  
 ducens V. Stapedis &c.  
 Mensuræ Canalium Semicircularium.  
     Vid. Canales.  
 Omnium ferè Partium Auris. Vid.  
     Auris.  
 Motus Sonori. Vid. Sonori.  
 Musculus Antitragi. Vid. Antitra-  
     gi &c.  
 Auriculæ Anterior. Vid. Auri-  
     cula.  
 Postiores. Vid. Auricula.  
 Cephalo-pharyngæus. Vid. Pha-  
     ryngis &c.  
 Chondroglossus. Vid. Chondro-  
     glossus.  
 Cricopharyngæus. Vid. Pharyn-  
     gis &c.  
 Glossostaphylinus. Vid. Uvulæ &c.  
 Hyopharyngæus. Vid. Pharyngis  
     &c.                                  Pro-

# I N D E X

Processus Majoris Mallei. Vid.  
Mallei &c.

Minimi. Vid. Mallei &c.

Minoris. Vid. Mallei &c.

Salpingostaphylinus. Vid. Uvula  
&c.

Sphenopharyngæus. Vid. Pharyn-  
gis &c. (&c.)

Thyropharyngæus. Vid. Pharyngis.

Tubæ Eustachianæ. Vid. Tubæ  
Eustachianæ &c.

N.

**N**ervorum Auditoriorum Duræ  
Portionis Ramulus ab Aquæ-  
ductu Falloppiano intrà Cranii Ca-  
vitatem regressus, super Duram  
Matrem, & Truncum Nervorum  
Quinti Patis Surculos diffundit.

Cap. III. N. X. p. 55

Hanc Portionem ullum sensibi-  
lem Ramum per Auriculæ po-  
steriora mittere; item quem Ra-  
mum per Faciem diffundit, in for-  
mam Anserini Pedis expandere,  
Anatomicæ perquisitioni non re-  
spondet. Cap. I. N. XV. p. 12

Et Explication. Tab. II.

Eiusdem Portionis ab Aquæductu  
Falloppiano egressæ verior Deli-  
neatio. Tab. II.

Portio Dura. Vid. Tympani &c.

Portio Mollis. Vid. Zonæ.

Nervi Cordis, si filo tantummodo  
constringantur in Cane, deinde  
statim solvantur; codem modo in-  
trà aliquos dies Canis moritur, ac  
si Nervi illi amputati essent; licet

hi tursum inspecti, in se nullum  
sensibilis læsionis vestigium osten-  
dant. Cap. V. N. VIII. p. 86, 87

Nervi Optici Lymphatica. Vid. Re-  
tina.

Ad Nervum Vertebralem post Au-  
riculam in Odontalgia combu-  
rendum certior locus, aliaque in-  
dicantur Cap. I. N. XV. p. 12  
Et Tab. II. Litt. H.

Plures Nervei Ramuli, qui inter  
unius Coniugationis Truncum, &  
Truncum alterius ducuntur, ve-  
lut ipsa Chorda Tympani, cur  
potius alterutri Coniugationi tri-  
buantur, nulla ratio est. Cap. II.  
N. XXII. p. 43

O.

**O**ccipitalis Vena Cap. I. N. XIV.

p. 11.

Hujus Delineatio Tab. VII. F. II.  
Foramen pro hac in Cranii Basí.  
Vid. Cranii &c.

Odontalgiae tollendæ causâ, ubi Ner-  
vus comburendus sit. Vid. Ner-  
vum.

Orificia Pharyngis. Vid. Pharyngis  
&c.

Orificiorum omnium, quæ in Vestibuli  
Cavitate occurrent, in pro-  
priis sitibus non minùs clara, quàm  
verâ Delineatio Tab. VIII. Fig.  
V.

Officula quatuor Tympani nihil aliud  
sunt, quàm duo Vectes, per quo-  
rum motum à Meatu Auditorio

T 3 in

# I N D E X.

in Labyrinthum Sonori Motus transferuntur. Cap. V. N. II. 74 & seq.

Hoc confirmatur etiam per Observationem Gravitatis Auditus ex ablatione talis Ossiculorum dispositionis in Vectes. Cap. V. N. V.

<sup>79</sup>  
Ossiculum Orbiculare dictum, non est Orbiculare; sed Ovale. Cap. II. N. IX. <sup>22.</sup>  
Ossis Hyoidis Appendiculum Cartilaginearum Luxatio. Vid. Deglutitio.

Illa Opinio, quod scilicet Vasa Sanguinea extimam Ossium superficiem perreptare nequeant; nisi membranis fulciantur, experientiae non respondet. Cap. III. N. XV.

P.

<sup>3</sup>  
**P**alpebrarum Glandulae ejusdem naturae sunt cum Auriculae Sebaceis. Cap. I. N. III.  
Tumores Cystici certius, & felicius exsecantur, sectionem instituendo ab internâ Palpebrarum parte. Cap. IV. N. IV. <sup>77</sup>

Parotidis, ejusque ductus verus circa Auriculam situs Tab. I. F. I.

In Parotide Glandula Lymphatica Cap. I. N. XVI. <sup>13</sup>

Hujus Delineatio Tab. I. F. I.

Pharyngis Musculi Cephalopharyngæ communiter vocati, non ab

imo Capitis; sed ab Uvula incipiunt. Cap. II. N. XX. <sup>37</sup>

Horum [sub nomine magis congruo, Staphylopharyngæorum videlicet] verior Delineatio Tab. V. & VI.

Hyopharyngæi Cap. II. N. XX. <sup>38</sup>

Horum Delineatio Tab. V. F. II. & Tab. VI. Litt. F. F. F. F.

Oesophagæus communiter vocatus [magis congruè Thyropharyngæi Musculi] non est unus Musculus, ut vulgo à majori parte censetur; sed reverè, ut Caslerius docuit, geminus est. Cap II. N. XX. <sup>39, 40</sup>

Hujus, sive potius horum accuratior Delineatio Tab. VI.

Sphenopharyngæi communiter appellati, non à Processibus Ossis Sphenoidis; sed à lateribus Linguae in parte hujus inferiori erumpunt. Cap. II. N. XX. <sup>38</sup>

Horum [sub nomine magis congruo, Glossopharyngæorum videlicet] verior Delineatio Tab. V. F. II.

Musculi Pharyngis non solùm in Deglutitione agunt (quæ quidem actio distinetè, & clare juxta veram ipsorum Anatomen explicatur) verùm cùm possint facere, ut Uvula plùs, minùsve supra Laryngis aperturam propendeat, utque plùs, minùs Pharyngis Orificia ad Os, & ad nares restrin-

gan-

# I N D E X.

**gantur; possunt etiam ad variam  
Vocis modulationem conducere.**

**Cap. II. N. XXI.** 41, 42

In Pharynge tria Orificia atten-  
denda sunt; unum ad Os, alte-  
rum ad Nares, tertium ad Oe-  
sophagum. Cap. II. N. XX. 36,

Horum Delineatio Tab. V. F.  
II. &c. 37

Tonsillæ accipi reverà possint pro  
Partibus, aut saltèm pro Appen-  
dicibus ipsius Pharyngis. Expli-  
cation. Tab. V. F. I.

Uvula Pharyngis Pars est. Cap.  
II. N. XX. 36

## R

**R** Enis Sinistri in homine deficien-  
tis Observatio Cap. II. N. XIV.

Retina Bovis Lymphatica non exi-  
lia elegantissimè ludentia exhibit:  
quæ exinde in truncos collecta,  
Nervum Opticum subeunt, Cap.  
III. N. XV. 60

## S

**S** Alpingostaphylini Musculi. Vid.  
Uvulæ &c.

Scalæ Tympani & Vestibuli. Vid.  
Cochleæ &c.

Scapularum Cutim obtainere Glan-  
dulas ejusdem naturæ cum Auri-  
culæ Sebaceis, conjicitur ex illâ

unctuositate, quæ in plurimorum  
industiis circa easdem Scapulas ob-  
servatur. Cap. I. N. III. 3

Senorium Auditus. Vid. Auditus.  
Sinuositas Mastoidea. Vid. Tympa-  
ni &c.

Sinuum Duræ Matris Lateralium ,  
& Sellæ Equinæ Adiacentium Ca-  
vitas non est cylindrica; sed qua  
parte Cerebrum respicit , quasi  
complanata est. Explication. Tab.  
VII. F. II.

Istiusmodi Cavitatis Delineatio  
Tab. VII. F. II.

Sonori Motus, si non ope mechanici  
motus quatuor Ossiculorum; sed  
per se ipsos transferre se à Meatu  
Auditorio in Labyrinthum debui-  
sent; Fenestræ Rotundæ Officia  
turbassent. Cap. VI. N. VII. 104

Sententias Vulgatas circa rationem ,  
qua Sonori Motus per Tympa-  
num ad Labyrinthum transeunt ,  
minus verisimiles esse , in univer-  
sum innuitur; si Tympani Ana-  
tomen spectemus: nominatim ve-  
rò una, quæ plurimis placuit, ad-  
ductis ex eadem Anatome rationi-  
bus, verisimilem non esse, evin-  
citur Cap. V. N. I. 73

Sonoros Motus Vestibulum ingres-  
tos, non omnia quæ in ipso oc-  
currunt, Orifica simul pervade-  
re; sed potissimum Proprium Ca-  
nalis Minimi, necnon Commune  
Orificium subire, conjicitur Cap.  
VI. N. III. 98

Sq.

# I N D E X.

Sonorī Motus. Vid. Auricula. Ossi-  
cula Motus Auditorii. Tubæ Eu-  
stachianæ. &c.

Sphenopharyngæ Musculi. Vid.  
Pharyngis &c.

Stapedis Basis non est, ut commu-  
niter traditur, exactè ellyptica;  
sed tantum ad ellypticam figuram  
accedit; atque insuper ejus margo  
ex unâ parte leviter deficit. Ex-  
plication. Tab. III. F. VIII.

Eiusdem vera Delineatio Tab.  
III. F. VIII.

Eadem Basis (quidquid alii scrip-  
serint) non est minimis forami-  
nibus pervia. Cap. II. N. X. 23

Membranam, per quam eadem  
Basis Fenestræ Ovali annexitur;

illam sic annexere, ut tamen sur-  
sum, deorsumque moveri possit,  
probatur per Observationem Sur-  
ditatis ab ossificatione, adeòque  
omnimodà immobilitate ejusdem

Membranæ. Cap. II. N. X. 23, 24

Eadem Membrana ex una deter-  
minatâ parte firmior est, atque  
robustior: & hoc, quia ex eâdem  
parte majus periculum est, ne  
eadem Membrana atteratur. Cap.

II. N. X. p. 31. Et Cap. V. N. III.

78

Minima Stapedis gravis non à  
cavernulis, sive porulis, quibus  
nempe (quidquid alii scripserint)  
caret; sed ab ossis tenuitate deducenda est. Cap. II. N. XII. 25

Intermedium Stapedis Spatium

[quidquid Aliqui doceant] nullâ  
plerumque Membranâ clauditur.  
Cap. II. N. X. 23

Steatoma. Vid. Glandulæ Sebaceæ.  
Surditatis à nativitate certa species  
induci potest à materiâ quadam,  
quæ ab Infantis Meatu Auditio-  
rio, veluti deberet, non exci-  
dat. Quæ Surditatis à nativitate  
species omnino incurabilis non  
erit. Cap. I. N. XIII. 10

Certæ Speciei Surditatis a duodecim  
annis afflgentis Chirurgica Cura-  
tio Cap. I. N. XII. 10

Circa Surditatis causam Observa-  
tio Cap. V, N. V. 78

Item Vid. Stapedis &c. Tubæ  
Eustachianæ &c.

## T.

**T**estium Ductus Seminiferi; qui  
nempe à Testibus in Epidi-  
dymides juxta Grafii Anatomen  
semen transferunt; (reverà (quid-  
quid alii scripserint) demonstrari  
possunt. Cap. II. N. VII. 21

Thyropharyngæ Musculi. Vid. Pha-  
ryngis &c.

Tonsilæ. Vid. Pharyngis &c.

Tragus, Vid. Auricula.

Tubæ Eustachianæ, ejus scilicet fi-  
guræ, ejusque Partium Delinea-  
tio Tab. III. F. III. XII. XIII.  
XIV. item Tab. IV. & X.

Eiusdem Musculus Cap. II. N.  
XVIII.

34  
Hujus

# I N D E X.

- Hujus Delineatio Tab. III. F. XII. & XIV. T. IV. Litt. m. m. & Tab. X. F. I. 43
- Eiusdem Musculi Usus est, ut quo tempore est audiendum, Tubam apertam, ut par est, servet. Cap. V. N. XI. 91
- Si enim Tubæ claudantur, illicò Auditum amitti, Observatione adducta probatur. Cap. V. N. X. 90
- Ratio, cur Tubæ Orificium ita constitutum fuerit; ut anterius sui labrum Proceslui Pterygoidi contiguum sit, posterius verò; quod nulli simili parti contiguum est; ex crassefacta Cartilagine construitur. Cap. V. N. XII. 91
- Cætera ad Tubam attinentia Vid. Cap. VI. N. VI. 102
- Et N. VII. 103, 104
- Tubarum Polyphonicarum Artificibus monitum datur, ut Tubas non sînè certis stratorum intersticiis confiant; quando hæc, ut conjicitur reverà ad Soni augmentum conducant. Cap. IV. N. V. 86
- Tumores Cystici. Vid. Glandulæ Sebaceæ. Vid. Palpebrarum &c. Cujusdam Speciei Tumorum à sanguine extravasato productorum Signa. Cap. IV. N. VIII. 71
- Talium Tumorum Observations duæ. Ibidem. 82
- Tympani Arteria Ramulus est Arteriæ Carotidis, qui ab ista, per
- osseum Canalem ad Cerebrum scandente, perforato Canali, reccedit. Cap. II. N. XXII. 43
- Hujus Delineatio Tab. VIII. F. I. Cavitatis Tympani partem esse Sinuositatem Mastoideam, probatur Cap. II. N. III. 17
- Tympani Chorda ita inter Malleum, & Incudem disponitur, ut ipsis motis, moveri statim debeat. Cap. II. N. XXII. 44
- Tympani Chorda. Vid. Nervi.
- Tympani Foramina, per quæ ipsius Cavitas cum Cranii Cavitate communicat; adeoque per quæ sanguis, ichor &c. in quibusdam casibus ab ista in illam Cavitatem, & deinde per Meatum Auditorium, aut per Tubam Eustachianam; inde per Nares, aut Osforas eliminantur. Vere enim (quidquid Aliquis contra censuerit) talia à Cavitate Cranii promanant. Cap. II. N. XIV. 27 & seq.
- Et Cap. V. N. VIII. 83, 84
- In hoc ipsum duæ Observations Cap. II. N. XIV. 29, 30
- Serum quoddam, per eujus à Naribus excretionem Dolores Capitis sublati sunt, à Cranii Cavitate per ea Foramina expulsum esse, conjicitur Cap. V. N. VII. 82
- Ab his quoque Foraminibus illud habetur, quòd nempe in Vulneribus Capitis penetrantibus, dum clausis Naribus, & Orecach intro-

# I N D E X.

**tro comprimitur ; sanies per vul-**  
**nus prorumpat.** Cap. V. N. VIII.

84, 85

**Per hæc Foramina aer externus**  
**immediatè potest agere in Duram**  
**Matrem.** Cap. V. N. VIII. 84  
**Humor , quo Tympanum hume-**  
**statur , derivari etiam potest à**  
**Cranii Cavitate ; per ea nempe**  
**Foramina , de quibus modo &c.**  
**Cap. II. N. XV.** 31

**Tympani Membrana componitur**  
**ex dupli expansione membrana-**  
**cea ; Duræ Matris scilicet , & Cu-**  
**tis Meatus Auditorii.** Cap. II N.

I. 14

**Hæc compositio patet in Huma-**  
**no Fœtu.** Ibid.

**In Tympani Membrana Foramen**  
**adesse , per quod Fluida à Tym-**  
**pano in Meatum Auditorium per-**  
**veniant , licet nondum pro certo**  
**habeatur ; plures tamen adducun-**  
**tur Observationes , ex quibus ip-**  
**sam adesse , conijci queat.** Cap. II.

N. II. 15 & seq.

**In experimento Willisi de Cane**  
**post rupturam hujus Membranæ**  
**ad tres adhuc menses audiente ,**  
**nonnulla , & quidem notabiliora ,**  
**desiderantur.** Cap. V. N. V. 77

**In Experimento hoc confiendo**  
**aliqua deceptio subesse potest ; nisi**  
**Canem eneces , & inspicias.** Cap.

V. N. V. 80, 81

**Canes , quibus Tympani Mem-**  
**brana perrupta fuerat , non solum**

ad tres menses , verū ad annum ,  
imò usquedum vixerint , audi-  
vise , indicatur Cap. V. N. V. 81  
ni Canibus , quibus similiter Tym-  
pani Membrana perrupta fuerat ;  
eadem in pristinam integritatem  
restituta comperta est. Cap. V. N.

V. 80

**Membrana hæc maximâ ex parte**  
**corrosione absumpta , à Naturâ**  
**restituta est.** Cap. V. N. V. 79

**Tympani Membrana.** Vid. Mallei  
&c.

**Nerveorum Surculorum , qui tum**  
ab eo Ramulo , qui Chordam  
Tympani constituit , tum à Durâ  
Auditoriorum Nervorum Porti-  
one Tympano conceduntur , De-  
lineatio Tab. VII. F. III.

**Venæ Tympani , iugularis Di-**  
**verticulum ingredientis , Delinea-**  
**to Tab. VII. F. II.**

**Ad Tympani Ulcera detergenda**  
facile , necnon utile remedium est ;  
si æger clausis Naribus , & Ore ,  
aerem vi intrò comprimat. Cap.

V. N. VIII.

84

V.

**Vasa Sanguinea.** Vid. Ossium &c.  
**Vena Occipitalis.** Vid. Occipi-  
talnis.

**Temporalis.** Vid. Arteria.

**Ulcera Auris.** Vid. Auris.

**Observatio Ulceris , ad Mamil-**  
**larem Processum existentis , in**  
**quod**

# I N D E X.

quod injecta, statim in Oris Cavitatem, licet undeque illæsam, transmittebantur. Cap. V. N. IX. 89

**Ulcera ad Musculos Salpingostaphylinos.** Vid. Uvulæ &c.

Tympani. Vid. Tympani &c.

**Uvulæ Basis** illud perpetuò præstat, ut notabilis aeris quantitas ab extremitatibus Tubarum Orificiis avertatur; qui aliæ ipsarum Munera interturbaret: & illud, quatenus perpetuò adducitur versus medium illius Pharyngis Orificii, quod ad Nares patet, per motum tonicum Musculorum Salpingostaphylinorum: quos proinde; si ambo erodantur; Gravitatem Auditus inducere in utrâque Aure, observatur; si verò alteruter; in alterutrâ. Cap. V. N. XII. 94

**Uvulæ Corpus** per suos Musculos Pharyngostaphylinos extendi potest in quandam veluti Valvulam; & sic in Deglutitione, necnon in quibusdam audiendi casibus apta est Orificium Pharyngis ad Nares restringere; maximè cum versus ejusdem Orificii medium tunc peculiari ter adducatur à Musculis suis Salpingostaphylinis se contrahens-

tibus. Cap. II. N. XXI. 41

Et Cap. V. N. XII. 93, 94

**Uvulæ Musculi Glossostaphylini.** II. N. XIX. 35

Horum Delineatio Tab. V. F. I. Pharyngostaphylini. Vid. Pharyngis Musculi Cephalopharyngæ communiter vocati.

Salpingostaphylini, non à Processu Pterygoide, ut creditur (nam vocantur passim Pterygostaphylini Interni) sed à Parte Osseâ Tubæ Eustachianæ exoriuntur. Cap. II. N. XIX. 35

Horum Delineatio Tab. V. VI. & IV.

**Uvula.** Vid. Pharyngis &c.

## Z.

**Zonæ Sonoræ Canarium Semicircularium** Cap. III. N. XII.

Harum Delineatio Tab. VIII. F. VIII. IX. X. & Tab. X. F. III. 56

Earundem inveniendarum ratio. &c. Cap. III. N. XIII. 57

Cætera ad easdem attinentia Vid. Cap. VI. N. IV. V. VII. VIII. 100 & seq.

# F I N I S.

# Bibliopego.


Animadvertere debet Bibliopegus, Figuras non esse libro injungendas, sed ad calcem ita compingendas, ut lector illas explicans in legendo ante oculum habere possit.

## Aan de Boekbinders.

De figuren moeten agter het boek gebonden worden en zodanig gevouwen, dat ze buyten het boek opengaen, des moet men het wit papier daar aan laten, en niet afsnyden.

F I N I S.

TAB.I.





TAB. II.





TAB. III.

Fig. I.





Fig. VIII.



Fig. XIII.



Ch. Lening. Sculpsit.

Fig. II.



Fig. III.




Fig. VI.



Fig. VII.



Fig. X.





Fig. XI.



Fig. XIII.







Tab. IV.



Ch. L. Lentigo. Groninganus. Sculpsit.




TAB. V.





TAB. VI.



M

C

TAB. VII.

FIG. II.




FIG. I.




FIG. V.




FIG. IV.





FIG. III.



H. Lanting. Sculpit.

12.51

12.51

12.51

12.51

TAB.VIII.

Fig. I.




Fig. II.



Fig. III.




FIG. IV. I



Fig. V.




Fig. VI.




Fig. VII.



fig. VIII.




FIG. IX.





FIG. X.



fig. XI



H. L. Sculpit.


118



118




118



118



TAB. IX.



**A**

I		7.
II		5. $\frac{1}{2}$
III		5.

**H**

I		7.
II		6. $\frac{1}{2}$ et ultra
III		4. $\frac{1}{2}$

**B**

I		6. $\frac{1}{2}$ et ultra
II		5. $\frac{1}{2}$ et ultra
III		5. et ultra

**I**

I		6. $\frac{1}{2}$
II		6.
III		4. $\frac{1}{2}$

**C**

I		6.
II		5. $\frac{1}{2}$ et ultra
III		4. $\frac{1}{2}$

**K**

I		7.
II		6. $\frac{1}{2}$ et ultra
III		4. et ultra

**D**

I		6. $\frac{1}{2}$
II		5. $\frac{1}{2}$
III		4. $\frac{1}{2}$

**L**

I		5. $\frac{1}{2}$
II		5.
III		3. $\frac{1}{2}$

**E**

I		7. $\frac{1}{2}$
II		6. et ultra
III		3. $\frac{1}{2}$ et ultra

**M**

I		6.
II		5. $\frac{1}{2}$
III		3. $\frac{1}{2}$

**F**

I		8.
II		7. et ultra
III		5. $\frac{1}{2}$

**N**

I		7. et ultra
II		6. $\frac{1}{2}$
III		4. $\frac{1}{2}$

**G**

I		6.
II		5. $\frac{1}{2}$ et ultra
III		3. $\frac{1}{2}$

**O**

I		6. $\frac{1}{2}$
II		5. $\frac{1}{2}$ et ultra
III		3. $\frac{1}{2}$

verso 37

verso 38

verso 39

verso 39

verso 39

TAB. X.

FIG. I.




FIG. II.

FIG. III.

